

- ⁹ Tullooni gaaronnis hundinuu,
mukkeettiin ija godhatan,
gaattiraanis hundinuu,
¹⁰ bineensonni, horiin qe'ees hundinuu,
warri lafa irra munyuuqan,
warri baalleedhaan ka'anis,
¹¹ mootonni lafaa, sabnis hundinuu,
gurguddoonni, warri biyya
seerratanis hundinuu,
¹² dargaggoonni, durboonnii
akkasuma,
jaarsoliinis ijoollee wajjin,
¹³ hundumti isaanii maqaa
Waaqayyoo haa jajatan!
Maqaan isaa kopbaan ol ka'ee
waan beekameef,
surraan isaa lafaa fi bantii
waaqaa gararraa dha.

*7 104:26

*8 104:4

- ¹⁴ Jajuu ijoollee Israa'el,
warra isatti dhi'aatanii,
isaaf of kennan bundumaaf,
inni gaanfa mataa saba isaa
ol qabeera.
Waaqayyoon jajadhaa*!
*14 Kes 4:7-8

Faarfannaa Galataa

- 149** ¹Waaqayyoon jajadhaa!
Faarfannaa haaraadhaan
Waaqayyoon
faarfadhaa!
Walga'ii warra isaaf of kennanii
keessatti
jajuu isaa dhageessisaa*!
² Israa'el isa isa uumetti haa
gammadu,
ijoolleen Xiyyoon
mootii isaaniitti gammaduu
isaanii haa mul'isan*!
³ Sirbanii maqaa isaa baa jajatan,
dibbee fi kiraara
rukutuudhaanis isa haa
faarfatan!
*1 33:3; 96:1
*2 100:2
⁴ Waaqayyoo saba isaatti in
gammada,
warra gad deebi'aniifis
mo'icha kennuudhaan
ulfina in argachiisa*.
⁵ Warri isaaf of kennan

ulfina kanatti haa gammadan,
afata isaanii irrattis guddisanii
baa faarfatan!

- ⁶ Waaqayyoon jajatanii ol himuun
afaan isaanii keessaa,
billaan gar lamaan qaramaanis
barka isaanii keessaa hin bu'in!
⁷ Saba lafa irraa irratti ija
ba'uudhaaf,
saba warra kaanis adabuudhaaf
⁸ mootota isaanii fuuncaadhaan,
ulfina-qaboota isaanii
funyoo sibiilaatiin hidhuudhaaf,
⁹ firdii caafamee jiru isaan irratti
in raawwata,
kun warra isaaf of kennan
hundumaaf ulfina!
Waaqayyoon jajadhaa*!

*4 147:6

*9 Isa 63:4-6; Yoe 4:2-14

Faarfannaa Jajachuu Isa Guddaa

- 150** ¹Waaqayyoon jajadhaa!
Iddoo isaa isa qulqullaa'aa
keessatti Waaqayyoon
jajadhaa!
Bantii waaqaa isa
humna-qabeessa keessatti
isa jajadhaa!
² Gochaa isaa isa
aango-qabeessaaf isa
jajadhaa;
akka guutummaa guddina
isaatti isa jajadhaa!

- ³ Sagalee fiinootiin isa jajadhaa;
kiraaraa fi maseenqoodhaan isa
jajadhaa!
⁴ Dibbedhaa fi sirbaan isa jajadhaa;
mi'a ribuu qabuun, ululleedhaanis
isa jajadhaa!
⁵ Sibiila walitti rukutamee
sagalee ol kaasuun,
isa jajadhaa!
sibiila walitti rukutamee sagalee
guddaa dhageessisuun,
isa jajadhaa*!
⁶ Wanti hafuura baafatu hundinuu
Waaqayyoon baa jajatu!
Waaqayyoon jajadhaa*!

*3-5 98:4-5; 2Sam 6:5

*6 Mul 5:13

Macaafa Fakkeenya

Bu'aa Fakkeenyonni Kennan

1 ¹Fakkeenyonni Solomoon ilma
Daawit, mootii Israa'el kanatti aa-
naniii jiru*. ²Isaanis namoonni ittiin
ogummaa fi barsiisa akka argataniif,
dubbii beekumsa of keessaa qabus
akka hubataniif in gargaaru; ³akkasu-
mas qalbifachuudhaan, qajeelummaa fi
wanta seeraan egame, wanta dhugaa
ta'es akka argataniif, ⁴wallaalonni ma-
la, ijoolloonis beekumsaa fi dubbii
gargar baasuu akka qabaataniif kenna-
man. ⁵Namni ogeessi in dhaggeeffata,
barumsas in dabalata, namni dubbii
gargar baasuu beekus mala in argata.
⁶Dubbii fakkeenyaan dubbatamu, baa-
saa sookaa, wanta ogeeyyiin dubbata-
niif hibboo in hubata.

⁷ Waaqayyoon sodaachuun jalqaba
ogummaa ti,
gowwoonni garuu ogummaa fi
barsiisa in tuffatu*.

*1 1Mot 4:29-32

*7 8:13; 9:10; Iyo 28:28; Far 111:10;
Lat 12:13

Dargaggeessaaf Gorsa Kennuu Isaa

- ⁸ Yaa ilma ko, gorsa abbaa keetii
dhaga'i,
barsiisa haadha keetiis hin
tuffatin*.
⁹ Isaan mataa keetiif akka daraaraa
battee dha'amee ti,
morma keetiifis mi'a
miidhaginaa ati dirattuu
dha.
¹⁰ Yaa ilma ko,
cubbamoonni yoo si
wallaalchisuuf jedhan,
tole hin jedhiniif*;
¹¹ isaan, "Nuu wajjin kottu,
dhiiga namaa
dhangalaasuudhaaf
dhaqnee ribnee eeggannaa;
nama balleessaa hin qabnes
sababiidhuma tokko malee,
miidbuudhaaf karaatti in
eegganna;
¹² akka iddoo lafa jalaatti,
akka warra fayyaatti
boolla gad fagoo keessa
buufamaniittis

guutummaatti isaan in
liqimsina.

- ¹³ Nuyi wanta gati-jabeessa
hundumaa
in arganna,
manneen keenyas wanta
saamneen in guuttanna;
¹⁴ birmaata keenya walitti in
dabalanna,
korojoon keenyas tokko baa
ta'u!"
yoo siin jedhan,
¹⁵ yaa ilma ko, isaanii wajjin hin
adeemin,
karaa isaanii irras bin bu'in!
¹⁶ Miilli isaanii hamaatti in fiiga,
isaan dhiiga dhangalaasuudhaaf
in ariifatu.
¹⁷ Warra baalleedhaan ka'an
qabuudhaaf,
erga isaan arganii
kiyyoo diriirsuun waa'ee hin
baasu.
¹⁸ Namoonni kun riphani
eeggachuun isaanii,
dhiiguma ofii isaanii
dhangalaasuutti in geessa;
kan biraa karaatti eeggachuun
isaaniis
jireenya ofii isaanii in
balleessa.
¹⁹ Jireenyi nama bu'aa jal'inaa
buufatuu
kana in fakkaata;
qabeenyi akkasiis
lubbuu namichaa in balleessa.
*8 6:20; 23:22; 30:17; Bau 20:12;
Kes 21:18-21
*10 16:29; Kes 13:7-9
Ogummaan Namoota Waamuu Isbee
²⁰ Ogummaan bakkee keessaa
guddiftee in iyyiti,
walga'ii karaa keessaas
sagalee ishee in dbageessifti;
²¹ mataa lafa namoonni
itti wal ga'anti irraa,
sagalee ishee ol fudhattee in
iyyiti;
karra kella mandaraatiis in
dubbatti*.
*20-21 8:1-3; 9:3
²² Isheen, "Isin wallaalota nana,

hamma yoomiitti
wallaalummaa jaallattu?
Isin ga'iftoota nana,
hamma yoomiitti ga'isuutti
gammaddu?
Isin warri gowwoonnis
hamma yoomiitti beekumsa
jibbitu?
²³ Gorsa koo dhaggeeffadhaa!
Kunoo, ani hafuura koo isiniif
nan dhangalaasa,
dubbii koos akka beektan nan
godha;
²⁴ ani isin waamnaan erga diddani,
harka koo bal'ifnaanis
gara koo kan dhufu erga dhibee*,
²⁵ isin gorsa koo hundumaa
tuffattanii,
iffata koos erga hin barbaannee,
²⁶ ani immoo badiisa keessanitti
nan kolfa,
naasuun yommuu isin qabatus
isinittan ga'isa*.
²⁷ Naasuun akka bubbeetti
yommuu isinitti dhufu,
badiisa akka qilleensa jabaatti
yommuu isinitti bubbisu,
rakkinnii fi muddamni
yommuu isin irra garagalu,
²⁸ isin na waammattu,
ani garuu deebii isiniif hin
kennu;
dhimmitaniis na harbaaddu,
ana hin argattan*.
²⁹ Isin beekumsa in jibbitan,
sodaa Waaqayyoo hin fo'anne;
³⁰ isin gorsa koo hin barbaanne,
iffata koo hundumaas in
tuffattan;
³¹ kanaaf isin ija hojii keessanii in
nyaattu,
wanta akeeka baafattaniinis
in wichirootu*.
³² Wallaalota karaa irraa goruntu
ajjeesa,
gowwootas 'Giddii hin qabu'
jechuutu balleessa.
³³ Namni anaaf dhaga'u garuu
nagaatti in jiraata,
wanta hamaa hin sodaatu, hin
bir'atus" in jetti.

*24 Isa 65:2,12; Er 25:1-6

*26 Kes 28:63

*28 Isa 59:2; Er 11:11; Amo 8:11-12;
Mik 3:4

*31 Isa 3:10-11

Bu'aa Ogummaan Namaaf Kennitu

2 ¹ Yaa ilma ko, dubbii koo yoo
fudhatte,
abboommota koos yaada kee
keessa yoo kaa'atte,
² gurra kee gara ogummaatti
qabdee,
yaada kee gara bubannaatti yoo
deebifte,
³ beekumsa gad fagootti yoo
iyyatte,
hubannaa argachundhaafis
guddiftee yoo iyyite,
⁴ akka nama meetii barbaaduutti,
akka nama qabeenya
dhokfamee jiru qoratuuttis
ishee yoo barbaadde,
⁵ ati yommuu Waaqayyoon
sodaachnu in barta,
waan ittiin ishee beektus in
argatta*.
⁶ Ogummaa Waaqayyotu kenna,
beekumsii fi hubannaan
dubbii afaan isaa keessaa
ba'uun in argama*;
⁷ inni nama yaadni isaa qajeelaaf
ogummaa in kenna,
warra balleessaa bin qabneefis
gaachana*;
⁸ inni daandii qajeelummaa in
to'ata,
karaa warra isaaf of kennaniis
in eega.
⁹ Yommuu ati wanta qajeelaa ta'ee
fi firdii dhugaa,
amanamummaa fi
wanta ba'eessa ta'e hundumaas
in hubatta.
¹⁰ Yeroo ati ogeessa taatee,
beekumsis si gammachiisu*.
¹¹ of eegganaan si golga,
hubannaanis si eega.
¹² Ogummaan karaa namoota
jal'ootaa irraa,
warra dubbiin isaanii jal'aa
ta'e irraa,
¹³ warra karaa dukkanaa irra
adeemuuf jedhani,
daandii qajeelinaa dhiisan irraa,
¹⁴ warra hamaa gochuutti,

*4-5 1:7; Yaq 1:5

*6 1Mo 5:9-10; Lal 2:26; Dan 2:20-23

*7 Far 7:10

*10 1Qor 1:30

micciiramummaa warra
jal'ootaattis gammadan
irraa,
¹⁵ namoota warra karaan isaanii
micciiramaa,
warra adeemsi isaanii jal'aa
ta'e irraas si oolchiti.
¹⁶ Isheen dubartii ormaa irraa,
dubartii gaalamoota
ishee afaaniin namatti kuultu
irraa,
¹⁷ ishee dhirsa qarrummaa isheetii
dhiifte irraa,
ishee kakun Waaqayyoo ishee
irraanfate irraas si eegdi.
¹⁸ Gara mana dubartii gaalamootaa
dhaquun,
boolla du'aatti adeemuu dha;
karaan jireenya ishees
gara ekeraa warra du'aniitti in
geessa.
¹⁹ Warra ishee bira dhaqan keessaa
kan deebi'e,
deebi'ees karaa jireenyaa kan
argate hin jiru*.
²⁰ Ati garuu karaa namoota
gaggaarii irra in adeemta,
karaa warra qajeelotaa irraa
akka hin jal'anneefis in
eeggatta.
²¹ Warri gara-qajeelonni biyya
keessa in jiraatu,
namoonni balleessaa bin qabnes
isa keessatti in bafu*.
²² Warri jal'oonni garuu biyyicha
keessaa in balleeffamu;
warri bin amanamnes isa
keessaa in buqqifamu*.
²¹ Far 37:9,11; Mat 5:5
²² Far 37:10

Bu'aa Ogummaan Namaaf Kennitu
Ittuma Fufee Dubbachuu Isaa

3 ¹ Yaa ilma ko, gorsa koo hin
irraanfatin,
abboommota koos yaadatti
qabadhu!
² Isaan guyyoota baay'ee fi
waggoota baay'ee,
nagaatti jiraachuus siif in
dabalu*.
³ 1-2 4:4,10; 7:1-3; 9:11; 10:27;
Lew 18:5; Kes 30:16

³ Gaarummaa fi amanamummaan
sittii hin fagaatin!
Morma keetti isaan hidhadhu,
gabatee garaa keettis isaan
caaffadhu*!
⁴ Yommuu ati Waaqayyoo duratti,
nama durattis maqaa gaarii in
argatta,
faara tolaadhaanis in ilaalamta*.

*3 Kes 6:8

*4 1Sam 2:26; Lug 2:52

⁵ Garaa kee guutuu Waaqayyoon
amanadhu,
hubannaa ofii keetiitti bin
hirkatin!
⁶ Karaa kee hundumaatti isa yaadi,
innis daandii kee siif in
qajeelcha.
⁷ Ani ogummaa qaba ofiin hin
jedhin;
Waaqayyoon sodaadhu,
wanta hamaattis fagaadhu*!
⁸ Kun fayyaa dhagna keetiif,
cimina lafee keetiifis in ta'a.
⁹ Qabeenya keetiin,
ija midhaan keetii hundumaa
keessaa isa duraatiinis,
Waaqayyoo ulfina kenni*!
¹⁰ Yommuu midhaan gombisaa kee
in guuta,
daadhiin waynii kee inni
baaraanis
guntee iddoo cunnfaa waynii
kee irra in dhangala'a.
⁹ Bau 23:19

¹¹ Yaa ilma ko, adaba Waaqayyoo
hin tuffatin,
ifata isaas bin jibbin*!
¹² Abbaan ilma isaa isa jaallatu
akkuma adabu,
Waaqayyoo nama jaallatu in
adaba*.

*11 Iyo 5:17-19; Ibr 12:5-6

*12 1Qor 11:32; Mul 3:19

¹³ Namni ogummaa argatu,
namni hubataanis haa
gammadu!
¹⁴ Ogummaan meetii caalaa bu'aa
qabdi,
iji isheen godhattus
kan warqee irra in wayya;

- ¹⁵ isheen calleewwan caalaa gati-jabeettii dha, wanta ati caalaatti hawwitu keessaa kan isheedhaan qixxaatu hin jiru*.
- ¹⁶ Gara harka ishee mirgaa jireenya dheeraatu jira, gara harka ishee bitaas soorumaa fi ulfinatu jira;
- ¹⁷ karaan ishee karaa namatti toluu dha, daandii ishees daandii nagaa ti;
- ¹⁸ isheen warra jabeessanii ishee qabataniif muka jireenya ti, warri jabeessanii ishee qabatan haa gammadan*!
- ¹⁹ Waaqayyo ogummaadhaan hundee lafaa jabeessee uume, hubannaadhaanis bantiwwan waaqaa jabeessee in dhaabe.
- ²⁰ Beekumsa isaatiin burqituwwan callabboo in futta'an, duumessoonnis fixeens in coccophsan*.
- ²¹ Yaa ilma ko, ogummaa fi dubbii gargar baasanii hubachuutti jabaadhu, ija kee duraa akka dhabaman hin godhin!
- ²² Isaan siif jireenya, morma keertiifis miidhagina in ta'u.
- ²³ Yommuu ati nagaadhaan karaa kee irra in adeemta, miilli kees hin gufatu.
- ²⁴ Yommuu ciiftu hin sodaattu, yommuu raftus hirribni kee miyaa'aa in ta'a*;
- ²⁵ naasuun dingataa, badiisi jal'oota qabatus yommuu dhufu hin sodaatin!
- ²⁶ Waaqayyo amanannaa kee in ta'a, miilli kee kiyyoodhaan akka hin qabamneef in eega*.

*14-15 2:4; 8:10-11; 16:16; Iyo 28:15-19
*18 11:30; Uma 2:8-9
*19-20 8:22-31
*24 Far 3:5; 4:8
*26 10:29

- ²⁷ Goebuudhaaf utuu dandeessuu, warra wanta gaarii argachuun ta'uuf duraa bin hambisin!
- ²⁸ Utuu of harkaa qabduu, "Ber siif nan kennaatii deebi'ii kottu!" namaan hin jedhin!
- ²⁹ Nama si amanatee si bira taa'utti wanta bamaa hin yaadin!
- ³⁰ Utuu namni si hin miidhin, akkasumaan nama hin lolin.
- ³¹ Nama humna isaa namatti argisiifatutti bin binaafin, karaa isaa keessaas tokko illee hin fo'atin*;
- ³² namni miicciiramaan Waaqayyo duratti in ciigga'ama, warri yaada qajeelaa qaban garuu in amanamu*.

*31 23:17; 24:1, 19-20

*32 15:8-9; Far 25:14

- ³³ Abaarsi Waaqayyoo mana warra jal'ootaa irra jira, mana warra qajeelotaa garuu Waaqayyo in cebbisa*!
- ³⁴ Dhugumaan inni warra ga'iftuutti in ga'isa, warra gara-laafotaaf garuu ayyaana isaa in kenna*.
- ³⁵ Ogeessonni ulfina in argatu, warri gowwoonni garuu salphina irra in bu'u.

*33 2:21-22; 13:21; 14:11; 24:20; ISam 2:9; Iyo 20:4-19; Isa 3:10-11

*34 Yaq 4:6; IPhe 5:5

Ogummaan Bu'aa Guddaa Qabaachuu Ishee

- 4** ¹ Yaa ilmaan ko, gorsa-abbootaa dhaga'aa, akka hubattanitti yaadaan duukaa bu'aatii dhaggeeffadhaa!
- ² Ani barsiisa gaarii isiniif nan kenna, isin seera koo hin dhiisinaa!
- ³ Ani mana abbaa kootii mucaa qanani'aa, haadha kootiifis ilma tokkicha yommuun ture,
- ⁴ abbaan koo kanatti fufee kan jiru na barsiise;

- "Waanan sitti dubbadhu eimsii yaadatti qabadhu, in jiraattaatii abboommota koo eegi*!"
- ⁵ Ogummaa argadhu, hubataas ta'ii! Dubbii afaan kootii hin irraanfatin, irraas hin jal'atin!
- ⁶ Ogummaan si golgittii ishee hin dhiisin, si eegdiitii ishee jaalladhu!
- ⁷ Ogummaan hundumaa irra in caaltiitii ishee argadhu! Wanta qabdu hundumaanis, hubannaa bitadhu*!
- ⁸ Ol ishee fuudhi, isheenis ol si qabdi, ofitti ishee qabi, isheenis ulfina siif in kenniti;
- ⁹ isheen daraaraa battee dha'ame mataa kee irra in keessi, gonfoo miidhagaas siif in kenniti" jedhe.

*4 3:1-2; Lew 18:5

*7 23:23; Mat 13:44-46

- ¹⁰ Dhaga'i yaa ilma ko, dubbii koo fudhadhu! Barri jireenya kees in baay'ata*.
- ¹¹ Ani karaa ogummaa si barsiiseera, daandii qajeelaa irras si geggeesseera.
- ¹² Yommuu adeemtu karaan sitti hin dhiphatu, yommuu fiigdu hin gufattu;
- ¹³ gorsa siif kennamteetti jabaadhu, gad ishee bin dhiisin! Isheen jireenya kee waan taateef, ba'eesa godhii eeggadhu!
- ¹⁴ Daandii namoota jal'ootaa irra hin bu'in, karaa namoota hamootaa irras hin deddeebi'in*!
- ¹⁵ Irraa fagaadhu! Isa irras hin adeemin, irraa gori karaa kee irra adeemi!
- ¹⁶ Isaan hamma bamaa godhanitti hin rafan, hamma nama gufachiisanitti hirribni ija isaaniitti hin dhufu*;
- ¹⁷ buddheena jal'inaa in nyaatu, daadhii humnaan nama irratti ka'uudhaan argamus in dbugu.

*10 3:1-2

*14 Far 1:1

*16 Far 36:4; Mik 2:1

- ¹⁸ Daandiin qajcelotaa akka ifa barii ganamaa, isa yeroo biiftuun baatee ol adeemtu, ittumaa ifaa ol adeemuu ti.
- ¹⁹ Daandiin jal'ootaa garuu akka dukkana limixii ti, jal'oonni wanta isaan gufachiisu hin beekan*.

*19 24:20

- ²⁰ Yaa ilma ko, dubbii koo dhaga'i, gurra kees gara wanta ani jedhuutti qabi!
- ²¹ Isaan ija kee duraa hin dhabamin, yaadatti isaan qabadhu!
- ²² Isaan nama isaan argateef jireenya, guutummaa dhagna isaatiifis fayyina*;
- ²³ wanti jireenyaaf barbaachisu yaada garaa keessaa waan ba'uuf, yaada kee ba'eesa godhii eeggadhu!
- ²⁴ Jal'ina dubbachuu afaan keettii, dubbii miicciiramaas arraba keettii fageessi!
- ²⁵ Iji kee kallattiidhaan qajeelchee haa ilaalu, wanta ija kee dura jiru duwwaa ilaali*!
- ²⁶ Irra adeemuudhaaf akka ta'utti, daandii kee wal qixxeeffadhu! Yommuu adeemsi kee hundinuu siif in qajeela*;
- ²⁷ gara mirgaatti yookiis bitaatti hin gorin, miilla kee wanta hamaattii deebisi*!

*22 3:8

*25 17:24

*26 Ibr 12:13

*27 Iya 1:7

Gorsa Ejjummaa Irraa Of Eeggachiisuu

- 5** ¹ Yaa ilma ko, dubbii ogummaa kootii dhaggeeffadhu, gurra kees gara wanta ani hubannaadhaan dubbadhuutti qabi!

- ² Yommus dubbii gargar baasuu in dandeessa, dubbiiin afaan kees beekumsaan in ta'a; ³ hidhiin dubartii ejjituu damma coccophsa, haasaan afaan isheetii akkuma dhadhaa ti, namas hin quuqu; ⁴ dhuma irratti garuu akka hadhooftuu, akka billaa gara lamaan qaramees in taati. ⁵ Miilli ishee gara du'aatti gad in bu'a, ejjennaan ishees gara iddoo lafa jalaatti in gessa; ⁶ ati waa'ee karaa jireenyaa akka hin yaadnetti, daandiin ishee gegeddaramaa dha; ati garuu isa hin beektu*.

*3-6 2:16-19; 6:24-7:27; 22:14; 23:27-28; Lal 7:26

- ⁷ Egaa yaa ilmaan ko, mee na dhaga'aa! Wantan afaan kootiin dubbadhu irraa hin jal'atinaa! ⁸ Karaa kee ishee irraa fageessi, balbala mana isheetti iyyuu hin dhi'aatin! ⁹ Yoo kana eeggachuu dhaabaatte, ulfina kee namoota biraatiif, bara jireenya kees nama gara-jabeessaaf kennuu kee ti; ¹⁰ qabeenya kee ormatu nyaata, dadhabbiin kees mana alagaa in sooromsa; ¹¹ dhuma bara jireenya keetti, foon kee fi dhagni kee yommuu gad dhumu in aadda. ¹² Ati, "Ani attamitan gorsa jibbe, garaan koos attamitti adabamuu tuffate! ¹³ Ani barsiisota kootiif hin abboomamne, gurra koos gara warra na gorsaniitti hin qabne; ¹⁴ guutummaa walga'ii waldaa keessatti, hamma xinnoofan waan hamaa hundumaa keessa lixee oole" in jetta.

- ¹⁵ Boolla bishaanii kee keessaa bishaan boollaa, ija bishaanti kee keessaas bishaan yaa'u akka dhugdu, [haadha manaa kee ishee jaalala siif burqisiifutti gammadi!] ¹⁶ Burqituun kee bakkee keessa, bishaan lagaa kees karaa keessa haa tamsa'anii ree? ¹⁷ Isaan si duwwaadhaaf malee, orma warra sii wajjin jiraniif hin ta'in! ¹⁸ Burqaan kee eebbifamaa haa ta'u, haadha manaa qeerrummaa keetti wajjin gammadi*! ¹⁹ Isheen jaallatamtuu akka borofaa, simbo-qabeetti akka kurupheettis, harmi ishee yeroo hundumaa si haa gammachiisu, jaalalli ishees laphee si haa coru*!

- ²⁰ Yaa ilma ko, maaliif dubartiin ormaa laphee si corti? Maaliifis haadha manaa namaa ammatta? ²¹ Karaan namaa guutummaatti Waaqayyo dura jira, inni daandii nama hundumaa in ilaala. ²² Namni jal'aan hojii-hamaa hojjetetti in gala, funyoo cubbuu isaatiinis in qabama; ²³ inni gorsa waan dhabeef in du'a, guddiani gowwummaa isaatiis karaa irraa isa in kaachisa.

*18 Lal 9:9

*19 Wed 4:5

Gowwummaa Irraa Of Eggachiisuu Isaa

- 6** ¹ Yaa ilma ko, namaaf wabii yoo darbite, akkasumas walii galtee jabeessuudhaaf nama biraa wajjin yoo harka wal rukuttan, ² wanti ati dubbatte futtaasaa sitti ta'ee, dubbiin afaan keetiis kiyyootti yoo si galche, ³ ati harka fira kee keessa yommuu buutu,

- gara fira kee sanaa dhaqitiin gad of deebisii, akka si irraa buusuuf isa kadhadhu, yaa ilma ko, kana gochuu keetiin of in oolchita; ⁴ utuu kana hin godhin hin rafin, baallee ija keetiis wal irra hin buusin! ⁵ Akka kuruphee harka adamsituu jalaa, akka simbirroo warra ishee qaban jalaa baatuuttis of oolchi*! **1-5 11:15; 17:18; 20:16; 22:26-27*

- ⁶ Ati namicha dhibaa'aa nana, mee dhaqii mixii ilaali, akka isheen itti jiraattu yaadaan qabi, ogeessas ta'i*! ⁷ Isheen geggeessituu, eegduu, mootiis hin qabdu; ⁸ kana keessaa immoo waan ishee barbaachisu bona in tuullatti, nyaata ishees yeroo makarii walitti in qabatti. ⁹ Ati dhibaa'aa nana, hamma yoomiitti ciifta? Hirriba keessaas yoom kaata? ¹⁰ Ciisuudhaaf harka kee wal irra in qaxxaamursita, yeroo muraasa in mugda, yeroo muraasa in rafta; ¹¹ hiyyumni akka saamtuutti, dhabinnis akka nama mi'a lolaa hidhateetti sitti in dhufa* **6 10:4; 20:4; 19:24; 26:13-16 *10-11 24:33-34; 19:15; 20:13*

- ¹² Namni waa'ee hin baafne, namni jal'aan arraba isaa isa micciiramaa fudhatee, asii fi achi in adeema*; ¹³ ija isaatiin in hawwata, miilla isaa in raasa, quba isaatiin in argisiisa*; ¹⁴ micciiramummaan garaa isaa keessa jira, yeroo hundumaa hammina in korata, gargar ba'uu nama gidduu in facaasa; ¹⁵ kanaafis badiisi

dingata isatti in dhufa; caba fayya hin qabne in caba. **12 10:31-32 *13 10:10; 16:30*

- ¹⁶ Waaqayyo wanta ja'a in jibba, isa torbaffaa immoo in ciigga'a; ¹⁷ isaanis kanatti fufanii jiru, nama waan guddaatti of ilaalu, arraba sobu, harka dhiiga nama balleessaa hin qabnee dhangalaasu, ¹⁸ garaa akeeka hamaa yaadee qopheessu, miilla waan hamaa gochuuf ariifatee fiigu, ¹⁹ nama sobaan nama irratti dhugaa ba'u, isa soba gad jijjigsu, nama gargar ba'uu obboloota gidduutti facaasuu dha* **19 19:5*

Ejjuu Irraa Of Eeggachiisuu Isaa

- ²⁰ Yaa ilma ko, abboomii abbaa keetti eegi, barsiisa haadha keetiis hin tuffatin*! ²¹ Garaa kee keessa kaa'adhu, morma keettis hidhadhu! ²² Yommuu ati adeemtu karaa si argisiisa, yommuu raftu si eega, yommuu dammaqxi si haasofsiisa. ²³ Abboommiin kun ibsaa dha, barsiifni kunis ifa, ifanni adabaa karaa jireenyaa ti. ²⁴ Inni dubartii hamtuu irraa, dubartii ejjituu ishee afaaniin namatti kuultu irraas si eega*. ²⁵ Garaan kee miidhagummaa ishee hin hawwin, iji ishees si hin booji'in! ²⁶ Dubartii balaleen buddeena tokkoon qacaramti, isheen abbaa manaa qabdu garuu nama qabeenya qabu in adamsiti. **20 1:8 *24 2:16-17*
- ²⁷ Namni dachaasaa wayyaa isaatii keessa ibidda in kaa'ataa ree? Wayyaan isaas utuu hin gubatin

- hafuu danda'aa ree?
 28 Yookiis namni barbadaa
 giimii irra yoo ejjete,
 miilli isaa utuu hin gubatin
 bafuu danda'aa ree?
 29 Namni baadha manaa namaa bira
 dhaqu akkasuma ta'a,
 namni ishee bira ga'es
 utuu hin adabamin bin hafu*.
 30 Hattuum yommuu beeloftu
 beela ba'uudhaaf yoo hatte,
 namoonni isbee in tuffatu laataa?
 31 Yoo qabamte garuu,
 wanta isheen manaa qabdu
 hundumaa
 yoo gaaga'e iyyuu,
 dachaa torba baasuutu
 isheedhaaf ta'a mitii ree?
 32 Namni ejju qalbii bin qabu,
 namni kana godhu of in
 balleessa;
 33 madaa'uunii fi salphachuun
 isa in argata,
 ga'oonis raawwatee isa irraa
 hin badu;
 34 hinaaffaan abbaa manaa in aarsa,
 gaafa ijaa baafatus bin oo'uuf;
 35 fureen tokko illee isatti hin tolu,
 gabbarri hammamii iyyuu
 isa hin gammachiisu.
 *29 5:8-14

**Ittuma Fufee Gowwummaa Irraa
 Of Eeggachiisu Isaa**

- 7 ¹ Yaa ilma ko, dubbii koo eegi,
 abboommii koos garaatti
 qabadhu,
² abboommii koo eegi, in jiraattas;
 barsiisa koos akka agartuu ija
 keetiitti eegi!
³ Quba keetti isaan keethadhu,
 gabatee garaa keetiittis isaan
 caaffadhu*!
⁴ Ogummaadhaan, "Ati obboleettii
 koo ti" jedhi,
 hubannaadhaanis, "Aantii koo"
 jedhii waami!
⁵ Isaan dubartii ormaa irraa,
 dubartii gaalamoota
 afaaniin namatti kuultu irraas
 si eegu.

*1-3 3:1-2

- ⁶ Ani golgaa koo keessaa
 karaa qaawwa mana kootii ala
 ilaalee,

- ⁷ wallaalota keessaa,
 dargaggoota gidduudhaa,
 gurbaa qalbii hin qabne
 tokko nan arge.
⁸ Inni cinaacha karaa mana
 dubartii tokkoo dhaqu irra,
 gara mana isheetti fuula
 deebifatee,
 in adeema ture.
⁹ Yeroon isaas aduun-lixxee
 erga dukkanaa'e booddee,
 balkan walakkaa ture.
¹⁰ Yommuu dubartiin tokko
 haxxummaadhaan,
 uffata balalummaa uffattee
 gad isatti baate.
¹¹ Isheen sagalee gad hin qabattu,
 mata-jabeettii dhas;
 isheen asii fi achi labdi malee,
 mana isheetti hin argamtu.
¹² Takka karaa irra, takka immoo
 walga'ii karaa keessa,
 takkas golee karaa keessa
 dhaabatee in eeggatti;
¹³ isheen qabdee, isa in dhungatti,
 ija-jabinaanis isatti dubbattee,
¹⁴ "Har'a wareega koo waanan
 raawwadheef,
 aarsaa galataa dhi'eessuun
 ana irra jira*;
¹⁵ kanaafan si simachuudhaaf
 gad ba'e,
 dhimmee si barbaadee tureen si
 argadhe;
¹⁶ ani uffata quncee talbaa
 isa biyya Gibxiitti
 bubburreeffamee hojjetame,
 siree koo irra afeera;
¹⁷ siree kootti qumbii,
 sabiriidhaa fi qarafaa
 firfirseera;
¹⁸ kottu hamma lafti bari'utti
 jaalala keenya iddoodhaan in
 ga'annaa,
 halkan guutuus itti gammadaa
 in bullaa;
¹⁹ abbaan manaa koo mana hin jiru,
 biyya fagoo dhaqera;
²⁰ korojoo isaatti horii guuttatee
 fudhatee ka'eera,
 hamma ji'i gobbantutti
 deebi'ee manatti bin galu"
 in jetti.

*14 Lew 7:15-16

- ²¹ Isbeen haasaa baay'eedhaan
 karaa irraa isa in kaachifti,
 itti kuuluu isheetiin isaa in
 giddisiifti;
²² yommuu inni tokkichumaan
 akka sangaa qalamuuf
 oofamuutti,
 akka bosonuu futtaasaatti
 adeemtuuttis,
 ishee duukaa in bu'a.
²³ Hamma xiyyi mar'umaan ishee
 waraanutti,
 akkuma simbirri
 gara kiyyootti kaatutti,
 innis akkasuma wanti kun
 lubbuu isaatti akka adeemu
 utuu hin beekin
 itti in kaata.
²⁴ Ammas yaa ilmaan ko
 dhaggeeffadhaa,
 wantan jedhus yaadaan duukaa
 bu'aa!
²⁵ Garaan keessan gara karaa
 isheetti hin gorin,
 daandii isbee irra
 adeemuudhaafis
 karaa irraa hin kaatinaa!
²⁶ Isheen akkasitti
 namoota baay'ee madeessitee
 kuffifteetti,
 macca baay'ees ajjeefteetti.
²⁷ Karaan iddoo lafa jalaatti geessu
 mana ishee keessa in ba'a,
 gola mana du'aattis gad in
 buusa.

Ogummaan Gorsa Kennuu Ishee

- 8 ¹ Ogummaan in waamti mitii ree?
 Hubannaan sagalee ishee in
 dhageessifti mitii ree?
² Isheen iddoo ol ka'aa
 gubbaa bukkee karaa irra,
 daandii keessa in dhaabatti;
³ karra balbala
 ittiin mandaribatti lixan
 bukkeedhaa,
 sagalee isbee ol fudhattee
 iyyitee*.
⁴ "Yaa namootaa, ani isin nan
 waama,
 sagalee koos ilmaan namaa nan
 dhageessisa;
⁵ isin warri wallaalonna of
 eeggannaa,

- isin warri gowwoonni
 hubannaa argadhaa!
⁶ Ani wanta ta'u dubbachuufan
 jedha,
 mee dhaggeeffadhaa!
 Waan qajeelaa dubbachuudhaaf
 afaan koo nan saaqqadha;
⁷ afaan koo dubbii dhugaa in
 dubbata,
 arrabni koos jal'ina dubbachuu
 in ciigga'a;
⁸ dubbiiin afaan kootii bundinuu
 qajeelaa dha,
 isaan keessa jal'aan
 yookiis micciiramaan hin jiru.
⁹ Nama isa hubataadhaaf
 hundumti isaanii mul'atoo dha,
 isa beekumsa qabuufis
 qajeeloo dha;
¹⁰ qooda meetii gorsa koo
 fudbadhaa,
 warqee caalaas beekumsa
 fo'adhaa!
¹¹ Ogummaan elellaan diirmaa irra
 in caalti,
 wanti ba'eessi ati bawwitu
 bundinuu
 isheedhaan hin qixxaatu*.

*1-3 1:20-21

*10-11 3:14-15

- ¹² "Ani ogummaan,
 of eeggannaadhaa wajjin,
 walitti in taana;
 beekuma ani ittiin
 dubbii gargar baasus
 nan argadha.
¹³ Waaqayyoon sodaachuun wanta
 hamaa jibbuu dha,
 ani of bokoksuu fi of
 gurguddisuu,
 karaa hamaadhaaf arraba
 dubbii micciiru nan jibba.
¹⁴ Gorsii fi firdii gargar baasuun
 kan koo ti,
 ani hubannaa dha,
 humnas anatu qaba.
¹⁵ Mootonni anaan mo'u,
 gurguddoonni biyyaas anaan
 seera qajeelaa baasu;
¹⁶ abboonni biyyaa, gurguddoonni
 biyyaa,
 warri firdii qajeelaa kennanis
 bundinuu
 anaan biyya bulchu.

- 17 Ani warra na jaallatan nan jaalladha, warri na barbaaddatanis na argatu.
- 18 Sooruma fi ulfina, qabeenya hin darbinee fi qajeelummaa anatu kenna.
- 19 Bu'aan ana irraa argamu warqee irra, warqee qullaa'aa irra iyyuu in wayya, barakanni ani kennus meetii qullaa'aa irra fo'amaa dha;
- 20 ani karaa qajeelummaa irra, daandij dhugaa irras nan adeema;
- 21 warra na jaallataniif qabeenya nan kenna, gombisaa isaaniis nan guuta.
- 22 Waaqayyo jalqaba hojii isaatiitti, hojii isaa isa bara durii sana hundumaa dura na uume;
- 23 Ani jalqaba bara durii duriitti, utuu biyyi lafaa hin uumaminan aboo irra kaa'ame;
- 24 callabboo duran dhaladhe, yommuus hurqituun bishaan guddaan keessaa yaa'u iyyuu hin turre;
- 25 milloonni, gaaronnis utuu hin uumaminan dhaladhe.
- 26 Waaqayyo, lafa wanta isa irra jiruu wajjin, biyya lafaa isa bal'aa kana keessaa gar tokko illee utuu hin tolchin na uume.
- 27 Yommuu inni bantiwwan waaqaa iddoo iddoo isaanii kaa'ee, waaqas callabboo irra diriirse, ani achin ture;
- 28 yommuu inni waaqa keessa duumessoota kaa'ee, burqituwwan callabbooti yommuu tolche,
- 29 bishaanonni abboommii isaa irra akka hin darbinetti, yommuu inni galaanatti daarii godhe, yommuu inni hundeewwan lafaatti milikkita godhes,
- 30 ani yommuus ijaartuu

isa gaarii sana biran ture, yeroo hundumaa fuula isaa duratti gammadaa, har'aa hor isa nan gammachiisan ture.

- 31 Guummaa biyya lafaa isa kan isaatiitti nan gammada, nama hundumaattis nan gammadan ture*.
- *22-31 3:19-20; Iyo 28:23-27
- 32 "Egaa yaa ilmaan ko, mee na dhaga'aa, warri karaa koo irra bu'an haa gammadan!"
- 33 Ogeessota ta'aa, gorsa koo dhaga'aa malee hin tuffatinaa!
- 34 Namni na dhaga'u, guyyuma guyyaatti karra kellaa koo dammaqee kan eegu, michichila balbala kootti hirkatee kan eeggatus haa gammadu!
- 35 Namni ana argatu jireenya argachuu isaa ti, Waaqayyo biraas ayyaana in argata.
- 36 Namni na yakku garuu ofii isaa in miidha, namni na jibbu hundinuu immoo du'a in jaallata" in jetti.

Ogummaan Waamuu Ishee

- 9¹ Ogummaan mana ishee ijaarratteetti, utuboota mana ishee torbanis sooftee tolfatteetti;
- 2 isheen horii qaltee, daadhii waynii calaltee, maaddii ishees qopheessiteetti;
- 3 mandaricha keessaa iddoo ol jedhaa irra dhaabatanii, akka waamaniif durboota isheedhaaf hojjetan ergiteetti*.
- 4 Isheen, "Warri wallaalan hundinuu as haa dhufan!" in jetti; warra qalbii hin qabneenis,
- 5 "Kottaa buddeena koo nyaadhaa, daadhii ani calales dhugaa*!"
- 6 In jiraattuutii wallaalummaa keessan dhiisaa!

Karaa hubannaa irras adeemaa!" in jetti.

*3 1:20-21
*5 Isa 55:1-3; Mat 22:3-4

- 7 Namni nama ga'isaa gorsu, of in salphisa; namni nama jal'aa ifatu, yeelloo ofitti in fida;
- 8 nama ogeessa ifadhu, inni si jaallata, nama ga'isaa garuu hin ifatin, inni si jibba;
- 9 nama ogeessa gorsi, inni caalaa ogeessa in ta'a; nama qajeelaa barsiisi, innis beekumsa in baay'ifata*.
- *9 Mat 13:12
- 10 Waaqayyoon sodaachuun jalqaba ogummaa ti, isa qulqulluu sana beekuun hubannaa dha*.
- 11 Ogummaan kun guyyoota jireenya keetii in baay'ifti, bara jireenya kees itti in dabalti*.
- 12 Ogeessa yoo taate bu'aan isaa kanuma kee ti, ga'isaa yoo taate garuu ofiidhuma kee in miita.
- *10 1:7; Iyo 28:28; Far 111:10
*11 3:1-2
- 13 Aadde gowwummaan iyyituu dha, isheen homaa tokko iyyuu hin hubattu, beekumsas hin qabdu;
- 14 isheen mandarattii keessaa iddoo ol jedhaa irra, balbala ishee dura barcuma irra in teessi;
- 15 warra karaa irra darbaniin, warra qajeelanii karaa isaanii irra adeemaniin,
- 16 "Warri wallaalonni hundinuu as haa dhufan!" in jetti; warra qalbii hin qabneenis,
- 17 "Bishaan hanna miyaa'aa dha, buddeenni dhoksaatti nyaatamus nama in gammachiisa" in jetti*;
- 18 garuu isaan warri du'an achi akka jiran, warri isheen waamtes

iddoo lafa jalaa isa gad fagoo keessa akka jiran isaan hin beekan*.

*17 20:17
*18 2:18

Fakkeenyota Ogummaa

- 10¹ Fakkeenyonni Solomoon kanatti aananii jiru; ilmi ogeessi abbaa isaa in gammachiisa, ilmi gowwaan garuu haadha isaa gaddisiisa*.
- 2 Badhaadhummaan jal'inaan argame hu'aa hin qabu, qajeelinni garuu du'a nama in oolcha*.
- *1 15:20; 23:24-25
*2 11:4
- 3 Waaqayyo, warri qajeelonni akka beela'an hin godhu, kajeellaa warra jal'ootaa garuu lafatti in dabala*.
- 4 Namni dhibaa'ummaadhaan hojjetu in hiyyooma, namni cimsee hojjetu garuu in soorama;
- 5 inni bona midhaan isaa walitti qabatu ilma hubataa dha, inni yeroo makariitti rafu garuu salphina in harkisa;
- 6 eebbi mataa qajeelotaa irra jira, humnaan nama irratti ka'uun garuu, afaan jal'ootaa in cufa.
- 7 Seenaan nama qajeelaa eebbaaf, maqaan nama jal'aa immoo abaarsaaf in ta'a;
- 8 namni yaada hubataa qabu abboommii in dhaga'aa, gowwaan dubbii midhaan hin qabne dubbatu garuu in kufa.
- 9 Namni balleessaa hin qabne, sodaa malee in deddeebi'a, namni karaa isaa micciiru garuu in qabama.
- 10 Namni ijaan hawwatu rakkina in fida, gowwaan dubbii midhaan hin qabne dubham garuu in kufa*.

- ¹¹ Afaan nama qajeelaa burqaa jireenyaa ti, humnaan nama irratti ka'uun garuu, afaan jal'ootaa in cufa.
*3 13:25; Far 34:9-10
*10 6:13
- ¹² Jibbi lola in kaasa, jaalalli garuu, irra-daddarbaan hundinuu deebi'ee akka hin mul'anne in godha*;
*19 13:3; 17:27
*20 Far 37:30
*21 11:9; 12:6
*22 Far 127:1-2
- ¹³ ogummaan afaan nama hubannaa qabu keessaa in arganti; uleen garuu dugda nama qalbii hin qabneetiif in ta'a*.
- ¹⁴ Ogeessonna beekumsa walitti in qaban, dubbiiin nama gowwaa inni midhaan hin qabne garuu badiisa in waama*;
*24 12:7
*25 Mat 7:24-27
*27 3:1-2; 14:26-27; 19:23; 22:4
*28 11:23; Iyo 8:13; Far 9:18
- ¹⁵ qabeenyi warra sooreyyii isaaniif mandara da'oo qabuu dha, badiisi hiyyeessotaa immoo hiyyuma isaanii ti*;
*12 IPhe 4:8; Yaq 4:20
*13 19:29
*14 13:3
*15 18:11
- ¹⁶ gatiin dadhabbii qajeelotaa jireenya, bu'aan warra jal'ootaa immoo du'a;
- ¹⁷ namni gorsa yaadatti fudhatu karaa jireenyaa irra in bu'a, namni ifata tuffatu garuu karaa irraa in kaata.
- ¹⁸ Namni jibba isaa dhoksu, soba in dubbata; namni hama odeessu gowwaa dha.
- ¹⁹ Yommuu dubbiiin baay'atu cubbuun hin hafu, namni arraba isaa ceggatu garuu hubataa dha*;
*29 3:26
*30 12:3
*31 Far 37:30
- ²⁰ arrabni nama qajeelaa akka meetii fo'amaa ti, yaadni nama jal'aa garuu gatii hin qabu*;
- ²¹ arrabni nama qajeelaa nama baay'ee in soora, warri gowwoonni garuu qalbii dhabuu isaaniitiif in du'u*.
- ²² Eebbi Waaqayyoo nama in badhaasa, badhaadhummaattis inni rakkina hin dabaluu*;
- ²³ namni gowwaan bamaa hojjechuutti in gammada, namni hubataan garuu ogummaatti in gammada.
- ²⁴ Nama jal'aa wanta inni sodaatutu itti dhufa, nama qajeelaaf garuu wanti inni hawwu in kennamaaf*;
- ²⁵ akkuma bubbeen bubbisee darbu, jal'oonni akkasuma deebi'anii hin argaman; warri qajcelonni garuu, bara baraan jabaatanii in dhaabatu*.
- ²⁶ Wanti dhangaggaa'aan ilkaan, aartis ija akkuma rakkisu, namni dhibaa'aan, warra isa ergatan in rakkisa.
- ²⁷ Waaqayyoon sodaachuun bara jireenyaa in dheeressa, barri warra jal'ootaa garuu in gabaabbata*.
- ²⁸ Wanti namni qajeelaan ceggatu gammachiisaa dha, abdiin nama jal'aa garuu in bada*.
- ²⁹ Karaan Waaqayyoo warra balleessaa hin qabneef da'oo ol ka'aa dha, warra hamaa godhanitti garuu badiisa*;
- ³⁰ namni qajeelaan bara baraan hin mittiqu, namni jal'aa garuu lafa irra hin jiraatu*;
- ³¹ afaan nama qajeelaa keessaa ogummaatu ba'a, arrabni wanta jal'aa dubbatu garuu,

- in kutama*;
*7 10:28
*8 21:18
*9 10:21
- ³² arrabni nama qajeelaa dubbii namatti tolu in dubbata, afaan nama jal'aa garuu, wanta micciiramaa duwwaa beeka.
- ³³ Warra qajeelotatti yommuu tolu, mandarri in gammaddi; namni jal'aa yommuu badu, mandarattiin gammaduu isbee in mul'ifti;
- ³⁴ ceeba gara-qajeelotaatiin mandarri in guddatti, dubbii afaan jal'ootaatiin garuu, gara in gaggalfamti*.
- ³⁵ Namni nama tuffatu qalbii hin qabu, namni hubataan garuu calluma jedha;
- ³⁶ namni hama deddeebisu dhoksa mul'isa, namni amanamaan garuu dhoksa eega*;
- ³⁷ geggeessaan yoo itti hir'ate sabni in kufa, gorsituun baay'achuun garuu, biyya nagaatti jiraachisa.
*11 28:12
*13 20:19
- ³⁸ Namni nama ormaaf wabii darbu in rakkata, namni wabii namaaf darbuu jibbu garuu, nagaatti in jiraata*.
- ³⁹ Dubartii gaariin ulfina in argatti, warri humnaan nama irratti ka'an garuu in sooromu;
- ⁴⁰ namni gara-laafessi ofiidhuma isaatiif bu'aa argata, namni gara-jabeessi garuu ofuma isaa miidha;
- ⁴¹ namni jal'aa beenyaa sobaa argata; qajeelummaa kan facaasu garuu gatii isa dhugaa in argata;
- ⁴² qajeelummaan gara jireenyaatti, wanta hamaa duukaa bu'uun garuu gara du'aatti nama in geessa.
*15 6:1-5
- ⁴³ Waaqayyoo namoota yaada micciiramaa qaban in jibba, warra jireenyi isaanii mudaa hin qabnetti garuu, in gammada.
- Gorsa Jireenya Har'aa Borii Ilaatu**
- 11** ¹ Mijanni sobaa Waaqayyoo duratti jibbamaa dha, dhagaan safaraa inni guutuun garuu isatti in tola*;
- ² yommuu of gurguddisuun dhufu, salphinni in dhufa, yommuu gad of deebisan ogummaatu dhufa*;
- ³ balleessaa dhabuun warra qajeelotaa isaanuma in geggeessa; micciiramummaan warra hin amanamnee garuu, isaanuma in balleessa.
- ⁴ Guyyaa dheekkamsaatti soorumni homaa waa'ee hin baasu, qajeelummaan garuu du'a nama oolcha*;
- ⁵ qajeelummaan warra mudaa hin qabnee, isaanumaaf karaa qajeelcha, jal'oonni garuu jal'inuma isaaniitiin in kufu;
- ⁶ qajeelummaan warra gara-qajeelotaa isaanuma oolcha, warri hin amanamne garuu, kajeellaa hamaadhaan in qabamu.
*1 16:11; 20:10,23; Lew 19:35-36; Mik 6:10-12
*2 16:18
*4 10:2; Luq 12:20
- ⁷ Abdiin nama jal'aa yommuu inni du'u in bada, soorumni iani amanamus waan tokkotti illee hin galu*;
- ⁸ namni qajeelaan rakkina jalaa in ba'a, namni jal'aa garuu, iddoo isaa rakkinnatti in gala*;
- ⁹ namni Waaqayyoo malee jiraatu, dubbii afaan isaatiitiin nama balleessa;

- ²¹ Warri jal'oonni utuma harka wal qabatanii iyyuu, utuu hin adabamin hin hafan, sanyiin warra qajeelotaa garuu duraa in ba'a.
- ²² Dubartiin miidhagduun dubbii alalfattee haasa'uu hin beekne, akka amartii warqee funyaan boyyeetti jiruu ti;
- ²³ hawwiin nama qajeelaa waanuma gaarii duwwaa dha, abdiin jal'ootaa garuu, dheekkamsaan in deebi'a*.
- ²³ 10:28
- ²⁴ Horii isaa kan asii fi achi bittimsu jira, kana keessaa immoo ittuma dabalamaafii in adeema; safara malee kan doqnoomu jira, kana keessaa immoo in hiyyooma;
- ²⁵ namni arjaan in lalisa; namni dheebuu nama baasus dheebuu in baafama*.
- ²⁶ Nama midhaan harka keessa qabatu namoonni in abaaru, mataa nama midhaan gurguruu irratti garuu cebbatu dhufa.
- ²⁴⁻²⁵ Mat 25:29; 2Qor 9:6
- ²⁷ Namni wanta gaarii dhimnee barbaadu, faara tolaa in argata; nama wanta hamaa barbaadutti garuu hamaatu dhufa.
- ²⁸ Namni sooruma isaa amanatu in kufa, namni qajeelaan garuu, akka muka jiidhaatti in lalisa*;
- ²⁹ namni maatii isaa rakkisu harka duwwaa in hafa; gowwaan nama ogeessaaf hojjetaa in ta'a;
- ³⁰ iji hojii nama qajeelaa muka jireenyaa ti, namni ogeessi malaan lubbuu namaa in deebifata.
- ³¹ Warrumti qajeelonni iyyuu lafa irratti gatii isaanii kan argatan erga ta'ee, kan warra jal'ootaa fi kan warra cubbamootaa immoo

hammad kana irra haa hammaatu ree*?

²⁸ 15:6; Far 1:3; 52:8-9

³¹ 1Phe 4:17-18

Gorsi Jireenya Har'aa Bortii Naalu Ittuma Fufuu Isaa

- 12** ¹Namni gorsa jaallatu, beekumsa argachuu jaallata, namni ifata jibbu garuu gowwaa dha*;
- ² namni gaariin Waaqayyo biraa ayyaana in argata, warra wanta hamaa malanitti garuu, Waaqayyo in farada;
- ³ namni jal'inaan jabaatee hin dhaabatu, hiddi nama qajeelaa garuu raawwatee hin socho'u*.
- ¹ 13:1,18; 15:12
- ³ 10:30; Far 1:3-4
- ⁴ Haati manaa dandeessuun abbaa manaa isheetiif gonfoo dha, isheen yeellaasiftuun garuu, akka dhukkuba lafee bososiisuu ti*;
- ⁵ yaadni qajeelotaa wanta Waaqayyo duratti qajeelaa ta'ee fudhatamee dha, gorsi jal'ootaa garuu gowwoomsaa dha.
- ⁶ Dubbiin jal'ootaa utuu hin beekamin dhiiga in dhangalaasisa; dubbiin warra qajeelotaa garuu, dhiiga dhangala'uu in oolcha*;
- ⁷ jal'oonni in figgimfamu, deebi'aniis hin argaman; manni qajeelotaa garuu jabaatee in dhaabata*.
- ⁴ 31:10-12
- ⁶ 10:21
- ⁷ 10:24-25; 14:11
- ⁸ Namni akkuma ogummaa isaatiitti in jajama, namni yaada jal'aa garuu in tuffatama;
- ⁹ nama isa utuu buddeena nyaatu hin qabaatin nama guddaa of fakkeessuu mannaa, nama isa tuffatamee hojjetaa ta'ee jiraatu wayya.

- ¹⁰ Namni qajeelaan jireenya bortii isaatiif in yaada, inni warri jal'ootaa, "Gara-laafina" jedhan iyyuu gara-jabina*;
- ¹¹ namni lafa isaa qotatu buddeena quufa, namni wanta waa'ee hin baafne duukaa bu'u garuu, qalbii hin qabu*.
- ¹⁰ Bau 20:10; 23:4-5; Kes 25:4
- ¹¹ 28:19
- ¹² Namni jal'aan bu'aa warra hamootaa in-kajeela, hiddi warra qajeelotaa garuu yaa'ee wal in hora;
- ¹³ namni jal'aan irra-daddarbaa afaan isaa keessaa ba'uun kiyyootti in gala, namni qajeelaan garuu rakkina jalaa in ba'a;
- ¹⁴ namni wanta afaan isaa keessaa ba'uun wanta gaarii in quufa, wanta harka isaatiin hojjetes isumatu fudhatee gala*.
- ¹⁵ Nama gowwaatti karaan ofii isaatii qajeelaa in fakkaata, namni ogeessi garuu gorsa in dhaga'a;
- ¹⁶ aariin nama gowwaa dafee irraa in beekama, namni bubataan garuu salpbina in dhoksa.
- ¹⁴ 18:20
- ¹⁷ Namni dubbii dhugaa dubbatu qajeelummaa mul'isa, namni sobaan dhugaa ba'u garuu in gowwoomsa.
- ¹⁸ Dubbiin gar-malee dubbatamu akka billaa nama waraana, arrabni ogeessaa garuu in fayyisa*;
- ¹⁹ afaan dhugaa dubbatu bara baraan jabaatee in dhaabata, arrabni soba dubbatu garuu, yeroo gabaabaadhaaf in jiraata;
- ²⁰ garaa warra wanta hamaa malanii keessa gowwoomsaatu jira,

- warri wanta nagaa nama gorsan garuu in gammadu.
- ²¹ Nama qajeelaatti rakkinni bin dhufu, nama jal'aatti garuu rakkinni in baay'ata.
- ¹⁸ 13:3; Far 57:4
- ²² Waaqayyo namoota soba dubbatan in ciigga'a, namoota amanamootti garuu in gammada;
- ²³ namni hubataan beekaa ta'uu isaa in dhoksa, warri gowwoonni garuu gowwummaa isaanii in beeksisu.
- ²⁴ Namni barki isaa ba'eessa godhee hojjetu in mo'a, namni harki isaa dhibaa'u garuu, garbicha namaa in ta'a;
- ²⁵ yaaddoon garaa namaa keessa yoo jiraate, gad nama qaba; dubbii gaariin garuu nama gammachiisa*.
- ²⁵ 16:24
- ²⁶ Namni qajeelaan wanta gaarii namaaf in barbaada, namni jal'aan garuu karaa irraa nama kaachbisa;
- ²⁷ namni dhibaa'aan jabaatee wanta adamsu duukaa hin bu'u, namni dhimnee hojjetu garuu, wanta gati-jabeessa in argata;
- ²⁸ karaa qajeelummaa irra jireenyatu jira, dbuguma, inni karaa ba'eessa ta'ee hojjetamee dha, duunis isa irra hin jiru.
- Fakkeenyaan Barsiisuu Isaa**
- 13** ¹Ilmi ogeessi gorsa abbaa isaatii in dhaga'a, inni ga'isaan garuu ifata hin dhaga'u*;
- ² namni ija wanti gaariin, inni afaan isaa keessaa ba'u godhatu in nyaata; bawwiin warra nama gowwoomsuu garuu,

- humnaan nama irratti ka'uu dha;
- ³ Namni arraba isaa eeggatu, jireenya isaa in eeggata; namni of eeggachaa hin dubbanne garuu, jireenya isaa in balleessa*.
- ⁴ Namni dhibaa'aa waa argachuu in kajeela, homaas hin argatu; namni ba'eessa godhee hojjetu garuu in guddata;
- ⁵ Namni qajeelaan dubbii sobaa in jibba, namni jal'aan garuu ciiggaasisaa dha, wanta nama yeellaasisus in hojjeta.
- *1 1:8; 12:1
*3 10:14,19; 12:18; 21:23
- ⁶ Qajeelummaan, daandii nama balleessaa hin qabnee in eega, jal'inni garuu nama cubbamaa in figgimsa.
- ⁷ Namni sooressa of fakkeessu jira, kana keessaa immoo homaa hin qabu; namni hiyyeessa of fakkeessu jira, kana keessaa immoo badhaadhaa dha*.
- ⁸ Namni sooressi horii isaatiin jireenya isaa in furata, nama hiyyeessa garuu kanaaf kan doorsisu hin jiru;
- ⁹ ifni nama qajeelaa ba'eessa godhee in ifa, ibsaan nama jal'aa immoo in dhaama*.
- ¹⁰ Of gurguddisuun morkii in kaasa, ogummaan garuu warra gorsa fudhatan bira jira.
- *7 *Mul* 2:9; 3:17
*9 *Iyo* 18:5-6
- ¹¹ Badhaadhumni karaa malee argamu irraa hir'achaa in adeema, namni itti dadhabeewal irra buusaa adeemu garuu in baay'ifata.
- ¹² Abdiin lafa irra harkifamu garaa nama dhukkubsa, hawwiin namaaf raawwatamu garuu
- muka jireenya ti.
- ¹³ Namni gorsa tuffatu of in balleessa, namni abboommicha sodaatu garuu, gatii isaa in argata.
- ¹⁴ Barsiifni nama ogeessaa burqaa jireenya ti, namas futtaasaa du'aa irraa in deebisa*;
- ¹⁵ hubannaa gaariin faara tolaa nama argachiisa, karaan warra hin amanamnee garuu bu'aa-ba'ii dha.
- *14 14:27
- ¹⁶ Namni afchaalli hundinuu beekumsaan hojjeta, gowwaan garuu goowwuma isaa bakkeetti in mul'isa.
- ¹⁷ Ergamaan jal'aan wanta hamaa keessatti in kufa, ergamaan amanamaan garuu in fayyisa.
- ¹⁸ Nama gorsa tuffatutti deegaa fi yeellootu dhufa, namni ifata dhaga'ee deebi'u garuu, ulfina in argata.
- ¹⁹ Hawwiin namaaf raawwatamu lubbuudhumaaf namatti miyaa'a, gowwoonni garuu wanta hamaa irraa deebi'uu in ciigga'u.
- ²⁰ Namni ogeessaa wajjin adeemu, ogeessa in ta'a; miiltoon gowwootaa garuu in bada.
- ²¹ Wanti hamaan cubbamoota in ari'ata, wanti gaariin garuu gatii qajeelotaa ti*;
- ²² dhaalli nama gaarii ijoollee ijoollee isaatiitti in darba, qabeenyi nama cubbamaa garuu, nama qajeelaadhaaf in kaa'ama*.
- ²³ Maasiin nama deegaa midhaan ba'eessa kenna, loogni garuu haxaa'ee duraa in balleessa.
- ²⁴ Namni ilma isaa

- karaabaadhaan reebuu dhiisee qusatu isa jibbuu isaa ti, namni ilma isaa dafee adabu garuu isa jaallachuu isaa ti*;
- ²⁵ namni qajeelaan hamma quufutti in nyaata, namni jal'aan garuu in beela'a*.
- *21 3:33
*22 28:8; *Lal* 2:26; *Iyo* 27:13-17
*24 19:18; 22:15; 23:13-14; 29:15,17
*25 10:3
- Fakkeenyi Solomoon Ittuma Fufuu Isaa**
- 14** ¹ Dubartoonni ogeeyyiin hundinuu mana isaanii in ijaaru, warri gowwoonni garuu, barka isaaniitiin mana ofii isaanii in diigu*.
- ² Namni yaada qajeelaadhaan jiraatu Waaqayyoon in sodaata, inni jireenya isaatti micciiramaa ta'e garuu, isa in tuffata.
- ³ Namni gowwaan dubbii afaan isaa keessaa ba'uun of gurguddisuu isaatiin ulee ofitti in fida, dubbiin afaan ogeessotaa keessaa ba'u garuu, isaanuma in eega.
- *1 31:10-31
- ⁴ Lafa qotiyyoon hin jirretti gombisaan duwwaa in ta'a, humna qotiyyootiin garuu, midhaan baay'een in argama;
- ⁵ dhuga-baatuun amanamaan bin sobu, namni sobaan dhugaa ba'u garuu soba in dubbata*;
- ⁶ namni ga'isaan ogummaa in barbaada, hin argatus; nama bubataa garuu beekumsa argachuun hin dhibu.
- *5 *Bau* 20:16; 23:1
- ⁷ Wanta afaan gowwaa keessaa ba'u keessaa beekumsa waan bin arganneef, isattii fagaadhu!
- ⁸ Ogummaan nama of eeggataa karaa isaa gargar baasee akka hubatuufii dha; gowwummaan nama gowwaa garuu nama wallaalchisuu dha.
- ⁹ Warri gowwoonni, warra sababii cubbuu isaaniitiif aarsaa dhi'eessanitti in ga'isu, yaadni gaariin garuu qajeelota gidduutti in argama.
- ¹⁰ Namni hundinuu adduma addaan jireenya isatti hadhaa'u ofii isaatii in beeka, gammachuu jireenya isaatti argatus ormi biraan bin birmaatu.
- ¹¹ Manni jal'ootaa in jiga, godoon qajeelotaa garuu in eebbifama*.
- ¹² Karaan qajeelaa namatti fakkaatu jira, dhumni isaa garuu karaa du'aa ti*;
- ¹³ kolfa keessa iyyuu garaan in gadda, dhumni gammachuus boo'icha.
- ¹⁴ Namni garagaggalaan gatii hojii isaa isa hamaa, namni gaariin garuu gatii hojii isaa isa gaarii in argata.
- *11 3:33; 12:7
*12 16:25; *Mat* 7:13
- ¹⁵ Namni wallaalaan dubbii hundumaa amana, namni hubataan garuu lafa dhaqu in ilaallata;
- ¹⁶ namni ogeessi wanta hamaa in sodaata, irraas in deebi'a; namni gowwaan garuu ija in jabaata, ofis in amanata.
- ¹⁷ Namni dafee aaru waan hojjetu hin beeku, namni hubataan garuu in obsa*;
- ¹⁸ wallaalaan gowwuma in dhaata, hubataan garuu beekumaan in gonfama;
- ¹⁹ warri hamoonni warra gaggaarii duratti, warri jal'oonnis

- karra kellaa qajeelotaa duratti in gugguufu.
*17 15:18; 19:19; 22:24; 29:22
- ²⁰ Hiyyeessi ollaa isaa biratti iyyuu in jibbama, sooressi garuu firoota baay'ee qaba*;
- ²¹ namni nama tuffatu cubbamaa dha, namni hiyyeessaaf garaa laafu garuu haa gammadu*!
- ²² Warri wanta hamaa koratan karaa irraa in kaatu mitii ree? Warri wanta gaarii yaadan garuu, gaarummaa fi amanamummaa in argatu.
- ²³ Hojiin itti dadhaban hundinuu bu'aa qaba, haasaa duwwaan garuu deegatti nama geessa;
- ²⁴ gonfoon afchaalotaa ogummaa isaanii ti, gonfoon gowwootaa garuu dhibaa'ummaa isaanii ti.
*20 19:4,6-7
*21 14:31; 17:5; 19:17; 22:9; 28:27; Iyo 31:13-23; Mat 5:7
- ²⁵ Dhuga-baatuun amanamaan jireenya in oolcha, dhuga-baatuu sobduun garuu soba in dubbata;
- ²⁶ Waaqayyoon sodaachuu keessa amanannaa cimaatu jira; ijoolleen nama isa sodaatuu da'oo in argatu*;
- ²⁷ Waaqayyoon sodaachuun burqaa jireenyaa ti, namaa futtaasaa du'aa irraa in deebisa*.
- ²⁸ Ulfinni mootii baay'ina sabaa ti, muraasachuun sabaa garuu guddaa biyyaa in balleessa;
- ²⁹ namni dheekkamsatti suuta jedhu, hubannaa guddaa qaba; namni dheekkamsatti ariifatu garuu, gowwuma bakkeetti in baasa*.
- ³⁰ Yaadni nagaa qabu namummaa namaatiif jireenya in kenna; hinaaffaan garuu lafee in bososiisa.
*26 18:10
*27 13:14
*29 16:32; 19:11

- ³¹ Namni hiyyeessa cunqursu uumaa isaa in arrabsa, namni dhabaadhaaf garaa laafu garuu uumaa isaatiif ulfina in kenna*;
- ³² namni jal'aan hammina isaatiif gad in darbatama, namni qajeelaan garuu, yeroo du'utti illee abdiin in qabaata*;
- ³³ ogummaan yaada nama hubataa keessa in boqotti, kun gowwoota gidduutti iyyuu beekamaa dha;
- ³⁴ qajcelummaan saba ol in kaasa, cubbuun garuu saba hundumaaf yeelloo dha;
- ³⁵ mootiin bojjetaa isaa isa ogeessatti faara in tola, hojjetaa isa nama yeellaasisu irratti garuu dheekkamsi isaa in dhufa*.

*31 14:21; 17:5; Iyo 31:13-15; Mat 25:40

*32 23:18

*35 Uma 41:37-40

Fakkeenya Solomoon Ittuma Fufuu Isaa

- 15** ¹Deebii laafaan dheekkamsa in qabbaneessa; dubbiin jabaan garuu dheekkamsa in kaasa.
- ² Arrabni ogeessaa beekumsa jajee in dhageessisa, afaan gowwootaa garuu gowwummaa gad in jijjigsa.
- ³ Iji Waaqayyoo iddoo hundumaa jira, isa hamaa fi isa gaarii in arga*.
*3 2Sen 16:9
- ⁴ Arrabni dubbii nama suphu dubbatu muka jireenyaa ti; arrabni dubbii mimicciiru garuu yaada namaa cabsa.
- ⁵ Gowwaan gorsa abbaa isaa tuffata, namni ifata dhaga'u garuu hubataa dha*;
- ⁶ mana nama qajeelaa keessa badhaadhummaa guddaatu jira, bu'aa namni jal'aan argatu keessa garuu rakkinatu jira.

- ⁷ Afaan ogeessotaa beekumsa facaasa, yaadni gowwootaa garuu iddoo tokko hin dhaabatu.
*5 10:17; 12:1
- ⁸ Waaqayyoo aarsaa warra jal'ootaa in ciigga'a, kadhanni qajeelotaa garuu isatti in tola;
- ⁹ Waaqayyoo karaa jireenya jal'ootaa in ciigga'a, warra qajeelina duukaa bu'an garuu in jaallata*.
- ¹⁰ Nama karicha irraa goretti adabatu hammaata, namni ifata jibbus in du'a.
- ¹¹ Iddoon lafa jalaa fi iddoon badiisaa fuula Waaqayyoo duratti mul'ataa dha erga ta'ee, keessi garaa namaa immoo isaan caalaa hammam mul'ataa haa ta'u ree*?
*8-9 3:32; 15:29
*11 Iyo 26:6; Far 139:8; Er 17:9-10
- ¹² Namni ga'isaan ifatamuu hin jaallatu, nama ogeessas gorsa bin gaafatu*;
- ¹³ nama garaan isaa gammade fuulatu ifa, namni garaan isaa gadda qabu garuu yaadni isaa cabaa dha*;
- ¹⁴ garaan nama dubbii gargar baafatuu beekumsa barbaada, afaan nama gowwaa garuu gowwuma soorata.
*12 12:1
*13 17:22
- ¹⁵ Hiyyeessaaf guyyaan hundinuu hamaa dha, garaa gammacbuu qabuuf garuu, guyyaan bundinuu cidha;
- ¹⁶ qabeenya guddaa waca qabu irra, qabeenya muraasa Waaqayyoon sodaacbuudhaan itti jiraatan wayya*.
- ¹⁷ Lafa jibbi jiruu, cooma sangaa nyaachuu irra,

lafa jaallali jiruu, raafuu nyaachuu wayya*.

*18 Namni dheekkamaan lola kaasa, namni dheekkamsatti suuta jedhu garuu

qoccolloo in qabbaneessa*.

*19 Karaan dhiboofuu qoraattiidhaan cufamaa dha, karaan nama yaada qajeelaa qabuu garuu, gufuu hin qabu.

*16 16:8; Far 37:16

*17 17:1

*18 14:17

*20 Ilmi ogeessi abbaa isaa in gammachiisa,

namni gowwaan garuu haadha isaa in tuffata*;

*21 nama qalbii hin qabne gowwumatu gammacbiisa, namni hubataan garuu karaa jireenya isaatii in qajeelfata;

*22 mareen hin jiru yoo ta'e, wanti yaadame fiixaan hin ba'u; warri gorsa kennan yoo baay'atan garuu, fiixaan in ba'a;

*23 namni deebii ta'u namaaf kennuu isaatti

ofii isaatii in gammada, dubbiin yeroo isaatti dubbatamu maal maal ba'eessa*!

*20 10:1

*23 25:11

*24 Karaan nama ogeessaa, iddoo lafa jalaatti akka inni gad bin buuncef, gara jireenyaatti ol isa in geessa.

25 Waaqayyoo mana warra of gurguddisaniin in jigsa, daarii haadha biyyeessaa garuu in eega.

*26 Waaqayyoo yaada jal'ootaa in ciigga'a, dubbiin warra qajeelotaa garuu isatti in tola.
*25 23:10

*27 Namni bu'aa dalgaaf sassatu maatii isaatti rakkina in fida, namni gabbarsuu fudhachuu hin jaallanne garuu, in jiraata.

²⁸ Namni qajeelaan
deebii kennuu isaa dura irratti
in yaada,
afaan nama jal'aa garuu
dubbii hamaa gad in jijjigsa*.
²⁹ Waaqayyo, nama jal'aattii fagoo
dha,
kadhata nama qajeelaa garuu
in dhaga'a*.

*28 10:21

*29 15:8; Yoh 9:31

³⁰ Fuulli ifaan nama gammachiisa,
oduun gaariin lafee namaa in
cimsa*.

³¹ Namni gurri isaa ifata jireenyaa
dhaga'u,
ogeessota gidduu in jiraata.

³² Namni gorsa tuffatu,
ofii isaa in tuffata;
namni ifata dhaga'u garuu
qalbii in godhata.

³³ Waaqayyoon sodaachuun barsiisa
ogummaa ti,
ulfina dura
gad of deebisuun jira*.

*30 25:25

*33 1:7; 22:4; 18:12

Gorsi Solomoon Ittuma Fufuu Isaa

16 ¹Namni garaa isaatti yaadee in
akeeka,
wanta namni deebii kennu garuu,
Waaqayyotu isaaf kenna*.

² Namni akka ofii isaatii ilaalutti
karaan jireenya isaa hundinuu
qullaa'aa dha,
Waaqayyo garuu,
hafuura inni ittiin geggeeffamu
sana in miijana*.

*1 16:9; 19:21

*2 21:2

³ Hojii kee hundumaa Waaqayyotti
kennadhu,
wanti ati yaaddus
fiixaan siif in ba'a*;

⁴ Waaqayyo wanta hundumaa
sababii uumeef qaba,
warra jal'oota iyyuu
guyyaa badiisaatiif kaa'e*.

⁵ Waaqayyo warra garaa isaaniitti
of gurguddisan
hundumaa in ciigga'a,
isaan utuma harka wal qabatanii
iyyuu

utu hin adabamin hin hafan.
⁶ Gaarummaa fi
amanamummaadhaan
isa yakkeef araari in godhama;
namni Waaqayyoon
sodaachuudhaan
wanta hamaa irraa in fagaata.

*3 Far 37:5

*4 Rom 9:22

⁷ Waaqayyo karaa jireenya namaa
yoo jaallate,
diinonni isaa iyyuu isaa wajjin
nagaatti akka jiraatan in godha*.

⁸ Qabeenya baay'ee karaa
jal'inaatiin argamu irra,
qabeenya xinnaa karaa
qajeelaatiin argamu wayya*.

⁹ Namni garaa isaa keessatti yaada
in qopheessa,
Waaqayyo garuu tarkaanfii isaatti
murtoo in godha*.

*7 Uma 31:24; 33:4

*8 15:16

*9 16:1; 19:21; Er 10:23

¹⁰ Afaan mootii hooda in dubbata,
firdii yommuu kennus hin
jal'isu*;

¹¹ madaaliin qajcelaanii fi miijanni
qajeelaan
kan Waaqayyoo ti,
dhagaan safaraa korojoo keessaa
hundinuu

hojii harka isaatii ti*.
¹² Teessoon isaa qajeelummaadhaan
jabaatee waan dhaabatuuf,
jal'inni mootii biratti jibbamaa
dha*.

¹³ Mootonni nama dubbii dhugaa
dubbatutti
in gammadu,
nama wanta qajeelaa dubbatus
in jaallatu;

¹⁴ dheekkamsi mootii akka ergaa
du'aa ti,
namni ogeessi garuu isa in
qabbaneessa.

¹⁵ Fuulli mootii yommuu ifu pagaa
dha jechuu dha,
faara-tolinni isaas akka bokkaa
arfaasaa ti*.

*10 20:26; 1Mot 3:28; Far 72:1-4

*11 11:1

*12 20:28; 25:5; 29:14

*14-15 19:12; 20:2

¹⁶ Warqee argachuu irra ogummaa
argachuun,
meetii fo'achuu irra
hubannaa fo'achuun maal maal
gaarii dha*!

¹⁷ Karaan warra yaada qajeelaa
qabani
wanta hamaa irraa fagaachuu
dha,
namni karaa ofii isaatii eeggatu
lubbuu isaa in eeggata.

¹⁸ Of gurguddisuun badiisatti,
of bokoksuunis kufaatiitti
nama in geessa*;

¹⁹ warra of gurguddisanii wajjin
boojuu hirmachuu irra,
karaa hafuuraa gad of
deebisanii

warra hiyyeessotaa wajjin
jiraachuu wayya.

*16 3:14-15

*18 18:12

²⁰ Nama barsiisa yaadatti qabatuuf
wanti itni godhu
wal in qixxaataaf;
namni Waaqayyoon amanatu
maal maal haa gammadu!

²¹ Warri ogummaa qaban
"Hubatoota" jedhamu,
dubbiin namatti miyaa'u
beekumsa namaaf in dabala;

²² hubannaan warra isa qabaniif
burqaa jireenyaa ti,
gowwummaan garuu warra
gowwootatti

adaba in fida;
²³ namoonni ogeeyyiin itti yaadani
in dubbatu,

dubbiin afaan isaaniis
nama in amansiisa;
²⁴ dubbii ba'eessi akka nadhii
dammaa

namatti in miyaa'a,
lafee namaas in cimsa*.

*24 12:25

²⁵ Karaan qajeelaa namatti fakkaatu
jira,
dhumni isaa garuu
karaa du'aa ti*;

²⁶ qoonqoon waan isa hin
obsisiifneef,
namni itti dadhabee
hojii in hojjeta;

²⁷ namni waa'ee hin baafne

wanta hamaa korata,
dubbiin isaas akka ibidda
boba'uu ti.

²⁸ Namni micciiramaan goolii kaasa,
namni nama hamatu firoota
cimoo iyyuu
gargar in baasa;

²⁹ namni humnaan nama irratti ka'u
sobaan karaa irraa nama in
kaachisa,
karaa gaarii hin taane irras
nama in buusa.

³⁰ Namni ija isaa liph liph godhu
jal'ina mala,
hidhii isaa kan ciniinnatus
wanta hamaa in yaada*.

*25 14:12

*30 6:13

³¹ Harriin gonfoo ulfinaa ti,
barri dheeraan gatii qajeelinaa ti*;

³² nama aango-qabeessa irra,
nama obsa-qabeessa wayya;
nama biyya bulchu irra,
nama of abboomu wayya*.

³³ Buufanni mukaa dachaa wayyaa
irra in buufama,
murtoon hundinuu garuu
Waaqayyo biraa ta'a*.

*31 20:29

*32 14:29

*33 18:18; Bau 28:30

Gorsi Jecha Solomoon
Itti Fufuu Isaa

17 ¹Mana wanta nyaatamuun
guutee
waliin morkii qabu irra,
lafa nagaan jirutti buddeena
cabduu ishee wayya*;

² hojjetaan ogeessi
ilma doofaa bulcha,
obboloota gidduudhaas dhaala
in hirmata;

³ akkuma meetiinni fi warqeen
qodaa itti baqfaman
keessatti qoraman,
Waaqayyo garaa namaa in
qora*.

*1 15:7

*3 Far 66:10

⁴ Hamaa kan godhu nama
hamaatiif in dhaga'a,
namni sobu dubbii nama
hamaa in fudhata.

⁵ Namni hiyyeessatti ga'isu

- uumaa isaa arrabsa,
badiisa namaatti kan gammadus,
utuu hin adabamin bin hafu*;
6 akaakaawwan maanguddootaaf,
abboonnis ijoollota isaaniitiif
gonfoo dha;
7 dubbiin ba'eessi nama gowwaaf
hin ta'u,
dubbiin sobaa immoo
caalaadhumatti
guddaa biyyaaf hin galu;
8 gabbarsuun nama isa kennuuf
akka callee miidhagaa ti,
namichi iddoo dhaqu hundumaatti
wanti inni hojjetu hundinuu
waan wal qixxaatuuf
itti in fakkaata*;
9 namni irra-daddarbaa namaa
namaaf dhiisu
jaalala barbaada;
namni dubbii hafe keessa
deddeebi'u garuu
firoota gargar baasa.
*5 14:21
*8 18:16
- 10 Gowwaatti rukuttaan dhibbi
dhaga'amu caalaa,
nama hubataatti ifanni in
dhaga'ama.
11 Namni hamaan humnaan
nama irratti ka'uu barbaada,
isatti immoo ergamaa
araara hin buufnetu ergama.
12 Nama gowwaa gowwuma isaatti
jirutti dhaqu irra,
amaaketa dhaftuu
ilmaan ishee jalaa butatamanitti
dhaqu wayya.
13 Namni qooda gaarii
wanta hamaa yoo dcebase,
wanti hamaan mana isaattii hin
fagaatu;
14 lola jalqabuun
akka nama bishaan jal'isii
cabsee yaasuu ti,
kanaafis ati
utuu dubbiin isaa hin jabaatin
qabbancessi!
15 Isa nama jal'aadhaan
"Qajeelaa dha"
jedhuu fi
isa nama qajeelaatti faradu,
Waaqayyo in ciigga'a*.
- 16 Gowwaan ogummaa
argachuudhaaf erga hin
hawwinee,
horii of harkaa qabaachuun isaa
maal isaaf godha ree?
17 Firoonni yeroo hundumaa wal
jaallatu,
haadhonis gaafa xiiqiitiif*.
*15 18:5; 24:23-25; 28:21; Isa 5:23;
Lew 19:15
*17 18:24; 27:10
- 18 Namni qalbii hin qabne
walii galtee jabeessuudhaaf
harka namaa in rukuta,
ollaa isaatiifis wabii in darba*.
19 Namni irra-daddarbaa jaallatu
lola jaallata,
namni "Na argaa, na argaa!"
jedhu immoo
badiisa ofitti in waama.
20 Nama yaada micciiramaa qabuuf,
wanti inni hojjetu
wal hin qixxaatuuf;
namni nama gowwoomsu,
rakkina keessa in bu'a.
21 Gowwaa ilmatti guddifachuun
gadda namatti in fida,
abbaan ilma gowwaas
gammachuu hin qabu.
*18 6:1-5
- 22 Garaan gammadu fayyina namaaf
kenna,
yaadni cabaan garuu lafee
gogsa*.
23 Namni jal'aan firdii qajeelaa
micciiruudhaaf,
dhoksaatti gabbarsuu in
fudhata*.
24 Iji nama ogeessaa gara ogummaa
ilaala,
iji nama gowwaa garuu,
hamma daarii lafaatti in joora*.
*22 15:13
*23 Bau 23:8
*24 4:25
- 25 Ilmi gowwaan abbaa isaatti aarii
in fida,
ishee isa deessettis
jireenyi akka hadhaa'u in
godha*;
26 nama balleessaa hin qabne
adabuun,
gurguddoota biyyaas
sababii isaan qajeeloo ta'aniif

- rukutuun gaarii miti;
27 namni beekaan of qusachaa
dubbata,
namni hubataanis hin banbanu*;
28 gowwaan iyyuu yoo cal jedhe
akka ogeessaa ti,
afaan isaas yoo qabate
akka hubataatti in ilaalama*.
*25 19:13
*27 10:19; Yaq 1:19
*28 Iyo 13:5
- Gorsi Solomoon Ittuma Fufuu Isaa**
18 1 Namni namaa wajjin walii
hin galle,
fedha ofii isaattii duukaa bu'uu
barbaada;
ogummaa guutuudhaanis in
morma.
2 Namni gowwaan
yaada garaa isaa mul'isuu
barbaada malee,
hubaanaatti hin gammadu.
3 Jal'iani yommuu dhufu
tuffatamuun in dhufa,
salphina duukaas yeelloon in
dhufa.
4 Dubbiin afaan namaa
akka bishaan gad fagoo ti,
burqaan ogummaas
akka bishaan yaa'uu ti;
5 nama jal'aadhaaf looguun,
yookiis nama balleessaa hin
qabne
firdii dhugaa dhowwachuun
gaarii miti*.
*5 17:15; Kes 1:17
- 6 Haasaan nama gowwaa lola isatti
kaasa,
dubbiin afaan isaas
rukutamuu isatti in fida;
7 gowwaa arraba isaatu isa
balleessa,
wanta afaan isaa dubbateenis
in qabama.
8 Dubbiin nama nama hamatuu
akka buddeena miyaa'aa ti,
innis gara mar'umaaniitti
gad in bu'a*.
9 Namni bojii isaattii dhibaa'u,
obboleessa isa nama
balleessuu ti*.
*8 26:22
*9 10:4
- 10 Maqaan Waaqayyoo gimbii jabaa
dha,
namni qajeelaa gara isaatti
baqatee in oola*.
11 Qabeenyi warra sooreyyii
isaaniif mandara da'oo qabuu
dha,
akka dallaa dhedheeroottis
isa in lakkaa'u*;
12 badiisi utuu hin dhufin
namni garaa isaatti of
gurguddisa,
ulfina dura garuu gad of
deebisuutu dhufa*.
13 Namni dubbii utuu hin
dhaggeeffatin deebii kennu,
gowwuma isaa fi yeelloo isaa
mul'isa.
14 Yaadni namaa yeroo dhukkubaatti
nama in hirkisa,
yaadni yoo cabe garuu,
eenyutu isa fayyisuu danda'a
ree?
*10 14:26; Far 46:1; 61:3-4
*11 10:15
*12 16:18
- 15 Garaan nama hubataa
beekumsa in argata,
gurri nama ogeessaas
beekumsa in barbaada;
16 gabbarsuun nama isa kennuuf
karaa in bana,
fiula gurguddootaa durattis
isa in dhi'eessa*.
17 Namni kan biraa dhufee
hamma isaan mormutti,
inni dura dhufee dubbii isaa
yaa'iitti dhi'eeffatu,
waan dhugaa qabu fakkaata;
18 buufanni mukaa dubbii namaaf
in fixa,
humna-qabootas gargar
in eega*.
19 Obboleessa gufatu deebisuun,
mandara marsaa qabu caalaa
namatti in jabaata,
wal loluunis akka danqaraa
sibilaalaa
isa ittiin karra dallaa dhagaa
cufanii ti.
*16 17:8; Uma 43:11
*18 16:33
- 20 Namni ija wanti gaariin
iuni afaan isaa keessaa ba'u
godhatuun in quufa,

- dubbii arrabni isaa dubbatuunis dharraa in ba'a*.
- ²¹ Duunii fi jireenyi aboo arrabaa jala jiru; warri isa jaallatan ija isaa in nyaatu*.
- ²² Namni haadha manaa isaaf taamu argatu, wanta gaarii in argata, Waaqayyo biraas ayyaana in argata*;
- ²³ rakkataan arraba laafaadhaan rakkina isaa himata, sooressi garuu sagalee jabaadhaan deebii in kennaaf;
- ²⁴ fira fakkaatanii kan nama balleessan jiru, firri obboleessa caalaa namatti aanus immoo jira*.

*20 12:14

*21 13:3

*22 19:14; 31:10-12; Uma 2:18

*24 17:17

Ammas Gorsii Solomoon Itti Fufuu Isaa

- 19** ¹ Soorressa gowwaa dubbii micciiramaa dubbatu irra, hiyyeessa dubbii hin balleessine wayya*.
- ² Beekumsa utuu hin qabaatin hawwa duwwaa qabaachuun gaarii miti, namni miilli isaa jarjaru karaa irraa kaata.
- ³ Gowwummaan namaa jireenyuma isaa in balleessa, inni garuu garaa isaatti Waaqayyoon in komata.
- ⁴ Badhaadhummaan nama baay'ee fira namaaf godha, hiyyummi garuu fira irraa gargar nama kuta*;
- ⁵ namni sobaan dhugaa ba'u, utuu hin adabamin hin hafu, soba kan dubbatu adaba jalaa hin ba'u*.
- ⁶ Namoonni baay'een nama guddaatti firoomuu in barbaadu,

*4 14:20

*5 19:9; 21:28; 24:28; 25:18; Bau 20:16; Kes 19:18-20

- nama waa namaaf kennuufis hundumatu fira.
- ⁷ Nama hiyyeessa obbollooni isaa iyyuu in jibbu erga ta'ce, firoomni isaa immoo hammam caalchisani isattii haa fagaatan ree! Hammam dubbatee isaan deebifachuun yoo barbaade iyyuu, isaan bin argaman*;
- ⁸ namni qalbii qabu ofii isaa jaallata, nama hubannaa of keessaa qabuuf immoo wanti inni hojjenii in tolaaf.
- ⁹ Namni sobaan dhugaa ba'u, utuu hin adabamin hin hafu; soba kan dubbatu in bada*.

*6-7 14:20

*9 19:5

- ¹⁰ Qannootti jiraachuun nama gowwaaf hin ta'u, garbootaafis gurguddoota bulchuun hin qajeelu.
- ¹¹ Hubataa ta'un dheekkamsaaf suuta nama jechisiisa, balleessaa irra namaaf darbuunis ulfina isaa ti*.
- ¹² Dheekkamsi mootii akka aadnaa leencaa ti, faara-tolinni isaa garuu akka fixeensa marga irraa ti*;
- ¹³ ilmi gowwaan abbaa isaatti badiisa fida, haati manaa qoccooltuun akka mana yeroo hundumaa dhimm'isuu ti*.
- ¹⁴ Manaa fi badhaadhummaa abboota irraa in dhaalu, haati manaa hubatnuun garuu kenna Waaqayyoo ti*.
- ¹⁵ Dhibaa'ummaan birriba ulfaata namatti fida, hojii malee taa'unis beela irra nama buusa*;
- ¹⁶ namni abboommii eegu jireenya isaa in eeggata, namni karaa Waaqayyoo tuffatu garuu in du'a*.
- ¹⁷ Namni hiyyeessaaf garaa laafu

*11 14:29

*12 16:14-15

*13 17:25; 21:9,19; 25:24; 27:15-16

- akka waan Waaqayyoo fi liqeessuu ti; Waaqayyos gatii isaa isaaf in deebisa*;
- ¹⁸ deebisuudhaaf utuu abdiin jiruu, ijoollee kee adabi! Gad dhiiftee akka isaan du'an bin godhin*!
- ¹⁹ Namni aaraan adaba ofitti fida, rakkina keessaa isa baasuu yoo yaalte, akka inni itti caalu in goota*.
- ²⁰ Gara booddeetti ogeessa akka taatutti, gorsa dhaga'i, barsiisas fudhadhu!
- ²¹ Yaada namaa keessa akeeka baay'ee jira, garuu wanta Waaqayyoo yaadee qopheessetu jabaatee dhaabata*.
- ²² Amanamummaan namaa bu'aa qaba, sobduu ta'uu irra hiyyuma wayya.
- ²³ Waaqayyoon sodaachuun jireenyatti nama geessa, namni sodaa Waaqayyootiin guutame yaaddoo malee in boqota, wanti bamaanis isatti hin bu'u*;
- ²⁴ namni dhibaa'aan harka isaa waciiitii keessa in kaa'a, garuu gara afaan isaatiitti iyyuu danda'ee hin deebifatu*.
- ²⁵ Nama ga'isu yoo rukutte, namni wallaalaan of eeggataa in ta'a; nama hubataa ifadhu, innis beekumsa in argata*.
- ²⁶ Namni abbaa isaa irratti hamaa hojjetu haadha isaas mana isaatii kan ari'u,

*14 18:22

*15 6:10-11

*16 16:17

*17 14:31

*18 13:24; Kes 21:18-21

*19 14:17

- ²⁷ Yaa ilma ko, gorsa dubbii beekumsaa irraa si kaachisu dhaggeeffachu dhiisi*!
- ²⁸ Dhuga-baatuun waa'ee hin baafne firdii dhugaatti in ga'isa; afaan nama jal'aa immoo irra-daddarbaa in liqimsa.
- ²⁹ Warra ga'iftuuf firdiin, dugda warra gowwootaafis uleen qophaa'aa dha*.
- ³⁰ Namni dhibaa'aan yeroo dhaamochaa waan hin qonneef, makariitti midhaa kadhata, garuu homaa hin argamu.
- ³¹ Akeeki garaa namaa akka bishaan gad fagoo ti, nama hubataa duwwaatu isa keessaa waraabbata.
- ³² Namoonni baay'een, "Nuyi amanamoo dha" offiin jedhu, garuu nama amanamaa eenyutu argachuu danda'a?
- ³³ Namni qajeelaan jireenya mudaa hin qabne jiraata, isa booddees ijoolleen isaa in gammadu*.
- ³⁴ Mootiin barcuma firdii irra

*25 21:11

*26 20:20

*27 Yaq 1:22

*29 10:13; 26:3

Gorsii Solomoon Ittuma Fufuu Isaa

- 20** ¹ Daadhiin waynii ga'iftuu nama godha, dhugaatii jabaanis nama in wacisiisa; namni isaaniin machaa'ee gatantarus ogeessa miti*.
- ² Dheekkamsi mootii inni naasisaan akka aadnaa leencaa ti, namni isa dheekkamsiisus offiidhuma isaa irratti muka muruu isaa ti*;
- ³ qoccoolloo irraa fagaachuun namaaf ulfina, wal lolnutti ariifachuun garuu gowwummaa dha.
- ⁴ Namni dhibaa'aan yeroo dhaamochaa waan hin qonneef, makariitti midhaa kadhata, garuu homaa hin argamu.
- ⁵ Akeeki garaa namaa akka bishaan gad fagoo ti, nama hubataa duwwaatu isa keessaa waraabbata.
- ⁶ Namoonni baay'een, "Nuyi amanamoo dha" offiin jedhu, garuu nama amanamaa eenyutu argachuu danda'a?
- ⁷ Namni qajeelaan jireenya mudaa hin qabne jiraata, isa booddees ijoolleen isaa in gammadu*.
- ⁸ Mootiin barcuma firdii irra

*1 23:20-21,29-35; 31:4,6-7; Hos 4:11

*2 16:14-15

yommuu taa'u,
ijuma isaatiin wanta hamaa
hundumaa
of duraa in bittimsa*.

* Eenyutu, "Ani yaada garaa koo
qulleeffadheera,
cubbuu koo irraas qullaa'eera"
jechuu danda'a ree*?

*7 Far 112:1-2
*8 16:10; Far 101:3
*9 30:12; Iyo 4:17

¹⁰ Miijanni jal'aanii fi safartuu
jal'aan,
Waaqayyo biratti jibbamoo
dha*;

¹¹ mucaan iyyuu qullaa'aa fi
qajeelaa ta'uun isaa,
hojii isaatiin in beekama.

¹² Gurra dhaga'uu fi ija argu,
lachuu isaa Waaqayyotuu uume.
*10 11:1

¹³ Akka hin hiyyoomnetti hirriba
hin jaallatin!
Midhaan akka quuftutti
dammaqii hojjedhu*!

¹⁴ Namni yommuu waa hituuf jedhu,
"Gatiin isaa miyaa dha" jedha,
erga bitatee booddee garuu,
"Ba'eessan bitadhe" jedhee
of in jaja.

¹⁵ Warqeenii fi eellaan diimaan
baay'inatti jiru,
afaan dubbii beekumsaa
dubbattu garuu,
akka dhagaa gati-jabeessa
isa baay'inatti hin argamnee ti.

¹⁶ Wayyaa nama isa ormaaf wabii
darbuu
qabsiisa fudhadhu!
Qooda namicha hin beekamne
sanaa
wayyaa isaa qabsiisa godhii
fudhadhu*!

¹⁷ Buddeenni gowwoomsaadhaan
argame
namatti in miyaa'a;
booddee garuu cirrachatu
afaan nama guuta*.

*13 6:10-11
*16 6:1-5; 27:13
*17 9:17

¹⁸ Wanti yaadame,
mareedhaan jabaatee in
dhaabata;

lola yoo dhaqxe
ogummaadhaan geggeessi*!

¹⁹ Namni asii fi achi labee nama
hamatu

dhoksaa in mul'isa,
nama dubbii baay'isuttii
fagaadhu*!

²⁰ Namni abbaa isaa fi haadha isaa
yoo abaare,
ibsaan isaa dukkana limixii
keessatti in dhaama*.

²¹ Qaheenya dhaalaan dhufu
jalqabatti dafee argamuu in
danda'a;
dhumni isaa garuu eebba hin
qabu.

²² Namni si irratti hamaa yoo
hojjete,
"Deebiseen hamaa irratti
hojjedha" hin jedhin!
Waaqayyoon eeggadhu, inni
immoo si oolcha*.

*18 24:6
*19 11:13
*20 30:17; Bau 21:17
*22 24:29; Mat 5:38-42; Rom 12:17

²³ Waaqayyo miijana jal'aa in jibba,
madaaliin hin amanamnes
isatti hin tolu*.

²⁴ Ejjenna namaa
kan qajeelchu Waaqayyoo dha,
namni karaa isaa gargar baasee
hubachuu danda'aa ree?

²⁵ Namni utuu itti hin yaadin
Waaqayyoof wareega wareegee,
booddee immoo deebi'ee yoo
seese

kiyyoo lixuu isaa ti*.
²⁶ Mootiin ogeessi warra jal'oota in
bittimsa,
konkolaataa ittiin midhaan
cagadan
isaan irra in gangalcha.

*23 11:1
*25 Abo 11:29-40; Lal 5:4-5

²⁷ Ibsaan Waaqayyoo yaada namaa
keessatti in ifa,
keessa namummaa namaas
qoree in ilaala*.

²⁸ Gaarummaanii fi amanamummaan
nagaadhaan mootii in eegu,
teessoon isaa
qajeelummaadhaan in
jabaata*.

²⁹ Surraan dargaggootaa jabina
isaanii ti,
ulfinni maanguddootaa garuu
harrii isaanii ti*;

³⁰ kabalee madeessuun
wanta hamaa irraa qulleessuuf,
rukutuunis keessa namummaa
namaa qulleessuuf.

*27 1Qor 2:11
*28 16:12; Far 61:7
*29 16:31

Gorsi Solomoon Ittuma Fufuu Isaa

21 ¹Yaadni mootii harka
Waaqayyoo keessa jira,
inni akka bishaaniitti
gara jaallateetti isa in deehisa.

² Namatti karaan ofii isaa hundinuu
qajeelaa in fakkaata,
Waaqayyo garuu yaada isaa in
miijana*.

³ Wanta qajeelaa fi
wanta dhugaa hojjechuun,
aarsaa caalaatti Waaqayyo
biratti fudhatamaa dha*.

⁴ Waan guddaatti of ilaaluun,
of bokoksuun,
wanti jal'oonni hojjetan
hundinuu cubbuu dha.

*2 16:2
*3 1Sam 15:22; Far 51:17; Er 7:22-23;
Hos 6:6

⁵ Yaadni warra dhimmee hojjetuu
bu'aa qaba,
wanti ariitiidhaan hojjetamu
hundinuu
hiyyeessa nama godha.

⁶ Qabeenyi dubbii sobaatiin walitti
qabame,
akkuma harrii tokkichumaan
lafa inni bu'e dhabanii ti,
akka kiyyoo nama ajjeesuu tis;

⁷ warri jal'oonni
wanta qajeelaa hojjechuun
waan didaniif,
humnaan nama irratti ka'uun
isaanii
isaanuma in balleessa.

⁸ Karaan nama balleessaa qabuu
jajal'aa dha,
hojiin nama balleessaa hin
qabne garuu qajeelaa dha.

⁹ Haadha manaa qoccooltuu wajjin
mana tokko keessa taa'uu irra,
golee bantii manaa irra taa'uu
wayya*.

*9 19:13

¹⁰ Namni jal'aan wanta hamaa
hawwa,
namaafis garaa hin laafu.

¹¹ Yommuu namni ga'isaan
adabamu,
inni wallaalaan ogummaa in
argata;

namni ogeessi
yommuu karaan isatti
argisiifamu,
beekumsa in argata*.

¹² Waaqayyo inni qajeelaan,
wanta mana jal'oota keessatti
hojjetamaa jiru
yaadaan in qaba,

warra jal'oota gad gara in galcha,
isaan in balleessa.

¹³ Nama, hiyyeessa rakkatee
gargaarsaaf iyyuuf,
inni dhaga'uu didu,
yommuu inni ofii rakkatee
gargaarsaaf iyyu immoo hin
dhaga'amuuf;

¹⁴ kennaan dhoksaadhaan kennan
dheekkamsa gab godha,
gabbarsuun dhoksaadhaan
harka keessa kaa'anis
aarii in qabaneessa*.

*11 19:25
*14 1Sam 25:18-35

¹⁵ Wanti dhugaan yommuu
hojjetamu,
warra qajeelota in gammachiisa,
warra jal'oota garuu in naasisa.

¹⁶ Namni karaa hubannaa irraa
jal'atu,
walga'tii warra du'anii
keessa in bu'a.

¹⁷ Namni qananii jaallatu in deega,
namni daadhii waynii fi
dhadhaa ejersaa jaallatu
raawwatee hin sooromu*.

¹⁸ Namni jal'aan wanta hamaa
nama qajeelaadhaaf
qopbeessetti in darba,
namni hin amanamnes
wanta hamaa nama
amanamaadhaaf

qopheessetti in gala*.

¹⁹ Dubartii qoccooltuu fi aartuu
wajjin jiraachuu irra,
lafa onaa keessa jiraachuu
wayya*.

*17 23:20-21

*18 11:18

*19 19:13

*28 19:5,9

- ²⁰ Ogummaan yookiis hubannaan
yookiis mareen,
Waaqayyoon mormee
dhaabachun
danda'u hin jiru*.
- ³¹ Fardi guyyaa lolaatiif
qophaa'aa dha,
mo'icha kan namaa kennu
garuu Waaqayyoo dha*.

*30 Far 33:10-11

*31 Far 33:16-17

Gorsi Solomoon Ittuma Fufuu Isaa

22 ¹Badhaadhummaa guddaa irra,
maqa gaarii wayya;
meetii yookiis warqee irra,
faara tolaadhaan ilaalamuu
wayya*.

² Isaan lachuus Waaqayyotu uume
waan ta'eef,
sooressii fi hiyyeessi
wal qixxee dha*;

³ namni bubataan wanta hamaa
in arga,
jalaas in dhokata,
namni wallaalaan garun itti in
adeema,
in adabamas*.

*1 Lal 7:1

*2 29:13; Iyo 31:15

*3 27:12

⁴ gad of deebisuu fi Waaqayyoon
sodaachuun,
qabcenya, ulfinaa fi jireenya
namaaf in kenna*.

⁵ Qoraattiinii fi kiyyoon karaa
nama jal'aa keessa jiru,
namni ofii isaa eeggatu garun
isaan irraa in gora.

⁶ Akka itti jiraachuun ta'u
mucaa barsiisi!
Innis yommuu dulloomu iyyuu
irraa hin kaatu.

⁷ Sooressi hiyyeessa in bulcha,
inni liqeffatus abbaa liqiitiif
hojjetaa dha*.

*4 10:27; 15:33

*7 Nah 5:1-5

⁸ Namni firdii jal'isu,
rakkina in haammata;
uleen dheekkamsa isaatiis in
caba*.

⁹ Sababii buddeena isaa irraa

²³ 13:3

²⁵ Namni dhibaa'aaan sababii
hojii hojjechuu dhiisunf,
kajeellaadhaan in du'a*.

²⁶ Inni ittuu caalchisee argachunf
guyyaa guutuu in kajeela,
namni qajeelaan immoo
harka keessa utuu hin qabatan
in kennaaf.

²⁷ Aarsaan namni jal'aaan dhi'eessu,
Waaqayyoo duratti jibbamaa
erga ta'ee,
aarsaan namni yaada hamaatiin
dhi'eessu immoo
caalaatti hammam ciigga'amaa
haa ta'u ree*!

²⁸ Namni sobaan dhugaa ba'u
in bada,
dubbiin namni
irratti yaadee dubbatu garuu,
in fudhatama*.

²⁹ Namni jal'aaan ija-jabinaan in
falma,
garun namni yaada qajeelaa
qabu
karaa isaatti jabaatee in
dhaabata.

*25 13:4

*27 15:8

isa dhabaadhaan ga'uuf,
namni arjaan eebbifamaa
in ta'a*.

¹⁰ Qoccolloon akka hafutti,
nama ga'isaa ofittiif fageessi!
Yommuu lollii fi salphinni in
dhaabata*.

¹¹ Namni yaadni garaa isaatii
akka qullaa'u jaallatu,
haasaan isaas gurra namaatti
kan tolu,
fira mootii in ta'a*.

*8 Iyo 4:8-9

*9 14:21; 19:17

*10 26:20

*11 Far 101:6; Qol 4:6

¹² Iji Waaqayyoo beekumsa in eega,
dubbii warra hin amanamnee
garuu

gara in galcha.

¹³ Namni dhibaa'aaan,
"Leenci ala jira,
yookiis karaa gubbaatti nan
du'a ta'a" in jedha*.

¹⁴ Afaan dubartii ejjituu
akka boolla gad fagoo ti,
namni Waaqayyoo itti
dheekkamu
achi keessatti in kufa*.

¹⁵ Wallaalummi yaada mucaatti
qabamee jira,
uleen adabaa garuu wallaaluma
oofee isattii in fageessa*.

¹⁶ Namni sooressaaf kenna
kennuuf,
inni qabeenya isaatti
dabalachuuf
hiyyeessa cunqursus in
hiyyooma.

*13 26:13

*14 5:3-6

*15 13:24; 23:13-14; 29:17

Jecha Ogeessotaa

¹⁷ Gurra kee as qabi!
Dubbii ogeessi dubbatu
dhaggeeffadhu!
Yaada kees gara barsiisa kootti
deebisi!

¹⁸ Yaadatti yoo qabatte,
waa'ee isaani dubbachuun
si harkaa hin badu yoo ta'e si
gammachiisa.

¹⁹ Ati iyyuu Waaqayyoon akka
amanattuuf,
ani har'a sin barsiisa.

²⁰ Ani jecha fo'amaa,
beekumsaa fi gorsa ba'eessa
of keessaa isan qabu
siif hin caafnee ree?

²¹ Warra si erganiif
deebii amanamaa akka
deebifunf,
dubbii dhugaa sana ani si hin
barsiifnee ree?

²² Hiyyeessa sababii inni
hiyyoomneef hin saamin,
lafa yaa'iitti warra rakkatoo
hin cunqursin!

²³ Waaqayyoo isaaniif in ilaala,
nama isaan saamu Waaqayyoo
immoo
isa in saama*.

*22-23 23:10-11; Bau 23:6-7

²⁴ Nama dheekkamaatti hin
firoomin,
nama dafee aaruttis hin
hidhatin*!

²⁵ Isa irraa bartee,
kiyyoo keessa akka of hin
buufnetti of eeggadhu!

*24 14:17; 15:18

²⁶ Hidhata nama walii galtee
jabeessuudhaaf
harka namaa rukutuu,
yookiis hidhata nama namaaf
wabii darbuu hin ta'in*!

²⁷ Sababiin isaa immoo ati waan
baaftu yoo dhabde,
afanni kee cinaacha kee jalaa
in fudhatama.

*26 6:1

²⁸ Dhagaa daarii isa abboonni kee
dhaaban,
iddoodhaa hin butin*!

*28 23:10; Kes 27:17

²⁹ Nama hojii isaatti harka tolu
kana argitaa?
Inni moototaaf in ergama,
nama hin malleedhaaf garuu
hin ergamu.

Jechi Ogeessotaa
Ittuma Fufuu Isaa

23 ¹Nyaata nyaachuudhaaf nama
biyya bulchuu wajjin
yommuu teessu,

- wanta si dura jiru hubadhu
ilaali!
2 Nama nyaataaf sassatu yoo taate,
of dhowwi!
3 Nyaatichi waan si gowwoomsuuf,
miyaan isaa si hin kajeelchisin!
- 4 Sooromuuf jettee of hin
dadhabsiisin,
of qabuu kee argisiisuufis
ogummaa qabaadhu*!
5 Soorumni akka wanta baallee
qabuutti,
akka joobiraattis qilleensa
keessa balali'ee,
hamma liphsuu ijaatti
ija namaa duraa in sokka.
*4 28:22
- 6 Maaddii hinaaftuu irraa hin
nyaatin!
Miyaan nyaaticbaas si hin
kajeelchisin!
7 Inni akka nama isa yeroo
hundumaa
gatii nyaatichi baasu garaa isaa
keessatti yaaduu ti,
inni afaaniin, "Hadaraa nyaadhu,
dhugi!" sin jedha,
garaan isaa garuu si bira hin
jiru.
8 Wanta nyaatte in diddigda,
dubbii kee isa miyaa'aas in
balleessita.
9 Gowwaan ogummaa dubbii keetii
sababii tuffatuuf,
ati isatti hin dubbatin!
- 10 Dhagaa daarii bara durii dhaabate,
iddoo isaatii hin butin,
maasii ijoollee abbaan irra hin
jirreettis
daarii hin darbin!
11 Inni isaan furu aango-qabeessa,
waa'ee isaaniitiifis sitti in
falma*.
*10-11 22:28; 15:25; 22:22-23
- 12 Gorsicha garaa keetti,
dubbii beekumsaas
gurra keetti galfadhu!
- 13 Mararfatee mucaa adabuu hin
dibiisin,
- karaabaadhaan yoo rukutte inni
hin du'u;
14 karaabaadhaan isa yoo rukutte,
lubbuu isaa iddoo lafa jalaa
dhaquu in oolchita*.
*13-14 13:24; 22:15
- 15 Yaa ilma ko, ati ogeessa yoo
taate,
garaan koo immoo in gammada.
16 Afaan kee dubbii qajeelaa
yommuu dubbatu,
keessi namummaa kootii in
gammada.
- 17 Yeroo hundumaa garaan kee
sodaa Waaqayyoof
haa hinaafu malee,
cubbamootatti hin hinaafin*!
18 Dhugumaan ati gara fuula duraatti
abdii in godhatta;
abdiin kees hin citu*.
*17 3:31
*18 14:32; 24:14
- 19 Yaa ilma ko dhaga'ii!
Ogeessa ta'i,
yaada kees daandii qajeelaa
irratti eegi!
20 Hidhata warra daadhii waynii
gar-malee dhuganii fi
foon gar-malee nyaatanii hin
ta'in!
21 Machooftuu ta'uunii fi
albaadhessa ta'uun
nama in hiyyoomsa,
raftuu ta'uunis moofaa namatti
in uffisa*.
*20-21 20:1; 21:17
- 22 Abbaa kee isa si dhalche dhaga'ii,
yommuu haati kee dulloomtus
ishee hin tuffatin*!
23 Dhugaa fi ogummaa, barsiisaa fi
hubannaa,
argadhu malee hin gurgurin*!
24 Abbaan nama qajeelaa guddaa in
gammada,
inni ilma ogeessa dhalches
isatti in gammada.
25 Abbaan kee fi baati kee haa
gammadan,
isheen si deesse haa
gammaddu*!
*22 1:8
*23 4:7
*24-25 10:1

- 26 Yaa ilma ko, dubbii koo yaadatti
qabadhu,
iji kees akka ani itti jiraadhu
haa ilaalu!
27 Dubartii ejjituun boolla gad
fagoo dha,
dubartiin gaalamoonni boolla
bishaanii isa dhiphaa dha.
28 Isheen akka saamtuu riphxee in
ciifti,
namoonni baay'een
akka bin amanamne in gooti*.
*27-28 5:3-6; 22:14; 7:10-14
- 29 Eenyutu "Wayyoo! Wayyoo!"
jedha?
Eenyutu gadda?
Eenyutu nama qoccola?
Eenyutu nama komata?
Eenyutu sababii malee madaa'a?
Eenyutti iji diddiimata?
30 Warra daadhii waynii gar-malee
dhugan,
warra yeroo hundumaa daadhii
waynii
isa makaa qabu barbaaduuf
adeemanii dha;
31 daadhiin waynii yommuu diimatu,
bifni isaas shurrubbee keessaa
yommuu calaqqisu,
yommuu inni miyaa'aa gad
lixu si hin gomjaasisin!
32 Innoo erga isa dhuganii booddee
akka bofaa nama in idda,
akka hadhaa mar'ataas
nama in miidha.
33 Yommuu gara dubartii
gaalamootaa in ilaalta,
afaan kees dubbii micciiramaa
in dubbata.
34 Akka nama galaana walakkaa
ciisuu,
akka nama bantii markabaa
irra rafuus in taata.
35 Ati, "Isaan ana dha'an,
garuu na bin dhukkubne,
ana rukutan garuu
anatti hin dhaga'amne,
yooman dammaqee
dhugaatii kan biraa argadha?"
in jetta*.
*29-35 20:1; Isa 56:12
- Jechl Ogeessotaa Ittuma Fufuu Isaa
24 'Namoota jal'ootatti bin
hinaafin,
- hidhata isaanii ta'uus hin
hawwin*!
2 Isaan garaa isaaniitti
humnaan nama irratti ka'uu in
yaadu,
afaan isaaniitiinis wanta hamaa
in dubbatu.
*1 3:31
- 3 Manni ogummaadhaan ijaarama,
hubannaadhaanis jabeeffamnee
in dhaabama;
4 beekumsaan kutaawwan
manichaa,
wanta gati-jabeessaa fi
badhaadhummaa nama
gammachiisu hundumaan
in guuta.
- 5 Namni ogeessi nama jabaa caalaa
aangoo qaba,
namni beekaanis nama bumna
qabu irra in caala.
6 Ati geggeessaa ogummaatiin
lolaaf in baata,
baay'ina gorsitootaanis
mo'icha in argatta*.
*6 20:18; 11:14
- 7 Nama gowwaadhaaf ogummaan
baay'ee
ol fagoo dha,
karra kellaa walga'ii keessattis
afaan isaa hin saaqqatu.
- 8 Namni wanta hamaa gochuudhaaf
malu,
"Hamtu-gootee" in jedhama.
9 Akeeki gowwummaa cubbuu dha,
namoonnis ga'iftuu in ciigga'u.
- 10 Ati bara rakkinaatti yoo raafamte,
humni kee muraasa.
11 Warra gara du'aatti geeffaman
oolchi,
warra ajjeefamuuf
hollachaa adeemanis deebisi*!
12 Ati, "Nuyi waa'ee kanaa hin
beekne" yoo jette,
inni garaa namaa qoru
kana hin hubatuu ree?
Inni jireenya kee eegu kana hin
beeku ree?
Inni namaaf akka hojii isaatti
gatii isaa in kenna mitii ree?
*11 Far 82:4

- ¹³ Yaa ilma ko, dammi gaarii waan ta'eef, isa nyaadhu! Nadhiin dhaaba dammaa keessaa coccophu sitti in miyaa'a;
- ¹⁴ akkasuma ogummaan jireenya keef ba'eessa akka ta'u beeki!
Ati isa yoo argatte guyyaa booddeetiif abdi qabda, abdiin kees hin badu*.
**14 23:18*
- ¹⁵ Akka nama jal'aa jireenya nama qajeelaa riphxee hin eeggatin, bultii isaa irrattis humnaan hin ka'in!
- ¹⁶ Namni qajeelaan si'a torba utuma kufee iyyuu, deebi'ee in ka'a; namni jal'aan garuu, wanta hamaa keessatti in kufa*.
**16 Far 37:23-24*
- ¹⁷ Yommuu diinni kee kufu, kufaatii isaatti hin gammadin; yommuu inni gufatus garaa kee keessatti hin gammadin*!
- ¹⁸ Itti gammaduu kee Waaqayyo yoo arge hin jaallatu, dheekkamsa isaas isa irraa in deebisa.
**17 Iyo 31:29*
- ¹⁹ Waa'ee namoota hamaa hojjetaniif hin aarin, warra jal'ootattis hin hinaafin*!
- ²⁰ Namni hamaan abdi borii hin qabu, ibsaan nama jal'aas in dhaama*.
**19 Far 37:1; Fak 3:31
20 3:33
- ²¹ Yaa ilma ko, Waaqayyoon sodaadhu, mootiidhaaf ulfina kenni; hidhata warra ittiin mormanis hin ta'in*!
- ²² Namoonni akkasij kun hamma liphsoo ijaatti in badu, badiisa isa Waaqayyo yookiis mootiin isaanitti fidu eenyutu beekuu danda'a ree?
**21 1Phe 2:17*
- ²³ Jechi kanatti fufee jirus immoo jecha namoota ogeessotaa ti; firdiitti nama wal caalchisuun gaarii miti.
- ²⁴ Nama jal'aadhaan, "Ati qajeelaa dha" nama jedhu, namoonni in abaaruu; sabni lafa irraas isa in ciigga'a.
- ²⁵ Garuu warra nama jal'aa ifataniif gaarii in ta'a, eebbi gaariin isaaniif in dhufa*.
**23-25 17:15*
- ²⁶ Deebiin dhugaan, milikkita firooma dhugaa ti;
- ²⁷ maasii qopheeffatee, waan ittiin jiraattu hamma argattutti mana hin dhaabbatin!
- ²⁸ Akkasumaan nama irratti dhugaa hin ba'in, yookiis nama hin sossobin*!
- ²⁹ Ati, "Waanuma namni ana hojjeteen isa hojjedha, gatii hojii isaatiis isaaf nan deebisa" hin jedhin*!
**28 19:5; Bau 20:16
29 20:22
- ³⁰ Ani maasii nama dhibaa'aa keessa, iddoo dhaahaa waynii nama qalbii hin qabnee keessas nan adeeme;
- ³¹ kunoo, qoraattiin iddoo hundumaatti in biqile, aramaan irra in garagale, dallaan dhagaa isaas in jijjige;
- ³² yommuu ani ilaaleen wanta kana yaadaan qabee, isan arge kana irraas barumsa nan argadhe.
- ³³ Rafuudhaaf harka kee wal irra in qaxxaamursita, yeroo muraasa in mugda, yeroo xinnoo ishees in rafta;
- ³⁴ garuu utuma ati raftuu hiyyumni akka saamtuutti, dhabinnis akka nama mi'a lolaa hidhateetti sitti in dhufa*.
**33-34 6:9-11*

Solomoon Ittuma Dahalee Fakkeenyaan Dubbachuu Isaa

- 25** ¹Isaan kunis immoo fakkeenyota Solomoon, isa namoonni Hisiqiyaas mootii Yihudaa caaffata irraa garagalfatanii dha*;
- ² waa dhoksuun ulfina Waaqayyoo ti, dubbii qorachuun ulfina moototaa ti*;
- ³ akkuma ol fageenyi bantii waaqaa, gad fageenyi lafaas qoramuu hin dandeenye, akkasuma yaadni mootii qoramuu hin danda'u.
**1 1:1; 10:1; 2Mot 18:1-8
2 Kes 29:28
- ⁴ Inni meetii irraa mi'a hojjetu, meetii qullaa'aa akka qabaatutti, ati meeticha haqsii udaan isaa gatii!
- ⁵ Teessoon mootii qajeelummaadhaan cimnee haa dhaabatutti, gorsitoota hamoota mootii irraa dhowwi*!
- ⁶ Mootii duratti ol of hin qabin, nama guddaas of hin fakkeessin!
- ⁷ Mootichi guddaa hiyyaa duratti "Iddoo gara gadii dhagii!" siin jechuu isaa irra, "As ol kottu!" siin jechuu isaa wayya*.
**5 16:12
7 Luq 14:7-11
- ⁸ Wanta tokko ijuma keetiin argiteef ariifatee gara yaa'iitti hin fidin!
Namni dubbii isaa caalchisee keessa heeku yoo si sobsiise dhuma irratti maal goota ree?
- ⁹ Namatti waan falmitu yoo qabaatte, namichumatti falmadhu malee, dhoksa nama kan biraa hin mul'isin*!
- ¹⁰ Kanaa achis namni kana dhaga'u
- si in qaanessa, maqaa kee halleessuus gonkumaa hin dhiisu.
**9 20:19*
- ¹¹ Dubbiin yeroo isaatti dubbatamu, akka killa hudha qabuu isa meetiidhaa fi warqee itti naqanii miidhagsanii ti*;
- ¹² ifanni ogeessi nama isa dhaga'u ifatu, akka amartii gurraa isa warqee irraa hojjetamuu fi akka mi'a miidhaginaa isa warqee ba'eessa irraa tolfamuu ti;
- ¹³ bishaan cabbiidhaan diilallaa'e yeroo makariitti akkuma garaa nama qabbanessu, ergamaa amanamaanis akkasuma nama isa ergatu garaa in ciibsa.
**11 15:23*
- ¹⁴ Namni wanta hin kennineen of jaju, akka duumessaa fi qilleensa isa bokkaa of keessaa hin qabnee ti.
- ¹⁵ Namni obsa-qabeessi hulchaa biyyaa garaa in laaffifata, namni arraba toles lafee nama in cabsaa*.
- ¹⁶ Damma yoo argatte, akka inni sitti baay'atee si hin halaqamsifnetti, hamma si ga'u duwwaa nyaadhu!
- ¹⁷ Namni si nufee akka si hin jibbinetti, ammaa amma mana namaa hin dhagii!
**15 15:1*
- ¹⁸ Namni nama irratti sohaan dhugaa ba'u, akka hokkuu yookiis billaa yookiis xiyya qaramaa ti*;
- ¹⁹ nama hin amanamne bara rakkinaatti amanachuun, akka nama ilkaan raafamuun waa alalfachuudhaaf, miilla lawwaasa'aadhaanis adeemuudhaaf amanatuu ti;
- ²⁰ nama garaan isaa gadde faarfachuun,

akka waan guyyaa dhaamochaa
uffata isaa isa irraa
fuudhanii ti,
akka waan soogidda madaatti
naqanii tis.

*18 19:5

²¹ Diinni kee yoo heela'e buddeena
inni nyaatu,
yoo dheehotes hishaan inni
dhugu kenniif.

²² Kana gochuu keetiin immoo,
gaabbee akka inni yeella'u in
goota;
Waaqayyos gatii kee siif in
deebisa*.

²³ Qilleensi gara bitaa akkuma
hokkaa fidu,
jette-jetteen,
ija dheekkamsaatiin
nama ilaaluu in fida.

²⁴ Haadha manaa qoccooltuu wajjin
mana tokko keessa taa'uu irra,
golee bantii manaa irra taa'uu
wayya*.

*21-22 Rom 12:20-21

*24 19:13

²⁵ Oduu gaarii biyya fagoodhaa
dhufu dhaga'uun,
akkuma nama dheebottee
bishaan diilallaa'aa
dhuguu ti*;

²⁶ namni qajeelaan
nama jal'aa duratti kufuun,
akka hurqaa boora'ee,
yookiis akka hishaan boollaa
isa xuriin isaa ijaan ilaaluu
nama jibbisiisuu ti.

²⁷ Damma baay'isanii nyaachuun
gaarii miti,
ulfina mataa ofii barbaaduunis
ulfina miti.

²⁸ Namni of qabuu hin dandeenye,
akka mandara dallaawwan isaa
jijjiganii ti*.

*25 15:30

*28 29:11

Solomoon Fakkeenyaan Dubhachuu Ittuma Fufuu Isaa

26 Cabbiin bonaaf, bokkaanis
yeroo makariif
akka hin taane,
akkasuma ulfinni immoo
nama gowwaadhaaf hin ta'u.

² Abaarsi akkasumaan nama
abaaran,
akka dinbiitii waan irra qubattu
dhabdee
asii fi achi barriftuu,
yookiis akka girrissa
balaliituu ti malee,
nama hin ga'u.

³ Sottoon fardaaf,
luugamni harreef akka
barbaachisu,
akkasuma uleen
dugda gowwootaaf in
barbaachisa*;

⁴ ati iyyuu akka isaa akka hin
taanetti,
gowwaadhaaf akka goowwuma
isaatiitti
deebii hin kennin!

⁵ Namni gowwaan ogeessa
akka of hin seenetti,
akkuma goowwuma isaatiitti
deebii kenniif;

⁶ namni nama gowwaa ergatu,
akka nama miilla isaa of irraa
muree
rakkina ofitti waamuu ti;

⁷ fakkeenya afaan gowwaa keessaa
ba'u,
akka miilla naafatee rarra'uu ti.
*3 19:29

⁸ Namni gowwaadhaaf ulfina
kennu,
akka nama furuursaatti dhagaa
hidhuu ti;

⁹ fakkeenya afaan gowwootaa
keessaa ba'u,
akkuma qoraattii
harka nama machaa'aa
waraanaa jiruu ti;

¹⁰ namni nama gowwaa
yookiis nama kara-adeemaa
hojiitti qacaratu,
akka nama iddaa baatuun
waanuma arge maddessuu ti;

¹¹ sareen diddigeed diddiga isaatti
akkuma deebi'u,
gowwaan gowwuma isaatti in
deddeebi'a*;

¹² nama ogeessa utuu hin ta'in
ogeessa of se'uu irra,
nama gowwaatu caalaa ahdi
qaba*.

*11 2Phe 2:22

*12 29:20

¹³ Namni dhibaa'aan,
"Leenci saafelli karaa irra,
leenci sodaachisaanis
karaa guddaa keessa jira" in
jedha*.

¹⁴ Muchoon saanqaa boolla muchoo
isaatii
keessa akkuma naanna'u,
namni dhibaa'aanis akkasuma
siree isaa irra in gangalata*.

¹⁵ Namni dhibaa'aan ittootti
cuuphachuudhaaf
harka isaa waciitii keessa in
kaa'a,
garuu gara afaan isaatiitti
iyyuu danda'ee hin
deehifatu*.

¹⁶ Namni dhibaa'aan isa ogeessonni
torba,
ogummaadhaan deehii kennan
caalaatti
hubataa of se'a.

*13 22:13

*14 6:6,9-11

*15 19:24

¹⁷ Namni akkasumaan adeemee
dhufee
dubbii namaa keessa lixu,
akkuma nama gam godhee
gurra saree karaa adeemtuu
qabuu ti;

¹⁸ maraatuun diimina gubaa fi
xiyya nama ajjeesu
namatti gad dhiisu,

¹⁹ nama nama gowwoomsee
"Anoo nan taphadhe!" jedhuu
wajjin wal hin caalu.

²⁰ Qoraan hin jiru yoo ta'e,
ibiddi in dhaama,
hameen hin jiru yoo ta'e,
qoccooloon in hafa*.

²¹ Cilaattii barbadaa dhaamuuf
jedhutti,
qoraanis ibiddatti dabaluu,
humna isaa akka baay'isu,
namni dubbii tuttuqu qoccoolloo
in haay'isa*.

²² Dubbiin hasaasa hamattuu,
akka buddeena miyaa'aa ti,
keessa namunmaa namaattis in
dhaga'ama

gara mar'umaanittis gad in
hu'a*.

*20 22:10

*21 15:18

*22 18:8

²³ Namni afaan isaatiin gaarii
fakkaatee
garaa isaa keessaa yaada
hamaa qabu,
akka godaa suphee, isa meetiin
itti uffifamee ti;

²⁴ namni nama jibbu
jibbi isaa akka irraa hin
mul'anneef,

haasaadhaan gara in balleessa;
garaa isaa keessa garuu
haxxummaatu jira.

²⁵ Sababii wanti jibbisiisaan torba
yaada isaa keessa jiruuf,
yommuu inni afaan laafee dubbatu
isa hin amanin!

²⁶ Inni jibba isaa haxxummaadhaan
yoo dhokfate iyyuu,
jal'inni isaa walga'ii keessatti
bakkee in baafama*.

*24-26 6:12-15

²⁷ Namni boolla namaaf qotu,
ofuma isaatii isa keessatti in
kufa;
nama dhagaa namatti
konkolaachisu,
dhagichi deebi'ee isumatti in
konkolaata*.

²⁸ Arrabni sobu warruma offii
mammadeesse in jibba;
afaan itti kuulee dubhatus
badiisa namatti in fida.
*27 28:10; Far 7:15-16; Lal 10:8

Fakkeenyaan Dubhachuu Ittuma Fufuu Isaa

27 ¹Wanta guyyaan fidu hin
heektu,
kanaafis wanta bor ta'uun
of hin jajin*!

² Namni si haa jaju malee,
ati of hin jajin!
Namni biraa si haa jaju malee,
afaan keen of hin jajin!

³ Dhagaan ulfaataa dha, cirrachi
ba'aa dha,

inni namni gowwaan tuttuqee
nama aarsu garuu,
isaan lachuu caalaa in ulfaata.

⁴ Dheekkamsi akka gara-jabinaatti,

aariin akka lollaatti guatee
nama irra in dhangala'a;
caalaatti garuu hinaaffaa dura
cenyutu dhaabachuu
danda'a?

*1 Yaq 4:13-14

5 Isa dhoksaatti nama jaallatu irra
isa mul'inatti
nama ifatu wayya*.

6 Dbungachuu diinaa irra,
rukutee madeessuu nama
nama jaallatu wayya*;

7 namni quufe, damma in balfa;
nama beela'aatti garuu
wanti hadhaa'aaan iyyuu in
miyaa'a.

8 Namni mana isaa irraa kaate,
akka simbira mann'ee irraa
kaatee ti;

9 dibannii fi urgooftuun
akkuma nama gammachiisan,
akkasuma gorsi firaa inni dhugaan
garaa nama in ciibsa.

*5 Lew 19:17

*6 Far 141:5; Mat 26:49

10 Michuu kee fi michuu abbaa
keetii hin dhiisin!
Yeroo rakkina keetiitti
mana obboleessa keetii hin dhaqin!
Obboleessa fagoo jiru irra,
ollaa dhi'oo jiru wayya*.

11 Yaa ilma ko, nama ana arrabsuuf
dcebii kennuu akkan danda'utti,
ati ogeessa ta'i, garaa na ciibsi!

12 Namni hubataan
wanta hamaa argee jalaa in
dhokata,
wallaalaan garuu itti in adeema,
in adabamas*.

13 Wayyaa nama nama
ormaa wabii darbuu
qabsiisa fudhadhu!
Qooda namicha hin beekamne sanaa,
wayyaa isaa qabsiisa godhii
fudhadhu*!

*10 17:17; 18:24

*12 22:3

*13 20:16

14 Namni ganama obboroo ka'ee,
sagalee guddaadhaan nama yoo
eebbise,
eebbi sun abaarsa itti in
fakkaata.

15 Haati manaa qoccoeltuun,

akka mana guyyaa bokkaan
roobu dhimm'isaa ooluu ti;

16 ishee ittisuun akka nama
qilleensa ittisuu,
yookiis akka nama dhadhaa
ejersaa qabuuf yaaluu ti*;

17 sibiilli sibiila in qara,
namnis nama biratti in qarama.

18 Namni muka harbuu dhaabu
ija isaa in nyaata,
namni gooftaa isaa eegu ulfina
in argata.

*15-16 19:13

19 Bishaan nama isa keessa ilaale
akkuma mul'isu,
akkasuma yaadni namaas
namichuma in mul'isa.

20 Iddoon lafa jalaa fi lafti badiisaa
"In quufne" akkuma hin jenne,
iji namaas akkasuma
ilaalee bin quufu*;

21 meetiinii fi warqen
qodaa itti baqfaman kcessatti
akkuma qoraman,

akkasuma namni
afaan warra isa
galateeffatuutiin in
ilaalama.

22 Gowwaa akka midhaaniitti
moonyeetti
yoo tumte iyyuu,
gowwuma isaa isa irraa bin
baaftu.

23 Bushaayeen kee attamitti akka
jiran yaadaan qabi,
saawwan kees ba'eesa godhii
eggadhu!

*20 Lal 1:8

24 Soorumni bara baraan
nama harkatti bin bafu,
gonfoon mootummaas
dhalootaa dhalootatti hin
darbu.

25 Okaan yeroo haamamu,
margis jalaan yommuu biqilu,
biqilli tulluu irraas yommuu
sassaabamu,

26 hoolota keetiin daara in baata,
korbeeyyii re'oota keetiinis
lafa in bitatta.

27 Soora keetiif soora maatii keetiif,
xomborewwan kee ittiin
jiraachisuufis

kan si ga'u, aannan reettii in
qabaatta.

Fakkeenyaan Dubbachuu
Ittuma Fufuu Isaa

28 ¹Namni jal'aan
utuu namni isa bin ari'in
baqata,

namni qajeelaan garuu
akkuma leenca saafclaa
ija in jabaata*.

2 Biyya Waaqayyoo irratti kaatu
bulchitoota isheetu baay'ata,
nama hubataadhaa fi beekaa
yoo qabaatte garuu,
mootummaan ishee jabaantee in
dhaabata.

3 Hiyyeessi hiyyeessa cunqursu,
akka bokkaa midhaan
balleessuu ti.

*1 Isa 57:21

4 Warri seera dhiisan nama jal'aa
jaju,
warri seera eegan garuu
isaan in mormu.

5 Namoonni bamoorni firdii
dhugaa hin hubatan,
warri Waaqayyoon
barbaaddatan garuu,
wanta hundumaa in hubatu;

6 sooreessa jireenyi isaa
micciiramaa irra,
hiyyeessa balleessaa hin qabne
wayya*;

7 namni seera eegu ilma hubataa
dha,
inni hidhata albaadhessaa ta'u
garuu
abbaa isaa in salphisa.

*6 19:1

8 Namni biiqiidhaan, gar-malee
dhala fudhachuudhaanis
badhaadhummaa baay'ifatu,
nama isa hiyyeessaaf oo'uuf
walitti in qaba*;

9 nama seeraaf hin abboomamne,
kadhanni isaa iyyuu
ciigga'amaa dha*.

10 Namni nama yaada qajeelaa qabu
hamaa irra buusu,
boolluma qotetti in kufa;
namni balleessaa hin qabne garuu,
wanta gaarii ta'e in dhaala*;

11 namni sooressi ogeessa of se'a,

hiyyeessi hubataan garuu qoree
isa bira in ga'a.

*8 13:22; Lew 25:35-37

*9 15:8-9

*10 26:27

12 Namni qajeelaan yommuu biyya
fudhatu,
hundumatu gammada;
namni jal'aan yommuu ka'u
garuu,
namoonni in dhokatu*.

13 Namni irra-daddarbaa isaa
dhokfatu, hin biiqu;
namni irra-daddarbaa isaa
himatu,
kan dhiisus garuu
araara in argata*.

14 Namni yeroo hundumaa
Waaqayyoon sodaatu
cebbifamaa dha,
namni mataa jabaatu garuu
rakkina keessa in bu'a;

15 bulchaan biyyaa inni jal'aan,
warra gargaarsa hin qabne
irratti
akka leenca aaduu,
akka amaaketa beela'ee
waan butu barbaaduu tis.

*12 28:28; 29:2

*13 Far 32:3-5; 1Yoh 1:8-9

16 Bulchaan biyyaa,
inni dubbii gargar baasee
bubachuun itti hir'atu,
warra barka isaa keessa jiran in
miidha;
namni bu'aa karaa malee
argamu jibbu garuu,
bara dheeraa gammadaa in
jiraata.

17 Namni nama ajjeesee barbaadamu,
hamma du'a isaatiitti jooraa
haa ta'u!

Namni tokko illee isa hin
gargaarin*!

18 Namni qajeelinatti jiraatu in oola;
namni karaan jireenya isaa
micciirame garuu
battalatti in kufa.

19 Namni lafa isaa qotatu buddeena
in quufa,
namni wanta waa'ee hin baafne
duukaa bu'u garuu, in
biyyooma*.

*17 Uma 4:14

*19 12:11

- ²⁰ Namni amanamaan baay'ee eebbifama,
namni soorummaaf sassatu garuu,
utuu bin adabamin bin hafu*;
²¹ firdii jal'isuun gaarii miti,
kana keessaa immoo,
namni buddeena cabaa tokkoof balleessaa hojjeta*.

- ²² Namni weenna'u, sooromuuf in sassata,
hiyyumni akka isatti dhufus hin beeku*.
²³ Nama sobee afaaniin namatti kuulu irra,
nama balleessaa namaa namatti mul'isee nama ifatutu,
gara booddeetti caalaa jaallatama.
²⁴ Namni abbaa isaa yookiis haadha isaa saamee,
"Kun balleessaa miti" jedhu,
bidhata nama isa nama balleessuu ti*.

*20 13:11
*21 18:5; Kes 1:17
*22 23:4-5; 1Xim 6:9
*24 Mat 15:4-6

- ²⁵ Namni sassataan yaadaan gargar ba'uu in kaasa,
namni Waaqayyoon amanatu garuu
itti tolee in jiraata;
²⁶ namni yaada oofii isaa amahatu gowwaa dha,
ogummaadhaan kan deddeebi'u garuu in oola.
²⁷ Nama biyyeessaaf kennuutti homtuu bin hir'atu,
namni achi ilaalê biyyeessa bira darbu garuu,
guddaa in abaarama*.
²⁸ Jal'oonni yommuu biyya fudhatan,
namoonni of in dhoksu;
yommuu jal'oonni sun badan garuu,
qajeelonni in baay'atu*.

*27 14:21
*28 11:10; 29:2

Fakkeenyaan Dubbachuu Ittuma Fufuu Isaa

- 29** ¹ Nama sababii balleessaa isaatiif utuma ifatamuu,

- didee mataa jabaatu,
badiisi deebii hin qabne dingata isa irra in ga'a*;
² qajeelonni yommuu baay'atan namoonni in gammadu,
warri jal'oonni yommuu biyya bulchan garuu,
namoonni in gaddu*.

*1 15:10
*2 11:10; 28:12,28

- ³ Namni ogummaa argachuu jaallatu,
abbaa isaa in gammachiisa;
namni bidhata ejjituu ta'e garuu,
akkasumaan horii isaa bittimsa*.

- ⁴ Mootiin firdii dhugaa kennu biyya isaa in jabeessa,
gabbarsuudhaaf kan sassatu garuu
biyya isaa in balleessa;
⁵ namni sobee afaaniin namatti kuulu,
miilla ofii isaatiitti dabboo in tartara;

- ⁶ namni hamaan irra-daddarbaa isaatiin in xaxama,
namni qajeelaan garuu in faarfata, in gammadas.

*3 Luq 15:13,30

- ⁷ Namni qajeelaan biyyeessaaf in dhimma,
namni jal'aan garuu,
wanta akkasii kanaaf dhimma hin qabu.

- ⁸ Warri ga'isoorini mandaratti goolii in kaasu,
warri ogeessonni garuu dheekkamsa in qabbaneessu.

- ⁹ Namni ogeessi nama gowwaa wajjin
gara yaa'ii yoo dhaqe,
inni gowwaan takka in dheekkama,

- takka immoo in kofa malee,
boqonnaa hin qabu.

- ¹⁰ Namoonni dhiiga namaa dhangalaasuu suusa'an,
nama mudaa hin qabne in jibbu,
nama yaada qajeelaas ajjeesuu in barbaadu.

- ¹¹ Namni gowwaan,
yaada aarii garaa isaatiin hundumaa in dubbata,

- namni ogeessi garuu in obsa,
of qabaas in dubbata*.

*11 25:28

- ¹² Namni biyya bulchu oduu sobaa yoo dhaggeeffate,
hojjetoonni isaa hundinuu jal'oota in ta'u;

- ¹³ Waaqayyo lachuu isaaniif iyyuu agartuu
waan kenneef,
biyyeessii fi inni biyyeessa cunqursu waluma qixxee dha*.

- ¹⁴ Mootiin biyyeessaaf firdii dhugaa yoo kenne,
mootummaan isaa bara baraan jabaatee in dhaabata*;

- ¹⁵ ijoollee adabaniin karaa irra buusuun gaarii dha,
mucaan gad-dhiisiitti guddatu garuu,

- haadha isaa yeellaasisa*;
¹⁶ yommuu jal'oonni baay'atan,
irra-daddarbaan in baay'ata;
qajeelonni garuu kufaatiin jal'ootaa in argu.

- ¹⁷ Ilma kee adabii karaa irra isa buusi!
Inni immoo aara si galfachiisa,
garaas si in ciibsa*.

*13 22:2
*14 16:12
*15 13:24; 22:15; 1Mot 1:6
*17 23:13

- ¹⁸ Mul'anni hin jiru yoo ta'e,
sabni gad-dhiisii in ta'a;
namni seericha eegu garuu hammam haa gammadu!

- ¹⁹ Hojjetaan waan afaaniin itti biman duwwaadhaan,
qajeeloo karaa irra hin bu'u;
yoo hubate iyyuu nama jalaa hin qabu*.

*19 Far 74:9

- ²⁰ Nama dubbii ariifatu irra,
nama gowwaatu abdii qaba*;

- ²¹ namni garbicha isaa mucummaa isaatiin jalqabee qanansiisu,
dhuma irratti tuffatamuu ofitti in fida.

- ²² Namni dheekkamaan lola in kaasa;

- namni aaraanis irra-daddarbaa in baay'isa*.

- ²³ Of gurguddisuun,
gad deebii namatti fida,
kan gad of deebisu garuu,
ulfina in argata*.

- ²⁴ Namni hidhata hattuu ta'e of in jibba,
kakatee dhugaa akka ba'uuf in gaafatama,
dhugaa dubbachuudhaaf garuu ija bin jabaatu*.

*20 26:12; Lal 5:1-2; Yaq 1:19

*22 14:17; 15:18; 22:24

*23 Far 75:7; Mat 23:12; 1Phe 5:5

*24 Lew 5:1

- ²⁵ Nama sodaachuun kiyyootti nama galcha,
Waaqayyoon amanachuun garuu fayyina*;

- ²⁶ namoonni baay'een,
bulchaa biyyaatti of mul'isuu in barbaadu,
firdii dhugaan garuu Waaqayyo biraa namaaf kennama.

- ²⁷ Namni qajeelaan nama jal'aa in ciigga'a,
namni jal'aanis nama yaada qajeelaa in ciigga'a.

*25 Mat 10:28

Jecha Aguur Ilma Yaaqee

- 30** ¹ Jechi kanatti fufee jiru,
jecha Aguur ilma Yaaqee isa nama biyya Maasaa ti;
namni kun Itii'elitti,
Itii'elii fi Ukaalitti dubbateera;

- ² inni, "Ani nama hundumaa irra gowwaa dha,

- hubannaa namni qabus hin qabu;

- ³ ogummaa tokko illee hin barre,
waa'ee isa qulqullaa'aa raawwadhee

- homaa hin beeku*;

- ⁴ eenyutu gara bantii waaqaa dhaqee deebi'ee immoo dhufe?

- Eenyutu qilleensa aboottee isaa keessatti walitti qabe?

- Eenyutus bisbaanitti uffata maree ittise?

- Eenyutu daarii lafaa hundumaa jabeessee dhaabe?

Eenyu maqaan isaa, eenyu
maqaan ilma isaas?
Beekta yoo taate anatti himi*!

*3 9:10

*4 Iyo 38:28-34

⁵“Dubbiin Waaqayyoo hundinuu
dhugaa ta'uun isaa
amansiiseera,
inni warra isatti kooluu galan
hundumaaf gaachana*.

⁶Inni akka si hin ifannetti,
akka si hin sobsiifnnettis,
dubbii isaatti yaa hin
dabalini!” jedhe*.

*5 Far 12:6; 18:30

*6 Kes 4:2

Itti Dabalee Fakkeenyaan Dubbachuu Isaa

⁷Yaa Waaqayyo, ani waan
laman si kadhada,
hamman jirutti isaan
ana hin dhowwatin!

⁸Dubbii waa'ee hin baafnee fi
dubbii sobaa anattii fageessi,
soora har'aa-borii anaaf kenni
malee,

na hin badhaasin, na hin
deegsinis!

⁹Ani qunfee akkan si hin
wallaalletti,
“Waaqayyo eenyu imi?”

akka ani hin jennetti,
yookiis immoo hiyyoomnee,
hatee maqaa Waaqayyo kootii
akka ani hin salphifne
anaaf godhi*!

*8-9 IXim 6:8-10; Bau 5:2

¹⁰Hojjetaan akka si hin abaarretti,
ati immoo rakkinatti akka hin
galletti,
gooftaa isaatti isa hin hamatin!

¹¹Abbaa isaanii kan abaaran,
haadha isaanis kan hin jajanne
jiru;

¹²xurii isaaniitii utoma hin
qullaa'in,
qullaa'oo kan of se'an jiru*;

¹³warri waan guddaatti of ilaalan,
nyaara isaaniitiinis of tiuluu
isaanii
kan mul'isan jiru;

¹⁴warri hiyyeessa nyaatanii lafa
irraa balleessuudhaaf,
warra wanta barbaachisaa
dhabanis

namoota giddundhaa badduu
baasuudhaaf

ilkaan isaanii akka billaa
qaramaa,
ha'oon isaanis akka haaduu
kan ta'e jiru*.

*12 20:9

*14 Far 14:4

¹⁵Dhulaandhulli intaloota
“Warra kenni! Kenni!”
jedhanii iyyan lama qabdi;
“Quufe” kan hin jenne
wanta sadiitu jira,
inni afuraffaan immoo “Na
ga'a”

jehuu hin beeku;

¹⁶isaanis, iddoo lafa jalaa,
gadameessa dhala hin godhatin
hafe,

lafa gogaa jiidha of keessaa hin
qabnee fi
ibidda, “In ga'a” jedhee hin
beeknee dha*.

*16 27:20

¹⁷Nama abbaa isaatti ga'isuu fi
abboommii haadha isaa tuffatu,
qurruun gammoojjii ija isaa
isa keessaa haa baasu,
foggis isa haa nyaatu*!

¹⁸Wanti ana dinqan sadiitu jira,
isa afuraffaa immoo hubachuu
iyyuu hin danda'u;

¹⁹isaanis, karaa joobirri
qilleensa keessa balali'u,
karaa bofni-kattaa irra adeemu,
karaa markabni galaana irra
adeemuu fi

karaa dargaggeessaa fi
dargaggeettiin

wal jaallatanii dha.

*17 1:8; 19:26; 20:20; 23:22

²⁰Dubartii ejjituun,
akka ishee nyaatee afaan ishee
haxaa'atee,

“Ani homaa hin balleessine”
jettuu ti;

karaan dubartii ejjituun
kan akkasii ti.

Gorsa Moototaaf Kenname

31 ¹Jechi kanatti fufee jiru,
isa haati Lemu'el mootii
Maasaa

ittiin isa gorsitee dha*;
²yaa ilma ko, yaa dhala dhabaa,
yaa ilma ani wareegaan
godhadhee!

Maaluma sitti bimuu ree?

³Ati humna kee dubartootatti hin
dhangalaasin!

Jireenya kee dubartoota
mootota balleessanitti
gad hin dhiisin*!

*1 30:1

*3 Kes 17:17; 1Mot 11:1,4

⁴Moototaaf hin ta'u! Yaa Lemu'el,
mootonni daadhii waynii
dhuguutti

of gad dhiisuun hin ta'u!
Gurguddoonni biyyaas
dhugaatii nama macheessu
hawwuun gaarii miti*.

⁵Isaan yoo dhugan,
wanta seerri jedhu in irraanfatu;
firdii ijoollee hiyyeessaas in
jal'isu.

⁶Dhugaatiin nama macheessu
nama badiisatti dhi'aateef,
daadhiin wayniis
nama jireenyi itti hadhaa'ecf
kennama.

⁷Namni akkasii dhugee hiyyuma
isaa haa irraanfatu,
gadadama isaas deebi'ee hin
yaadatin!

*4 20:1

⁸Ati warra ofii isaaniitiif
dubbachuu hin dandeenyeef
dubbadhu!

Warra abbaan irra bin jirreefis
dhugaa isaanii cegiif*!

⁹Isaaniif dubbadhu,
firdii qajeelaas isaaniif kenni!
Warra hiyyeessotaa fi
warra wanta barbaachisaa
dhabaniif falmi!

*8 Iyo 29:12

Haadha Mana Qabaa Mana Isheetii Beektu

¹⁰Haadha mana mana ishec qabuu
dandecessu,

²¹Wanta sadiitu lafa sochoosa,
isa afuraffaa immoo danda'ee
iyyuu hin baatu.

²²Isaanis, garbicha mootii ta'e,
gowwaa quufe,

²³haftuu abbaa manaa argattee fi
xomboree iddoo giiftii isheetii
fudhattee dha*.

*21-23 Lal 10:5-7

²⁴Uumamni bifaan xixinnoo ta'anii,
baay'ee immoo ogeeyyii ta'an
afirtu lafa irra jira;

²⁵mixiin uumama dadhabduu dha,
garuu nyaata ishee bona walitti
in qabatti*;

²⁶osoleenis uumama
humna hin qabnee dha,
garuu kattaa keessatti in galti;

²⁷hawaannisi mootii hin qabu,
garuu wal gurmeessee in
adema.

²⁸Loccuun barruudhaan looti,
garuu keenyan mana moototaa
irratti iyyuu in arganti.

*25 6:6-8

²⁹Wanti adcemsa tolu sadiitu jira,
inni afuraffaan immoo
simboo ulfina isaatiif ta'u qaba;

³⁰leenci bineensota
hundumaa keessaa jaba dha,
wanta hundumaa irraas hin
deebi'u;

³¹kormaa indaanqoo fi korbeessii
reettii
of bokoksee asii fi
achi naanna'uu fi
mootii macca isaa of
naannessee adeemuu dha.

³²Gowwoomtee, yoo ol
ol of qabde,
yookiis garaa kee keessatti
hamaa yoo yaadde,
afaan kee qabadhu!

³³Aannan raasuun dhadhaa baasa,
jabeessanii furrii baafachuun
nama dhiigsa;
rottuqanii nama aarsuun
lola in kaasa.

- eenyutu argachuu danda'a ree?
Isheen callee gati-jabeessa
hundumaa irra
guddaa in caalti*;
11 abbaan manaa ishee ishee in
amanata;
qabeenyis isatti hin hir'atu.
12 Bara jireenya ishee hundumaatti,
wanta gaarii gootiif malee,
wanta hamaa isa irratti hin
hojjettu;
13 isheen rifeensaa fi quncee talbaa
barbaaddee,
dhimmitees uffata in dhoofiti.
14 Markaboonni naggaadotaa,
biyya fagoo dhaqanii akkuma
mi'a fidan,
isheenis biyya fagootii nyaata
ishee in fidatti.
*10 18:22
- 15 Isheen ganama
utuu lafti hin bari'in kaatee,
maatii isheetiif nyaata in
keenniti,
xomboreewwan isheettis
hojii hojii isaanii in argisiifti.
16 Isheen qortee ilaaltee
lafa in bitatti;
horii itti dadhabdee argatteenis
biqiltuu waynii in dhaabbatti.
17 Mudhii ishee jabeessitee in
hidhatti,
irree ishee cimsattees in
hojjetatti.
18 Hojiin ishee bu'aa akka qabu in
ilaalti,
ibsaan ishees halkan hin
dhaamu;
19 muka itti jirhii maran
harka isheetti in baatti,
qubbeetii isheetiin immoo calii
in qabatti.
20 Isheen hiyyeessaaf in arjoomti,
dhabaadhaafis garaa in laafti;
21 maatiin ishee uffannaa dhaamocha
nama irraa ittisu
- waan qabaniif,
yommuu alaa cabbii buusee roobu
maatii isheetiif hin yaaddoftu;
22 isheen uffata siree in dha'atti,
uffata calaqqisaa,
quncee talbaa ba'eessa irraa
dha'ames in uffatti.
23 Abbaan manaa ishee jaarsolii
biyyaa wajjin,
yaa'ii karra mandaraa keessa
yommuu taa'u ulfina qaba;
24 isheen quncee talbaa irraa
uffata dhooftee in gurgurti,
naggaadotattis sabbata in
gurgurti;
25 humnaa fi ulfina
akka uffataatti in uffatti;
yeroodhuma dhufuttis in
gammaddi.
26 Dgummaadhaan in dubbatti,
barsiifni gaariinis
afaan ishee keessaa in ba'a.
27 Isheen yeroo hundumaa
jireenya maatii isheetii in eegdi,
utuu hin hojjetinis
akkasumaan buddeena hin
nyaattu.
- 28 Ijoolleen ishee lafaa ka'anii
"Eebbfamtuu!" jedhanii
ishee in waamu,
abbaan manaa ishee immoo
ishee jajatee,
29 "Dubartoota baay'eetu
wanta ba'eessa hojjeta,
ati garuu hunduma isaanii in
caalta"
isheedhaan in jedha.
30 Simboon nama irraa in darbiti
miidhaginnis nama in
gowwoomsiti,
dubartiin Waaqayyoon sodaattu
garuu in jajamti.
31 Gatii ija bojii isheetii isheedhaaf
kennaa!
Hojiin ishee yaa'ii karra
mandaraa keessatti ishee
haa jaju!

Macaafa Lallabaa

Wanti Hundinuu Kan Waa'ee Hin Baafne Ta'uu Isaa

1 ¹ Dubbiin kanatti aanec jiru kan
ilma Daawit mootii Yerusaaalem
isa lallabichaa ti*.

² Lallabichi,
"Wanti hundinuu
kan waa'ee hin baafnee dha,
waa'ee hin baasu! Dhuguma
waa'ee hin baasu!" jedhe*.

*1 1:12; Fak 1:1
*2 12:8; Far 39:5; 62:9

³ Namni hojii isaa
isa aduu jalatti itti dadhabu
hundumaaf,
bu'aa maalii argata*?

⁴ Dhaloonni tokko in darba,
dhaloonni biraas in dhufa;
lafti garuu yeroo hundumaaf
dhaabatee in hafa*;

⁵ biiftuun in baati, in lixxi,
iddoo dhufteettis in ariifatti,
deebitees in baati;

⁶ qilleensi gara mirgaatti in
qilleensa'a,
gara bitaattis in naanna'a;
naanna'ees gara dur dhufetti in
deebi'a.

⁷ Lagooni hundinuus gara
galaanaatti in yaa'u,
galaanichi garuu hin guutu;
lagooni sunis gara dhufanitti in
deebi'u,
achiis deebi'anii in yaa'u.

*3 2:11, 18-22; 3:9; 5:15
*4 Far 90:3

⁸ Wanti hundinuu
hamma namni isa dubbachuu
dadhabutti,
nama dadhabsiisa;
iji arguu hin quufu;
gurris dhaga'uudhaan hin
guutu*;

⁹ wanti dur ta'ee ture
ammas ta'uuf jira;
wanti dur godhamee ture,
ammas godhamuuf jira;
wanta aduu jala jiru keessaa
wanti haaraan tokko illec
hin jiru.

¹⁰ Wanti namni,

"Ilaa! Wanta haaraa kana"
jechuu danda'u jiraa?

Wanti kun baroota
warra bara keenya dura turan
keessa kan ta'ee dha;
¹¹ wanti darbe hin yaadatamu,
warri si'achi dhufanis
wanta ta'uuf jiru hin yaadatan.

*8 Fak 27:20

¹² Ani lallabichi Yerusaaalemitti
mootii Israa'elin ture*;

¹³ ani wanta waaqa jalatti hojjetame
hundumaa
ogummaadhaan qoree
ilaaluudhaaf

itti nan yaade;
ilmaan namootaa akka
itti dhama'aniif
Waaqayyo hojii rakkisaa kana
kenneef*.

¹⁴ Ani wanta aduu jalatti hojjetame
hundumaa argeera,
kunoo, wanti hundinuu
waa'ee hin baasu,
akka nama qilleensa ari'uu tis*.

¹⁵ Wanti micciiramaan
qajeeluu hin danda'u,
wanti hin jirres lakkaa'amuu
hin danda'u*.

*12 Fak 1:1

*13 3:10; 8:16-17

*14 2:11; 4:4

*15 7:13; Fak 27:22

¹⁶ Ani, "Kunoo, ani warra ana dura
Yerusaaalem irratti mootii turan
hundumaa caalaa,

nama guddaa ta'eera,
ogummaas baay'ifadheera"
jedhee garaa kootti nan yaade*.

¹⁷ Ogummaa, maraatummaa,
gowwummaas
gargar baasee beekuudhaaf
itti nan yaade,
kunis immoo akka nama
qilleensa ari'uu

akka ta'e nan hubadhe*;
¹⁸ ogummaa baay'ee kessa aarii
guddaatu jira,

kan beekumsa dabalatus mataa
dhukkubbii dabalata.

*16 2:9; 1Mot 5:9-14

*17 2:12; 8:16-17; 7:25

**Qannootti Jiraachuun Kan Waa'ee
Hin Baafnee Ta'uu Isaa**

2 ¹Ani ofii kootii, "Mee dhaqqen gammachuu qoree, wanta gaariis ilaala!" jedbee nan ka'e; kunoo, kunis immoo wanta waa'ee hin baafnee dha*; ²"Kolfi maraatummaa dha, gammachuunis maal namaaf godha?" nan jedhe*; ³daadhii wayniitiinis namummaa koo gammachiisuu nan yaade, yaadni garaa koo garuu amma iyyuu ogummaadhaan na geggeessaa jira; ani gowwaa fakkaadhee ilmaan namootaa bara muraasa itti biyya lafa irra jiraatan kanatti wanta gaarii gochuun isaanii ta'u arguu barbaadeen ture*.

*1 2:3, 10-11, 24-25

*2 Fak 14:13

*3 Fak 20:1; 23:29-35; 31:4

4 Ani hojii koo nan bal'ifadhe; manneen nan ijaarradhe, mukkeetii wayniis nan dhaabbadhe; ⁵iddoo dhaabaa nan tolfadhe, mukkeetiis nan dhaabbadhe; mukkeetii ija garaa garaa godbatanis achi keessa nan dhaabe. ⁶Mukkeetiin caakkicha keessaa akka ittiin obaafamaniifis kuufama bishaanii achitti nan tolche. ⁷Garboota dhiiraa fi dubartii nan bitadhe, garboonni manatti dhalatanis jiru; warra ana dura Yerusaaalem keessa jiraatan caalaa saawwan baay'ee fi bushaayee baay'ee qabaadheera*.

⁸Meetii, warqee, badhaadhummaa mootonnii fi warri kutaa biyya garaa garaa bulchan qabaatanis walitti qabaddheera; faarfattoota dhiiraa fi dubartii akkasumas saajjatoota ilmaan namootaa itti gammadan baay'een qaba*. ⁹Warra ana dura Yerusaaalem keessa jiraatan caalaas guddadheera, ogummaan koos anuma biratti hafe*.

¹⁰Wanta iji koo bawwe hundumaa ani bin dhowwanne, garaa koos gammaduu irraa hin dhowwine; wanta ani itti dadhabe bundumaatti garaan koo in gammada, wanta ani itti dadhabe hundumaa keessaa, kun qooda koo ture.

¹¹Garuu wanta harki koo hojjetee fi wantan itti dadhabe bundumaa garagalee yommuun ilaalu, wanti kun hundinuu waa'ee bin baasu,

akka nama qilleensa ari'uu tis; aduu jala wanti bu'aa qabu hin jiru*.

*7 IMot 5:3; 8:63

*8 IMot 5:1; 10:14-22; 2Sam 19:36;

IMot 11:3

*9 1:16; 1Mot 10:23; 1Sen 29:25

*11 1:3

¹²Ani kana irratti ogummaa, maraatummaa, gowwummaas deebi'ee ilaafuutti nan ka'e;

namni, mootii tokko booddeedbaan mootii ta'uuf jiru,

isa dur hojjetame irra kan caalu maal bojjechuu danda'a ree*?

¹³Egaa ifni dukkana irra akkuma caalu, akkasuma ogummaan gowwummaa irra caaluu isaa nan arge;

¹⁴namni ogeessi yaada guumudhaan in arga, namni gowwaan garuu, dukkana keessa deddeebi'a; wanti lacbuu isaaniitti dbufu garuu tokkicbuma akka ta'e hubadheera*.

¹⁵Egaa, "Wanti nama gowwaatti dhufu anattis in dhufa erga ta'ee, maaliifan ogeessa ta'e ree?" jedheen garaa kootti yaade; kana irrattan, "Kunis immoo wanta waa'ee bin baafnee dha" jedhe.

¹⁶Seenaan nama ogeessaa seenaa nama gowwaa irra caalee bara baraan bin yaadatamu; baroonni yommuu darban hundumti isaa in irraanfataama; namni ogeessi attamitti akkuma nama gowwaatti du'a ree*!

¹⁷Wanti aduu jalatti hojjetamu waan na gaddisiiseefan jireenya jibbe; wanti hundinuu waa'ee hin baasu, akka nama qilleensa ari'uu tis.

*12 1:17

*14 9:2-3; Iyo 9:22

*16 Far 49:10

¹⁸Nama isa na booddee dhufuuf dhiisuun giddii waan anatti ta'uufan

wantan aduu jalatti itti dadhabe hojjetee hundumaa jibbe; ¹⁹namichi sun nama ogeessa yookiis gowwaa ta'uu isaa eenyuu beeka? Garuu inni wanta ani aduu jalatti itti dadhabe ogummaadhaan bojjedhe irratti gooftaa in ta'a; kunis immoo wanta waa'ee hin baafnee dha*. ²⁰Kanaafan wanta harki koo aduu jalatti itti dadhabe bundumaaf deebi'ee garaa kutadhe; ²¹namni tokko ogummaa, beekumsaa fi harka-tolinaan wanta itti dadhabe hojjetee bundumaa nama isa bin bojjetiniif dhiisuun giddii itti in ta'a; kunis immoo wanta waa'ee hin baafnee dha, guddaas nama in gaddisiisa; ²²namni wanta aduu jalatti itti dadhabe, garaa isaatiinis itti dhama'uu hundumaa keessaa maal argata? ²³Barri isaa hundinuu dbiphinaan, wanti iuni itti dadhabus gaddaan guumu dha; balkan illee yaadni isaa boqonnaa hin qabu; kunis immoo wanta waa'ee hin baafnee dha*.

*18-19 2:21; 6:2; Far 39:6

*22-23 5:16; 8:16-17; Iyo 7:1-2

²⁴Namni nyaatee, dhugee, wanta hojjetettis gammaduun isaaf gaarii dha mitii ree? Kunis immoo barka Waaqayyoo keessaa akka dhufu nan arge; ²⁵Waaqayyoo biraa yoo ta'e malee, eenyuu nyaachuu yookiis gammaduu danda'a ree*? ²⁶Waaqayyoo nama isa duratti gaarii ta'eef ogummaa, beekumsa, gammachuus in kenna; isa namni cubbamaan walitti qabee tuule garuu, Waaqayyoo nama isa duratti gaarii ta'eef akka inni kennu in godha; kunis immoo wanta waa'ee hin baafnee dha, akka nama qilleensa ari'uu tis*.

*24-25 3:12-13, 22; 5:17-18; 8:15; 9:7-9

*26 Iyo 27:16-17; Fak 13:22

**Wanti Hundinuu Yeroo
Qabaachuu Isaa**

3 ¹Wanti hundinuu yeroo qaba, wanti bantii waaqaa jala jiru hundinuu yeroo qaba*; ²dhalachuun yeroo qaba, du'uunis yeroo qaba; dhaabuun yeroo qaba, isa dhaabame buqqisuunis yeroo qaba*.

³Ajjeesuun yeroo qaba, fayyisuunis yeroo qaba; diiguun yeroo qaba, ijaarunis yeroo qaba.

*1 3:17; 8:5-6; 9:11-12

*2 7:17; Iyo 5:26

⁴Boo'uun yeroo qaba, kolfuunis yeroo qaba; gadduun yeroo qaba, sirbuunis yeroo qaba; ⁵dhagaa bittimsuun yeroo qaba, dhagaa walitti qabuunis yeroo qaba; ammachuun yeroo qaba, ammarhuu dhiisuunis yeroo qaba; ⁶barbaaduun yeroo qaba, barbaaduu dhiisuunis yeroo qaba; kaa'uun yeroo qaba, gatuunis yeroo qaba; ⁷baqaqsuun yeroo qaba, hodhuunis yeroo qaba; calluma jechuun yeroo qaba, dubbachuunis yeroo qaba*; ⁸jaallachuun yeroo qaba, jibbuunis yeroo qaba; loluun yeroo qaba, nagaa buusuunis yeroo qaba*.

*7 Fak 15:23

*8 9:1

⁹Namni wanta itti dadhabe hojjetu irraa bu'aa maalii argata*? ¹⁰Ilmaan namootaa akka itti dhama'aniif dadhabbi Waaqayyoo isaan irra kaa'ee argeera*; ¹¹Waaqayyoo wanta hundumaa yeroo isaatti miidhagsee uumeera, bawwii wanta bara dheeraa booddee ta'u beekuus yaada ilmaan namootaa keessa kaa'eera; haa ta'u iyyuu malee, namni wanta Waaqayyoo jalqabaa jalqabee hamma dhumaatti hojjetee, beekuu hin danda'u*. ¹²Namni bara jireenya isaatti wanta gaarii bojjete itti gammaduu irra kan caalu wanta tokko illee gochuu akka hin dandeenye nan beeka; ¹³namni hundinuu nyaatee, dhugee, wanta itti dadhabettis gammaduun kenna Waaqayyoo ti*; ¹⁴wanti Waaqayyoo hojjetu hundinuu bara baraan akka jiraatu ani beeka; wanti isatti dabalamu yookiis isa irraa fiudhamu tokko illee hin jiru; Waaqayyoo namni akka isa sodaamuf wanta akkasii kana bojjete*.

*9 1:3

*10 1:13

*11 7:14; 8:17

*12-13 2:24-25

*14 6:10

¹⁵ Wanti amma jiru isuma dur turee dha, wanti si'achi ta'us isuma dur ta'ee turee dha; Waaqayyo isuma darbe deebisee in fida*.

*15 1:9

Jal'ina Blyya Lafaa Irra Jiru Arguu Isaa

¹⁶ Ammas ani aduu jalatti, qooda firdii qajeelaa, jal'ina, qooda qajeelinaas. micciiramummaa nan arge; ¹⁷ ani, "Waaqayyo warra qajeelota, warra jal'ootas gara firdiitti in fida; wanti hundinuu, hojiin hundinuu yeroo qaba" jedhee, garaa koo keessatti nan-yaade*.

*17 3:1

¹⁸ Ilmaan namootaa immoo, "Ofii isaaniitti akka bineensotaa akka ta'an haa arganiif Waaqayyo isaan qora" jedhee, garaa kootti nan yaade. ¹⁹ Wanti namatti dhufuu fi wanti bineensatti dhufu tokkichuma; akkuma inni tokko du'u inni kaanis in du'a; hundumti isaani hafuuruma tokko qabu; namni bineensa irra hin caalu; wanti hundinuu waa'ee hin haasu*.

*19 Far 49:12,20

²⁰ Hundumti isaanii gara iddoo tokkoo in dhaqu; hundumti isaanii biyyoo irraa dhufan, gara biyyoottis in deebi'u*; ²¹ hafuurri namaa gara olii akka dhaqu, hafuurri bineensaas lafa keessa akka gad dhaqu eenyutu beeka? *20 12:7; Uma 2:7; 3:19; Iyo 34:14-15; Far 103:14; 104:29; 146:4

²² Namni wanta itti dadhabetti gammaduun ga'aa isaa waan ta'eef, wanti kana irra caalu akka hin jirre argeera; wanta isa booddeedhaan ta'uuf jiru akka arguuf eenyutu deebisee isa fiduu danda'a ree*?

*22 2:24-25

Cunqurfama Ilmaan Namootaa Irra Jiru

⁴ Ammas immoo cunqurfamuu aduu jalatti ta'aa jiru hundumaa deebi'ee ilaaluutti nan ka'e; imimmaan warra cunqurfamaniis nan arge, namni isaan jajjabeessu immoo

tokko illee hin jiru. Humni gara warra isaan cunqursanii waan jiruuf, namni isaan jajjabeessu tokko illee hin jiru*.

² Kana irrattan, "Warra hamma ammaatti jiran irra warra kanaan dura du'an wayya*"; ³ warri hin dhalatin immoo jal'ina aduu jalatti hojjetamaa jiru waan hin arginiif, isaan kana lamaan irra iyyuu in wayyu" jedhee yaade*.

*1 3:16

*2 Iyo 3:20-22

*3 6:3-5; Iyo 3:11-19; Er 20:14-18

⁴ Wanti namni itti dadhabee harka-tolinaan hojjetu hundinuu nama keessatti hinaaffaa akka kaasu nan arge; kunis immoo wanta waa'ee hin baafnee dha, akka nama qilleensa ari'uu tis; ⁵ namni gowwaan harka isaa dachaafatee taa'ee, jireenya ofii isaatii ballcessa*. ⁶ Rakkinnaan itti dadhabanii harka lama guutuu qabaachuu manaa, gabiitti harka tokko guutuu qabaachuu wayya*.

*5 Fak 6:10-11; 24:33-34

*6 Fak 15:16

⁷ Ammas immoo wanta waa'ee hin baafne tokko aduu jalatti nan arge; ⁸ namni kophaa isaa jiraatu tokko, ilma yookiis obboleessa kan hin qabne, kana hundumaa irratti iyyuu dadhabbiin isaa dhuma kan hin qabne, badhaadhummaa isaatiinis "Na ga'a" kan hin jenne yoo ta'e, namichi kun, "Eenyuufan dadhabee hojjedha? Maaliifanis gammachuu of dhowwa?" in jedha; kunis immoo wanta waa'ee hin baafnee dha, hojii nama gaddisiisuu dhas*.

*8 Fak 27:20

⁹ Wanti lama ta'anii itti dadhabanii hojjetan gatii gaarii waan qabuuf, lama ta'uun kophaa ta'uu irra in wayya; ¹⁰ inni tokko yoo kufe, hidhaani isaa lafaa isa in kaasa; nama yommuu kufu lafaa isa kaasu hin qabneef garuu wayyoo! ¹¹ Namoonni lama walii wajjin yoo ciisan, wal in ho'isu, nama kophaa isaa ciisutti garuu, attamitti ho'uu danda'a ree? ¹² Namni tokko nama kophaa adeemu tokko humna caalee yoo kuffise, warri lama ta'anii adeeman isaan mormuu in danda'u; fo'aan dachaa sadiin walitti fo'ame dafee hin citu.

¹³ Mootii dulloomaa fi gowwaa isa gorsa namaa hin fudhanne manaa, mucaa hiyyeessa ogummaa qabu wayya; ¹⁴ namichi mana hidhaa keessaa ba'ee mootii ta'ee yookiis hiyyuma isaa isa mo'aa jiru keessatti hiyyeessa ta'ee dhalate ta'a; ¹⁵ wanti jiraatanii aduu jala deddeebi'an hundinuu, mucicha isa mooticha hooddeedhaan dhufu duunkaa akka bu'an nan arge; ¹⁶ namoota lakkoobsa hin qabne bulchaa kan ture yoo ta'e iyyuu, warri booddeedhaan dhufan immoo isatti hin gammadan; kunis immoo dhuguma wanta waa'ee hin baafnee dha, akka nama qilleensa ari'uu tis.

Waaqayyoon Sodaachaa Akka Jiraatan Barsiisuu Isaa

⁵ Mana Waaqayyootti yommuu ol lixxu miilla kee eeggadhu! Dhaga'uudhaaf ol lixi! Dhaga'uun aarsaa isa warri gowwoonni dhi'eessan irra in caala; isaan waan hamaa akka hojjetan iyyuu hin beekan*.

² Afaan keetiin hin ariifatin, Waaqayyo duratti waa dubbachuudhaafis yaadaan hin jarjarin! Waaqayyo waaqa irra jira, ati garuu lafa irra jirta,

kanaaf dubbii kee muraasa haa ta'u*!

³ Baay'inni hojii abjuu namatti fida, haasaan nama gowwaa dubbii baay'inaan beekama*;

⁴ Waaqayyoof wareega yommuu wareegdu dafii raawwadhu! Inni warra gowwootatti hin gammadu waan ta'eef, ati immoo akka warra gowwootaa utuu hin ta'in wanta wareegde raawwadhu*!

*1 1Sam 15:22; Fak 15:8; Hos 6:6;

Far 40:6-8; Isa 1:10-20

*2 Mat 6:7; Yaq 1:19

*3 10:14; Fak 10:19

*4 Kes 23:21-22; 1Sam 1:11,28; Far 50:14

⁵ Isa wareegdu raawwachuu dhiisuu irra, wareeguu dhiisuu siif wayya; ⁶ arrabni kee wanta cubbuutti si geessu akka hin dubbanneef of eeggadhu! Ergamaa durattis, "Wanta kana utuun hin beekinan godhe" hin jedhin! Maaliif dubbii keetiin Waaqayyoon dhcek-kamsiiftee hojii harka keetii akka inni balleessu goota?

⁷ Abjuu baay'ee fi dubbii baay'ee keessa wanta waa'ee hin baafne baay'etu jira, ati garuu Waaqayyoon sodaadhu*!

*7 12:13; Er 23:27-28

Badhaadhummaa Amanachuu Waa'ee Kan Hin Baafne Ta'uu Isaa

⁸ Hojjetaan mootummaa inni isa tokko gararraa jiru, isa isaa gadii in cega, isaan lamaan gararraa kan jirus isaan in eega waan ta'eef, kutaa biyya tokkoo keessatti hiyyeessota cunqurfamanii, firdii qajeelaanii fi wanti isaaniif ta'u isaan irraa fudhatame yoo argite hin dinqisiifatin*! ⁹ Gara kamiin iyyuu taanaan bu'aan biyya tokkoo mootii qabaachuu ishee ti; mootichis lafti qotamu nagaatti akka eegamu in godha.

*8 Bau 23:6

¹⁰ Namni horii jaallatu horii hin quufu,

namni badhaadhummaa jaallatus isa hin quufu; kunis wanta waa'ee hin baafne dha*;

¹¹ qabeenyi yommuu baay'atu,

warri isa nyaatanis in baay'atu;
inni hore garuu ija isaatiin
ilaaluu malee
maal bu'aa qaba?

¹² Namni hojjetaan muraasa nyaatus
baay'ee nyaatus,
hirriba gaarii qaba;
baay'inni qabeenyaa garuu
hirriba nama dhowwa.

*¹⁰ Luq 12:15

¹³ Wanti hamaan ani aduu jalatti
arge tokko immoo,
isa namni badhaadhummaa
tuulee deebi'ee
ittiin miidhamuu dha*;

¹⁴ badhaadhummaan sun garuu,
gar-malee ittiin hojjetamee in
bada;
namichi immoo yeroo itti ilma
godhatutti

harka isaa duwwaa in hafa.

¹⁵ Qullaa isaa garaa haadha isaa
keessaa akkuma ba'e,
akkasuma qullaa isaa biyyootti
in deebi'a;
wanta itti dadhabe keessaa
tokko illee
harkatti qabatee hin deebi'u*.

*¹³ Mat 19:22

*¹⁵ Iyo 1:21; Far 49:17; 1Xim 6:7

¹⁶ Wanti akkasii kun baay'ee
kan nama gaddisiisuu dha;
akkuma dhufetti akkasumatti
immoo biyyootti in deebi'a;
wanti inni itti dadhabe hojjete
akka waan qilleensi fudhatee
erga ta'ee,
kun maal bu'aa qabaaf ree*?

¹⁷ Inni bara jireenya isaa hundumaa
dukkana keessa in jiraata;
gaddi guddaan, dhukkubni,
aariinis isatti in dhufa*.

*¹⁶ 1:3

*¹⁷ 2:22-23

18 Kunoo, namni bara jireenya isaa
ishee muraasa Waaqayyo lafa irratti
kenneef kana keessatti nyaatee, dhu-
gee, wanta itti dadhabe hundumaattis
gammaduun, wanta gaarii fi miidhagaa
ta'e nan arge; qoodni isaas kanuma.
¹⁹ Waaqayyo badhaadhummaa fi qabeen-
nya namaaf kennee, akka namni ga'aa
isaa fudhatee, wanta itti dadhabetti
gammadu gochuun kennaa isaa ti*;

²⁰ Waaqayyo gammachuu garaa isaaf
waan kennuuf, namni bara jireenya
isaatii badhaadhuma iyyuu hin yaada-
tu.

*¹⁸⁻¹⁹ 2:24-25; Far 73:26

Qabeenyl Amanslisa Kan Hin Qabne Ta'uu Isaa

6 ¹ Wanta hamaa namoota duratti
mul'ataa ta'e tokko, ani aduu ja-
latti argeera; ² Waaqayyo nama tokkoof
qabeenya, badhaadhummaa, ulfinas in
kennaaf; namichi kun wanta jireenya
isaatiif barbaachisu keessaa tokko illee
kan itti hir'atu hin jiru; garuu ormatu
qabeenya isaa nyaata malee, Waaqay-
yo akka inni qabeenya ofii isaatii
nyaatu isa hin goone; kunis wanta
waa'ee hin baafnee dha, dhukkuba
hamaa dhas*. ³ Namni tokko ijoollee
dhibba iyyuu godhatee, bara baay'ees
yoo jiraate, garuu wanta gaarii jireenya
isaatii argatutti hin gammadu yoo ta'e,
awwaalas bin argatu yoo ta'e, ani,
"Nama akkasii irra isa iddoo hin ga'in
dhalatee balleeffame wayya" nan je-
dha; ⁴ inni iddoo hin ga'in dhalatee
balleeffamu, kan waa'ee hin baafnee
dha; dukkanaa dukkanatti in darba,
maqaan isaas deebi'ee hin dha'amu.
⁵ Aduu hin argine, hin beeknes; kanaaf
inni iddoo hin ga'in dhalatee balleeffa-
me nama sana caalaa boqonnaa qaba*;
⁶ namichi sun bara kuma lama iyyuu
jiraatee wanta gaarii hin argine yoo
ta'e, lachannu iddoodhuma tokko dha-
qu mitii ree?

*² 2:18-19; Luq 12:20

*³⁻⁵ 4:3

⁷ Itti dadhabe hojjechuun namaa
hundinuu
qoonqoodhuma isaatiif;
kanuma keessaa iyyuu
fedha isaa utuu hin guuttatin in
hafa.

⁸ Namni ogeessi nama gowwaa
caalaa
maal bu'aa qaba?
Namni deegaan namoota gidduu
akka itti jiraatu beekuun isaa
maal bu'aa qabaaf?

⁹ Wanta argachuudhaaf yaadaan
jooran irra,
wanta of biratti argatan wayya;

kunis immoo wanta waa'ee hin
baafnee dha,
akka nama qilleensa ari'uu tis.

¹⁰ Wanti amma jiru duruma maqaa
kanaa moggaafame,
namni maal akka ta'e duruma
beekame;
namni isa isa caaluun mormuu
akka hin daadenyes heekamaa
dha*.

¹¹ Dubbiin yommuu baay'atu
wanta waa'ee hin baafnetu
baay'ata;
isa keessaas namni
maal bu'aa argata?

¹² Namni bara jireenya isaa isa
waa'ee hin baafne, isa
gabaabaa isa akka
gaaddisaa darbu kana
keessa utuu jiruu, wanta
isaaf gaarii ta'e eenyutu
beeka? Erga inni du'ee
wanta aduu jalatti si'achi
ta'uuf jirus eenyutu isatti
bimuu danda'a*?

*¹⁰ 3:14; Iyo 9:2-4,32

*¹² 3:22; 1Sen 29:15; Far 144:4

Ogummaan Waa'ee Baasu Isa Kam Akka Ta'e Himnu Isaa

7 ¹ Urgooftuu gaarii irra, maqaa
gaarii wayya;
guyyaa dhalatan irra,
guyyaa du'an wayya*;
² mana cidhaa dbaquu mannaa,
mana gaddaa dhaquu wayya;
duuni dhuma nama hundumaa ti,
warri jiranis garaa isaaniitti
isa in yaadatu;

³ kolfoo irra gadduu wayya;
fuulli namaa yommuu gaddu
garaan namaa in gammada;

⁴ garaan warra ogeessaa mana
gaddaa jira,
garaan warra gowwootaa garuu
mana gammachuu jira;
⁵ faarfannaa warra gowwootaa
dhaggeeffachuu irra,
ifata nama ogeessaa
dhaggeeffachuu wayya;

⁶ kolfo nama gowwaa akka qoraattii
xuwwee jalaa xaaxa'uu ti;
kunis wanta waa'ee hin
haafnee dha.

*¹ Fak 22:1

⁷ Wanti doorsisaan argamu
nama ogeessa in maraacha,
gabbarsuunis amala namaa in
balleessa*;

⁸ jalqaba gaarii irra, dhuma gaarii
wayya;
nama of korsu irra,
nama obsu wayya;
⁹ aariin bobaa gowwootaa jala
waan hoqotuuf,
ati dafttee hin aarin!

*⁷ Bau 23:8

¹⁰ "Baroonni darban maaliif baroota
ammaa irra wayyu?"
jettee hin gaafatin!

Gaaffiin akkasii
gaaffii nama ogeessaa miti.

¹¹ Ogummaan qabeenyaa wajjin
gaarii dha;
warra lafa irra jiraataniif
bu'aa qabdi;

¹² akkuma horiin nama golgu,
akkasuma ogummaan
nama in golgiti;
caalaatti immoo ogummaan
jireenya warra ishee argatanii
nagaatti in cegdi*.

*¹¹⁻¹² Fak 3:14-18; 16:16

¹³ Wanta Waaqayyo hojjete mee
ilaali!

Kan inni dabse, eenyutu
qajeelchuu danda'a ree*?

¹⁴ Namni wanta isa booddeedhaan
ta'uuf jiru hin beeku;
kanaafis ati bara gaariitti
gammadi!

Barri hamaan yoo dhufe immoo,
Waaqayyo isa kana, isa sanas
akka nume yaadadhu*!

*¹³ 1:15

*¹⁴ 3:11; Iyo 2:10

¹⁵ Ani bara jireenya koo
isa waa'ee hin baafne kana
keessa
wanta baay'ee argeera;
namni qajeelaan tokko
utuma qajeelaa ta'ee jiruu in
bade,

namni jal'aan tokko immoo
utuma jal'aa ta'ee jiruu
bara dheeraa in jiraate*;

¹⁶ maaliif nama qajeelaa fi nama
ogeessa

- keessa-ba'aa taatee of
balleessita*?
12 Maaliif nama jal'aa fi nama
gowwaa
keessa-ba'aa taatee,
yeroo kee malee duuta*?
18 Wanta tokko yommuu qabattu,
isa kaanis lafa hin buusin!
Namni Waaqayyoon sodaatu,
qabaa wanta hundumaa heeka*.
*15 8:14; Far 73:12-14
*16 2:15
*17 3:2
*18 12:13

- 19 Wanta hulchitoonni kudhan
mandara tokkoof hin hojjenne,
ogummaan nama ogeessa
tokkoof hojjetti*;
20 haa ta'u iyyuu malee, namni
qajeelaan
yeroo hundumaa wanta gaarii
hojjetu,
cubbuus kan hin hojjenne
lafa irra hin jiru*.
21 Si ahaaru hojjetaa keetii
haasaa keessa akka hin
dhageenyetti,
wanta namni dubbatu
hunduma isaa yaadaan hin
qahin!
22 Atis si'a haay'ee nama akka
arrabsite
garaan kee iyyuu beeka.
*19 Fak 24:5
*20 Far 14:3

- 23 Ani "Wanta kana hundumaa
ogummaadbaan qoree
ogeessa nan ta'a" jedhee,
nan yaade;
garuu ogummaan anattii in
fagaatte;
24 wanta akkas iddoo fagoo jiruu fi
wanta baay'ee gad fagoo ta'e,
eenyutu barhaadee arguu
danda'a?
25 Kanaafan ani yaada koo gara
heekumsaatti,
gara waa qoruutti,
gara ogummaa barhaaduutti,
gara hundee waan hundumaatti,
gara dadhabhii warra
gowwootaa beekuutti,
gara gowwummaa
warra qalbii hin qabnee
hubachuutti deebise.

- 26 Ani wanta du'a caalaa
hadhaa'u nan arge;
innis duhartii yaadni ishee
akka kiyyoo fi futtaasaa ta'e,
harki ishees akka funyoo
sibiilaa ta'ee dha;
namni Waaqayyo duratti gaarii
ta'e
ishee jalaa in ba'a;
namni cubbamaan garuu
isheedhaan in qabama*.
*26 Fak 5:3-6

- 27 "Kunoo, ani wanta kana
walitti qabaa isaa
argachuudhaaf,
tokko tokkoon qoree argeera"
jedha lallabichi.
28 Wanta ani barbaadaa ture
amma illee hin arganne;
namoota kuma keessaa
nama yaada qajeelaa qahu
tokko argadheera,
garuu isaan kana hundumaa
keessatti
dubartii yaada qajeelaa qabdu
tokkittii illee hin arganne.
29 Waaqayyo nama yaada qajeelaa
qahu uume;
namoonni immoo yaada haay'ee
warra ofii isaanitti qopheessan
duukaa hu'uu in barbaadu.
Kunoo, wanta ani qore
hundumaa keessatti
isa kana duwwaan arge.

Akki Itti Waaqayyo Hojjetu Dboksaatti Ta'uu Isaa

- 8 Namni ogeessi
hiikaa wanta kanaa
beekuu danda'u jiraa?
Ogummaan namaa fuula isaa in
ibsaaf,
nyaara isaas in hiikaaf.
2 Ati Waaqayyo duratti mootiidhaaf
waan kakatteef,
wanta inni si abhoomu akka
gootu sin gorsa.
3 Fuula mootii duraa ariittiidhaan
hin adeemin,
inni wanta jaallate gochuu
waan danda'uuf,
dubhii hin taaneefis hin
dhaabatin*!

- 4 Mootiin aboodhaan waan
dubbatuuf,
namni, "Ati maaliif kana
goota?"
ittiin jedhu hin jiru;
5 nama abhoommii isaa eegutti
wanti hamaan hin dhufu;
garaan nama ogeessaa
yeroo itti waa hojjetanii fi
akka itti hojjetan beeka.
6 Wanti hamaan nama irra ga'ee
yoo itti jahaate iyyuu,
wanti ta'u hundinuu
yeroo itti ta'uu fi
akka itti ta'u qaba*;
7 namni wanta ta'uuf jiru hin
beeku,
yeroo inni itti ta'uuf jirus
eenyutu isatti himuu danda'a*?
8 Namni hafuurri akka hin yaane
abboomuu hin danda'u;
akkasumas namni guyyaa du'aa
irratti
gooftummaa hin qabu;
akkuma yeroo lolaatti
loftuun gad dhiifamuu hin
daandeenye,
wanti hamaan warra isatti
qabaman
gad hin dhiisu.
*3 Fak 20:2
*6 3:1
*7 10:14

- 9 Ani wanta kana hundumaa
argeera;
wanta aduu jalatti ta'u
hundumaaas
qoree bira ga'eera;
yeroon inni tokko
warra kaan irratti mo'ee
isaan miidhus jira.
10 Ergasiis warri hamoonni iddoo
qulqullaa'aadhaa gad ba'aa, ol galaa
turan akka awwaalaman nan arge;
naannoon isaan jal'ina keessatti hojje-
chaa turanis isaan hin yaadatu; kunis
wanta waa'ee hin baafnee dha; 11 adab-
ni warra wanta hamaa hojjetan irra
dafee waan hin geenyeef, garaan il-
maan namootaa guutummaatti wanta
hamaa hojjechuutti in jabaata*.
12 Namni cubbamaan si'a dhibba hamaa
hojjetee hara dheeraa yoo jiraate illee,
warri Waaqayyoon sodaachaa fuula
isaa dura jiraatan isa caalaa gaariitti

- akka jiran ani heeka. 13 Namni hamaan
garuu Waaqayyoon sodaachaa fuula
isaa dura waan hin deddeebineef, hara
isaa akka gaaddisaa dheereffachaa hin
adeemu*.
*11 Iyo 35:15-16; Mil 3:14-15
*12-13 Far 37:17-20; 73:17-26; Fak.
10:27

- 14 Wanti waa'ee hin baafne lafa
irratti hojjetamu tokko jira; innis, isa
wanta namoota qajeelotaaf ta'u warri
jal'oonni argatanii, isa warra jal'ootaaf
ta'u immoo warri qajeelonni argatanii
dha; kunis immoo wanta waa'ee hin
baafnee dha*.
15 Namni hara lafa irra jiraatutti
nyaatee, dhugee, gammaduu irra kan
caalu qannoon waan hin jirreef, ani
gammachuu nan jaja; gammachuun kun
bara isa Waaqayyo lafa irratti akka
namni itti dadhabee hojjetuuf kenneef
kana keessatti isa bira kan jiruu dha*.
*14 7:15
*15 2:24-25

- 16 Ani ogummaa qoree baruuf,
wanta lafa irratti hojjetamus arguuf
yaada koo irra kaa'eera; namni kana
qoruu barhaadu jii isaa halkanii fi
guyyaa hirriba hin argatu; 17 ergasiis
ani wanta Waaqayyo aduu jalatti hoj-
jete hundumaa namni tokko illee hu-
bachuu akka hin daandeenye nan arge;
namni hamma fedhe illee itti yaadee
yoo qore, hiikaa wanta lafa irratti
ta'aa jiruu argachuu hin danda'u;
namni ogeessi kana kan beeku yoo of
se'e iyyuu, qoree bira ga'uu hin dan-
da'u*.
*16-17 3:11; 1:13,17; 2:22-23; Isa 55:8-9

Dbumal Nama Hundumaa Tokkicha Ta'uu Isaa

- 9 Ani wanta kana hundumaa ga-
raatti qabadheera, qoreeras; na-
moonni qajeelonni fi ogeeyyiin hojii
isaanii wajjin harka Waaqayyoo keessa
jiru; wanta isaan eeggatu jaalala ta'ee
fi jibba ta'ee isaa namni beekuu hin
danda'u. 2 Nama hundumaatti isa qa-
jeelaa fi isa jal'aatti, isa gaarii fi isa
gadheetti, isa qullaa'aa fi isa qullaa'aa
hin ta'initti, isa gaarii fi isa cubba-
maatti, isa kakuudhaan dubbii isaa
jabeessuu fi isa kakachuu sodaatutti
wanta tokkichatu dhufa*.
*2 2:14; Iyo 9:22

3 Wanta aduu jalatti hojjetamu hundumaa keessaa inni hamaan isa namoonni hundinuu dhuma tokkicha argatanii dha; kanuma irratti iyyuu garaan ilmaan namootaa hamminaan guutuu dha, bara jiraatan hundumaattis maraatummaan garaa isaanii keessa jira; kana booddee immoo in du'u*.
 4 Garuu warra jiraatan gidduu kan jiraatu abdii qaba; leenca du'e irra saree jiru wayya.

*3 8:11-12.

5 Warri jiran akka du'an beeku, warri du'an garuu waan tokko iyyuu hin beekan, gatii dadhabtii isaaniis deebi'anii hin argatan, seenaan isaaniis hin yaadatamu;
 6 jaalalli isaanii fi jibbi isaanii, binaaffaan isaaniis egaa badeera; wanta aduu jalatti hojjetamu hundumaattis si'achi qooda tokko illee hin qaban.

7 Waaqayyo amma hojii kee faara tolaadhaan waan ilaaluf, egaa ati dhaqii buddeena kee gammachuudhaan nyaadhu, daadhii waynii kees garaa qulqulluudhaan dhugi*!
 8 Yeroo hundaas uffata adii uffadhu, mataa kees dhadhaa ejersaa dibadhu!

*7 2:24-25

9 Bara jirenya kee isa waa'ee hin baafne hundumaa kana keessatti haadha manaa kee ishee jaallattuu wajjin jireenyatti gammadi! Aduu jalatti isa kanatti akka jiraattuu Waaqayyotu siif kenne; bara jirenya kee isa waa'ee hin baafne hundumaatti wanta ati aduu jalatti itti dadhabdee hojjetteef qoodni kee isa kana*.
 10 Wanta harki kee hojjechuu beeku hundumaa humna kee guutuudhaan hojjedhu! Iddoo lafa jalaa lafa dhaquuf jirtu sana, hojjechuun, itti yaadani waa qopheessuun, beekumsi, ogummaan is hin jiru.

*9 Fak 5:18-19

11 Ammas aduu jalatti waan tokko nan arge;

innis isa fiiganii nama dura darbuu dadhaban, lolanii mo'uu dadhaban, ogeessa ta'anii buddeena dhaban, afchaala ta'anii sooromuu dadhaban, waa hojjechuu utuma beekanii jajamuu dadhabanii dha; isaan kana hundumaattis yeroon tokkiebii fi wanti tokkichi in dhufa.

12 Namni yeroo kamitti maal akka itti dhufu beeku hin jiru; akka qorxummoonni kiyyootti galanii qabamanitti, akka simbirroonni jigoo jala lixanii qabamanittis, akkasuma ilmaan namootaa yeroo hamaa isa dingata isaan irratti lafa dha'uun in qabamu*.

*12 8:8

Ogummaan Akka Waa'ee Baafu Himuu Isaa

13 Ammas ani aduu jalatti wanta ogummaa guddaa anatti fakkaatu tokko nan arge; 14 innis, mandarri xinnoon namoonni muraasi keessa jiraatan tokko turte; mootii guddaan tokko dhufee lola itti kaasee ishee marsee, wanta ittiin masaraa ishee yaabanis guddisee naannessee itti in ijaare. 15 Namni biyyeessi acbi keessa jiraatu tokko immoo ogummaa isaatiin mandarattii badiisa in oolcha ture, garuu namichi hiyyeessi kun achi akka jiru namni tokko illee bin yaadanne; 16 kanaafan, "Ogummaan jabina irra in caalti" jedhe; baa ta'u iyyuu malee, namichi kun hiyyeessa waan ta'eef, ogummaan isaa in tuffatame, dubbii isaas namni dhaga'u hin turre*.

*16 Fak 24:5

17 Isa namni biyya mo'u gowwoota gidduu dhaabatee iyyu dhaggeeffachuu mannaa, dubbii ogeessotaa gabiitti dhaggeeffachuu wayya;
 18 ogummaan mi'a waraanaa irra caalti,

garuu namni cubbamaan tokkichi wanta gaggaarii baay'ee in balleessa.

Waa'ee Ogummaa Fi Gowwummaa Dubbachuu Isaa

10 1 Titiisi urgooftuu dibataa keessatti yoo duute foolii isaa akka balleessitu, akkasuma gowwummaan xinnoon ishee ogummaa fi ulfina namaa in balleessiti;
 2 yaadni nama ogeessaa karaa qajeelaa irra isa in buusa, yaadni nama gowwaa garuu karaa irraa isa in kaachisa*;
 3 namni gowwaan karaa irra yommuu adeemu iyyuu waa hubachuu hin danda'u, gowwaa ta'uu isaas garuma adeemutti of irratti in beeksisa.
 4 Namni si irratti gooftummaa qabu yoo sitti dheekame, daffee iddoo bojii keetiitii hin adeemin!
 Calluma jechuun cubbuu baay'ee bambisuu in danda'a.

*2 2:13-14

5 Wanta hamaa ani aduu jalatti arge keessaa inni tokko irra-daddarbaa isa warra biyya mo'an biratti ta'uu dha.

6 Gowwootaaf iddoo guddaa ulfina-qabeessatu kennama, badhaadhonni baay'een immoo iddoo gara gadii in taa'u;
 7 garboonni fardaan utuu adeemanii, bulchitoonni biyyaa immoo akka garbootaa lafa utuu adeemanii ani argeera*.

*5-7 Fak 30:21-23

8 Namni boolla namaaf qotu ofuma isaatii keessatti in kufa; nama keenyan diigu bofni in idda*;

9 nama dhagaa yaasu, dhagaan in miidha; nama muka falaxu, mukti in miidha.

*8 Far 7:15; Fak 26:27

10 Qottoon doome yoo qaramuu dhaabaate, humna baay'ee in fixa; ogummaan garuu hojii namaaf in hisachiisa.

11 Bofni utuu hin dawweeffamin yoo nama iddite, namichi inni bofa dawweessu bu'aa hin argatu*.

*11 Far 58:4-5.

12 Dubbiin afaan nama ogeessaa keessaa ba'u, namatti in tola;

namni gowwaan garuu, arrabuma isaatiin of in balleessa.

13 Gowwummaadhaan dubbii isaa in jalqaba, dhumni dubbii isaatiis bamminaa fi maraatummaa dha;

14 namni gowwaan dubbii in baay'isa, wanta ta'uuf jiru namni tokko illee beekuu hin danda'u; erga inni du'ee wanta ta'uuf jiru eenyutu isatti bimuu danda'a ree*?

*14 5:2; 8:7

15 Namni gowwaan, karaa gara mandaraatti isa geessu illee waan hin beekneef, hojiin isaa isuma in dadhabsiisa.

16 Yaa biyya mucaan si irratti mo'uu, yaa biyya angafoonni kee ganamaan nyaataa fi dhugaatiitti dhi'aatanii siif wayyoo*!

17 Yaa biyya mootiin kee nama ga'aa ta'ee fi angafoonni kee machiidhaaf utuu hin ta'in ittiin jabina argachuudhaaf

yerootti nyaatanii dhuganii,
gammadi!

*16 Isa 3:4; 5:11

¹⁸ Dhibaa'ummaan mana in duuffisa,
harka dachaafatanii taa'uunis
mana in dhimm'isiisa;

¹⁹ nyaati nama gammachiisuuf in
hojjetama;
daadhijn wayniis
jireenyi akka namatti tolu in
godha;
horiin garuu wanta hundumaa
namaaf in hojjeta.

²⁰ Garaa kee keessatti illee mootii,
iddoo ciisichaa keettis
sooressoota hin abaarin!
Simbirri qilleensa keessa balali'u
sagalicha fuudhee in adeema,
wanti baalleedhaan ka'us
dubbicha in hima.

**Wanti Si'achi Ta'uuf Jiru Akka
Hin Beekamne Himuu Isaa**

11 ¹ Bara baay'ee booddee deebi-
tee waan argattuuf,
midhaan kee hishaan irra
ceesisii

nania biyya fagoo jiruun ga'i!

² Wanti hamaan attamii
lafa irratti akka dhufu
waan hin beekneef,
nama torbaaf yookiis saddeetiif
isa hiri!

³ Bokkaan duumessa keessa
yommuu guutu lafa irratti
in rooba;
mukti gara mirgaatti yookiis
gara bitaatti yoo jige,
iddoodhuma itti jige sana in
ciisa.

⁴ Namni yeroo hundumaa qilleensa
gaarii eeggatu
sanyii facaasuu hin danda'u;
namni yeroo hundumaa
gara duumessaa ilaalus
midhaan isaa makarachuu hin
danda'u.

⁵ Karaa qilleensi irra adeemu
yookiis gadameessa keessatti
baanaan attamitti mucaa akka ta'u
akkuma beekuu hin dandeenye,
akkasuma Waaqayyo

inni waan hundumaa hojjetu
kan godhu beekuu hin
dandeesu*.

⁶ Waan ati facaafte keessaa
inni kam akka tolu
waan hin beekneef,
sanyii midhaanii kee ganamaan
facaasi,
galgalas harki kee facaasuuttii
hin boqotin!

Inni kun yookiis inni sun
yookiis immoo lachanu in
tolu ta'a.

*5 8:16-17; Yoh 3:8

Namootaaf Gorsa Kennuu Isaa

⁷ Ifni ha'eessa,
aduu ilaaluunis ijatti in tola;

⁸ namni bara itti jiraatu
hundumaatti haa gammadu!
Garuu barri dukkanaa
baay'achuuf

akka jiru baa yaadatu!
Wanti dhufu hundinuu
waa'ee hin baasu.

⁹ Yaa dargaggeessaa,
dargagummaa keetti
gammadi!

Bara dargagummaa keettis
garaan kee haa gammadu,
gara yaadni kee si geessutti
adeemi,
wanta iji kee argu duukaas
bu'i!

Garuu Waaqayyo wanta kana
hundumaaf
gara firdiitti akka si dhi'eessu
beeki*!

¹⁰ Mucummaanij fi dargagummaan
waan darbaaniif,
yaaddoon si irraa baa fagaatu,
dhagna kee keessaas dhiheen
haa hadu!

*9 2:24-25

**Yeroo Dargagummaatti Uumaa Ofii
Akka Yaadatan Gorsuu Isaa**

12 ¹ Barri hamaan utuu hin dhufin,
waggoonni ati, "Anatti hin
tolan"

ittiin jettus utuu hin dhi'aatin,
bara dargagummaa keetti
uumaa kee yaadadhu!

² Aduun, ifni, jiini,
urjiinis utuu hin dukkanaa'in,
bokkaa booddeedhaanis duumessi

utuu hin dhufin,
uumaa kee yaadadhu!

³ Yeroo sanatti harki kee
warri si eegaa turan,
miillan kee warri ciccimoonis
in hollatu;

ilkaan kee waan muraasataniif
nyaachuu in dadhabu,
iji kee inni ilaalaa tures in
dimimmisaa'a;

⁴ yommuu gurri kee lamaan
dhaga'uu in dadhabu,
ilkaan keetiin yommuu waa
nyaattus

sagaleen isaa hin dhaga'amu,
namoonni yeroo simbirri
wacutti in ka'u,
sagaleen faarfannaa isaanii
garuu

sitti hin dhaga'amu.

⁵ Yommuu ati irraan-olee adeemuu,
karaa irratti wanta sitti bu'us
in sodaatta;

rifeensi mataa keetii
akka daraaraa mata-bokkee in
ta'a,

caaroon kee akka kan qorophisaa
in dadacha'a;

kajeellaan kees in hadooda;
kana booddee iddoo boqonnaa
bara baraa in dhaqxa,
warri siif boo'anis karaa irra
asii fi achi in yaa'u.

⁶ Kanaafis bu'aa dhagna keetii
keessaa
wanti akka fo'aa meetii irraa
hojjetame
utuu hin citin,

inni akka harkee warqee irraa
hojjetame

utuu hin cabin,
wanti akka gomboo,
burqaa bishaanii biratti utuu
hin hurraa'in,

inni akka geengoo ittiin
bishaan boollaa waraabanis

utuu hin cabin uumaa kee
yaadadhu!

⁷ Biyyoon gara biyyoo
isa irraa dhufeetti deebi'uun,
hafuurri immoo gara Waaqayyo
isa isa kenneetti
deebi'uun hin hafu*.

⁸ Lallabichi, "Wanti hundinuu
waa'ee hin baasu!
Dhugumaan waa'ee hin baasu,
waa'ee hin baasu" jedhe*.

*7 3:20-21; Uma 3:19

*8 1:2

Jajamuu Hojji Lallahichaa

⁹ Lallabichi ogummaa kan qabu
duwwaa utuu hin ta'in, waan ofii beeku
saba in barsiise; inni fakkeenya
baay'ee itti yaadee, qoree, tarree gal-
chee in qopheesse; ¹⁰ inni dubbii nama
gammachiisu walitti qabee, dubbii qa-
jeelaa, dubbii dhugaas in caafe.

¹¹ Dubbiin warra ogeessaa akka
ulee isa tiksituu biraa argatanii ittiin
horii oofanii ti; jechi isaanii inni funaa-
namee walitti qabame, akka mismaara
tarreetti cinqaarfamee ti.

¹² Yaa ilma ko, kana irrattis gorsa
kanatti aanee jiru fudhadhu! Macaafota
caafuu baay'isuun dhuma hin qabu,
macaafa qoruu baay'isuunis nama in
dadhabsiisa.

¹³ Waaqayyoon sodaadhu,
abboommi isaaas eegi!

Kun nama hundumaa irraa in
barbaadama;

xumurri dubbii dhageenye
kana hundumaas isa kana*.

¹⁴ Waaqayyo hojii hundumaa, gaarii
ta'us hamaa ta'us wanta dhoksaatti
hojjetamu hundumaaf firdii in kenna*.

*13 3:14; 7:18; Kes 4:10; 6:2

*14 Rom 2:16; 2Qor 5:10

Macaafa Weedduu Weedduu Caalu

1 ¹ Kun weedduu Solomoon isa
weedduu hundumaa irra
caaluu dha*.

Isheen durbaa,

² "Jaalalli kee daadhii waynii irra
waan caaluuf,
afaan koo keessa na
dhungadhu*!

³ Fooliin urgooftuu dibataa kee
namatti tola,
maqaan kee dha'amuunis
akka urgooftuu dhangala'ee ti,
kanaafuu durboonni si jaallatu*;

⁴ na fudhadhuu sokki!

Dafnee in fiigna!

Gara diinqa keetti na geessi
yaa mootii!

Nuyi durboonni sitti in
gammanna,

in ililchinas;

jaalala kees daadhii waynii

caalaa in jajanna;

durboonni hundinuu

dhuguma si jaallatu*.

*1 *1Mot 4:32*

*2 *1:4; 4:10*

*3 *1:12*

*4 *1:2*

⁵ "Ani gurraattii yoon ta'e iyyuu
miidhagduu dha;

yaa intaloota Yerusaalem,

yaa warra akka godoo Qedaar,

yaa warra akka golgaa

Solomoonis!

⁶ Ani gurraattii waanan ta'eef,
aduun waan na gurraachesseefis

ija anatti hin baasinna!

Obboloonni koo anatti

dheekkamanii,

iddoo dhaabaa waynii isaanii

na eegsifatan;

iddoo dhaabaa waynii kootii

garuu

ani hin eeganne.

⁷ Yaa isaaraan koo jaallatu!

Bushaayee kee cessa tikfatta?

Waareettis cessa boqochiifta?

Ani maaliifan karra bushaayee

firoota kee bira

asii fi achi jooraa?" jette.

Dargaggeessichi,

⁸ "Yaa ishee diirboota hundumaa
irra miidhagduu!

Ati ofii keetii hin beektu yoo
ta'e,

bushaayee faana dha'ii adeemi!

Ilmoolee kees

godoo warra tiksootaa bira

dheechifadhu!

⁹ Yaa hiriye kee, ati akka farda
ishee konkolaataa Fara'oon

harkiftuu ti;

¹⁰ maddiin kee amartii

gurraattiidhaan,

mormi kees dirata warqeetiin

in miidhagfame;

¹¹ dirata warqee siif in tolchina,

guroo meetiis itti in rarraafna"

jedhe.

Isheen durbaa,

¹² "Yeroo mootiin maaddiitti taa'u,
urgooftuu naardos

ana irraa isatti in urgaa'a*;

¹³ jaalalleen koo

akka qodaa qumbii ti,

inni harma koo gidduu in

boqota;

¹⁴ jaalalleen koo anaaf akka

daraaraa urgaa'uu ti,

akka iddoo dhaabaa waynii

mandara En-Gedii keessaa tis"

jette.

*12 *1:3*

Dargaggeessichi,

¹⁵ "Yaa hiriye kee, kunoo,

ati miidhagduu dha,

ati baay'ee miidhagduu dha!

Iji kees akka ija gugee kuullee

dha" jedhe.

Isheen durbaa,

¹⁶ "Yaa michuu ko,

atis baay'ee miidhagaa dha!

Ati dhuguma nama in mararta,

margi lalisaanis iddoo ciisicha

keenya ti.

¹⁷ Utubaan mana keenya muka

gaattiraa ti,

qinaaxxiin isaas muka ejersaa
ti" in jetti.

2 ¹ Isheen, "Ani arfaasee Shaaron,
daraaraa dachaa keessaa tis"
jette.

Dargaggeessichi,

² "Hiriyeen koo durboota gidduutti,
akka daraaraa qoraattii keessa
jiruu ti" jedhe.

Isheen durbaa,

³ "Michuun koo dargaggoota
gidduutti

akka muka hudhaa mukkeetii

caakkaa gidduu

dhaabatuu ti;

gaaddisa isaa jala taa'uun anatti

in tola,

iji isaas afaan kootti in miyaa'a.

⁴ Michuun koo gara mana cidhaatti

na geesse;

milikkinni jaalallee isaa

ta'uu koo mul'isuu

ana irra jira.

⁵ Yommuu jaalalli na
dhukkubsachiisu,

yaa jara nana, ija wayniitiin na

sooraa,

ija muka hudhaatiinis na

jabeessaa!

⁶ Harki isaa inni bitaa mataa koo

jala jira,

harki isaa inni mirgaa immoo

na ammata*.

⁷ Yaa intaloota Yerusaalem,

michuu koo isa akka kuruphee

yookiis akka borofa

caakkaa,

hamma inni ofiin ka'utti hin

dammaqsinaa" jette*.

*6 *8:3*

*7 *3:5; 8:4*

Isheen durbaa,

⁸ "Kun sagalee miccuu kootii ti!

Kunoo, inni tulloota irra in

u'utaala,

gaarota irras in kaata;

⁹ michuun koo akka kuruphee ti,

akka ilmoo bosonuu tis.

Ilaa! Inni kellaana mana keenyaa

duuba in ijaajja,

qaawwa kellaatti maxxanee,

karaa qaawwa manaa in ilaala.

¹⁰ "Michuun koo deebisee anatti in
dubhate.

Dargaggeessichi,

'Yaa hiriye kee,

miidhagduu ko!

Ka'ii na bira kottu!

¹¹ Kunoo, amma ganni darbeera,

bokkaan caameera, sokkeeras;

¹² daraaraan bakkee keessatti

argameera,

yeroon weedduus ga'eera,

sagaleen gugees biyya keenya

keessatti dhaga'ameera;

¹³ mukti harbuu

ija godhachuu jalqabeera,

mukti wayniis daraaree

urgaa'eera,

yaa hiriye kee, miidhagduu ko,

ka'ii na bira kottu!" naan jedhe.

¹⁴ "Inni, 'Yaa gugee kee ishee

holqa dhagaa keessaa,

yaa ishee dhoksa bowwaa

keessaa,

fuula kee na argisiisi,

sagalee kees na dhageessisi!

Sagaleen kee anatti in tola,

fuulli kees anatti in miidhaga'

jedha" jette.

¹⁵ Hiriyoonni ishee immoo,

"Waangotaa fi ilmaan

waangotaa

warra waynii keenya isa daraaraa

nu duraa halleessan qabi!"

jedhan.

Isheen durbaa,

¹⁶ "Jaalalleen koo kan koo ti,

anis kan jaalallee kootii ti;

inni daraaraa keessa horii isaa

in tiksa*.

¹⁷ Yaa jaalallee ko! Utuu boruun

hin baqaqin,

aduunis utuu hin ba'in,

akka kuruphee fiigii kottu,

akka ilmoo bosonuu fottoqaa

gaaraa irraa

utaalii na bira ga'i*!

*16 *6:3*

*17 *8:14*

3 ¹ "Isaaraan koo jaallatu

halkan guutuu siree koo irra

nan barbaade,

barbaadees isa hin arganne;

- [ani isa nan waame,
innis na jalaa hin oowwaanne]
- ² ani ka'ee mandara keessa,
karaa irra, walga'ii karaa irra
naanna'ee isa nan barbaada;
isa garaan koo jaallatu sanas nan
barbaade,
garuu isa hin arganne.
- ³ Warri mandara eegan,
utuu asii fi achi adeemanii na
argan;
ani immoo, 'Isa garaan koo
jaallatu argitaniituu?'
jedhee nan gaafadhe*;
- ⁴ ergan xinnoo isaan bira darbee
immoo,
isa garaan koo jaallatu sana
argadhee,
isa nan qabadhe,
gadis isa hin dhiifne;
gara mana haadha kootti,
gara kutaa mana haadha koo
ishee na deesseettis
nan galfadhe*.
- ^{*3 5:7}
^{*4 8:2}
- ⁵ "Yaa intaloota Yerusaaalem,
jaalallee koo isa akka kuruphee
yookiis akka borofa caakkaa,
hamma inni ofiin ka'utti hin
dammaqsinaa*!"
- ^{*5 2:7}
- ⁶ "Inni lafa onaa keessaa
akka umbaa aaraatti
ol ba'aa jiru,
inni fooliin isaa akka qumbii fi
ixaana,
isa naggaadeen urgooftuu
hundumaa irraa
waliin maktee hojjette kun
eenyu*?"
- ⁷ Ilaa, teessoo Solomoon,
humna-qabeeyyii-Israa'el
keessaa jaatammi
itti naanna'anii jiru;
- ⁸ hundumti isaanii billaa baatu,
lolaaf kan qopheeffamanii dha;
sababii bir'aa halkaniitiifis,
billaa isaanii gudeeda irra
kaa'atanii taa'u.
- ⁹ Solomoon mootichi muka
Liibaanon irraa
siree golgaa qabu

- kan ittiin isa baatan in
hojjechiifate.
- ¹⁰ Miilli siree sanaa meetii irraa,
irkoon isaa warqee irraa,
iddoon taa'umsaa
uffata dhiilgee irraa hojjetame;
gidduu isaa intaloota
Yerusaaalemtu
bareechee hojjeteeff.
- ¹¹ Yaa intaloota Yerusaaalem,
dhaqaatii gonfoo Solomoon
mootichaa,
isa haati isaa guyyaa fuudha
isaatii,
guyyaa garaan isaa gammadettis
isaaf kennite ilaalaa!" jette.

*6 8:5

Dargaggeessichi,

- 4** ¹ "Kunoo ati miidhagduu dha
yaa hiriyee ko!
Ati miidhagduu dha,
iji kees akka ija gugec kuullee
dha,
innis shaashii ati baguuggattu
keessaan in mul'ata;
rifeensi mataa kee
karra re'oota tulluu Giil'aad
irraa
gad yaa'anii fakkaata;
² ilkaan kee akka hoolota
yommuu rifeensi isaanii
muramu
dhagni isaanii dhiqamee bishaan
keessaa ba'anii ti;
hoolonni kun hundinuu
lakkuu dhalu malee,
isaan keessa maseeenni
tokko illee hin jiru.
- ³ Hidhiin kee fo'aa bildiimaa fakkaata,
haasaan kee namatti tola,
maddiin kee rumaanii fakkaata,
innis shaashii ati haguuggattu
keessaan in mul'ata*;
- ⁴ mormi kee riqaa Daawit,
isa gaachanni gurguddaan
kummi tokko,
gaachanni warra goototaa
hundinuu
itti rarraafaman fakkaata;
- ⁵ harmi kee lachanuu ilmoolee
kuruphee,
ilmoolee kuruphee warra lakkuu,
warra daraaraa keessa dheedan
fakkaatu*.
- ⁶ Ani utuu boruun hin baqaqin,

- aduunis utuu hin ba'in,
gara tulluu qumbiin irratti biqiluu,
gara gaara ixaanaas nan dhaqa.
- ⁷ Yaa hiriyee ko, ati
guutummaadhumatti
miidhagduu dha,
mudaa tokko illee hin qabdu.
- ^{*1-3 6:5-7}
^{*5 7:4; Fak 5:19}

- ⁸ "Yaa kaadhimma ko,
Liibaanonii ka'ii na bira kottu!
Liibaanonii ka'ii na bira ga'ii!
Roggee tulluu Amaanaa irraa,
roggee tulluu Siinaarii fi
Hermoon irraa,
iddoo boolli leencotaa jiru,
tulloota qeerransaa irraas gad
bu'ii!

- ⁹ Yaa obboleettii ko,
kaadhimma ko!
Ati mil'uu tokkichaana,
dirata morma keetiinis
laphee na corte;
- ¹⁰ yaa obboleettii ko, kaadhimma ko,
jaalalli kee attam nama
gammachiisa!
Daadhii waynii caalaa namatti
tola,
fooliin urgooftuu dibataa kees
urgooftuu hundumaa irra
caala*;
- ¹¹ yaa kaadhimma ko,
hidhiin kee akka dhaaba
dammaa
nadhii eecophsa,
arraba kee jalaas dammaa fi
aannantu yaa'a,
fooliin uffata kees
akka foolii Liibaanon.

*10 1:2

- ¹² "Yaa obboleettii ko,
kaadhimma ko,
ati akka iddoo dhaabaa fi
akka laga dallaadhaan cufamee ti,
akka burqaa cufaan isaa
mallateeffamee tis;
- ¹³ ati akka iddoo dhaabaa rumaanii
ti,
mukti ija gaarii godhatu,
daraaraan urgaa'uu fi
biqiltuun naardos
achi keessa jiru.
- ¹⁴ Naardos, biqiltuun urgooftuu,

- mukti urgaa'u, qarafaan, mukti
ixaanaa,
mukti qumbii, mukti sabirii,
urgooftuun hundumaa irra
caalus achi keessa jira;
- ¹⁵ ati akka burqaa iddoo dhaabaa
jiruu fi
boolla bishaan taliilli keessaa
yaa'uu,
akka bishaan Liibaanonii
gad yaa'uu tis" jedhe.

Isheen durbaa,

- ¹⁶ "Yaa qilleensa gara bitaa
dammaqi!
Yaa qilleensa gara mirgaa
kottu!
Iddoo dhaabaa kootti qilleensa'i,
fooliin urgooftuu isaa bakkeetti
haa ba'u!
Michuun koo iddoo dhaabaa isaa
dhufee,
ija mukkeettii isaa isa gaarii
haa nyaatu!" jette.

Dargaggeessichi,

- 5** ¹ "Yaa obboleettii ko,
kaadhimma ko!
Ani gara iddoo dhaabaa kootii
dhufeera,
qumbii koo fi urgooftuu koo
walitti qabadbeera,
nadhii dhaaba dammaa kootii
nyaadheera,
daadhii waynii koo fi aannan koo
dhugeera;
yaa firoota ko, jaallatamoo ko,
nyaadhaa,
hamma quufstanittis dhugaa!"
jedhe.

Isheen durbaa,

- ² "Ani rafeera,
yaadni koo garuu hin rafne,
sagaleen hiriyee kootii in
dhaga'ama,
inni balbala in rukuta,
'Balbala anaaf bani!
Yaa obboleettii ko, yaa michuun
ko,
yaa kuullee akka gugee ko
yaa ishee mudaa hin qabnee!
Mataa koo fixeensi jiiseera,
rifeensa mataa koos
tiifun halkanii tortorseera' in
jedha.

- ³ Ani immoo, 'Anoo uffata koo of irraa baaseera attamittan deebisee uffadha ree? Anoo miilla koo dhiqadheera, attamittan deebisee lafa ittiin ejjedhee xureessa rec?' nan jedha.
- ⁴ Yommuu michuun koo karaa qaawwaa harka isaa ol liccisiifate, lapheen koo in dha'ate;
- ⁵ ani michuu koof balbala banuudhaaf ka'ee, harka kootiin qabannoo balbalaa yommuun qabe, qumbiin bishaanii quba harka koo irraa qabannoo sana irratti in coccophe.
- ⁶ Ani michuu koof balbala yommuun bane, inni dur illee deebi'ee sokke; yommuu inni dubbate yaadni koo isa bira ga'ee ture; haa ta'u iyyuu malee, ani isa nan barbaade, garuu isa hin arganne; ani isa nan waame, garuu inni na jalaa hin oowwaanne.
- ⁷ Eegdonni warri naauna'anii mandara cegan na arganii reebanii na maddessan; cegdonni kella sun uffata koo ana irraa fudhatan*;
- ⁸ yaa intaloota Yerusaaalem, michuu koo yommuu argitan maal itti bintu? Jaalalli na dhukkubsachiisuu isaa isatti akka himtan anaaf kakadhaa!" jette.

*7 3:3

- ⁹ Hiriyoanni ishee immoo, "Michuun kee michuu warra kaanii irra maal caala? Yaa ishee dubartoota hundumaa keessaa baay'ee miidhagduu! Michuun kee kan warra kaanii irra maal caalaa iyyuu ati akkas nu kaksiiifta?" jedhan.

Isheen durbaa,

- ¹⁰ "Michuun koo diimaa barbadaa dha, namoota kuma kudhan keessatti iyyuu in mul'ata;
- ¹¹ buqqeen mataa isaa warqee qullaa'aa fakkaata, rifeensi mataa isaa inni gad jigaan gurraacha akka qurruu ti;
- ¹² iji isaa kuullee akka gugee laga bishaanii bukkee teessuu, ishee naannoon agartuu ija isheetii akka aannanii addaatu ti;
- ¹³ maddiin isaa akka madabii biqiltuun urgooftuu hundinuu irratti guddifamuu ti, hidhiin isaa akka daraaraa isa qumbii coccophsuu ti;
- ¹⁴ harki isaa buttuujii warqee fakkaata, dhagaa gati-jabeessa bifa margaa qabuunis miidhagfameera; dhagni isaa akka ilka arbaa isa Safiirros itti uffifamee in calaqqisa;
- ¹⁵ miilli isaa utubaa dhagaa warqee qullaa'aa irra dhaabatu fakkaata; inni surra-qabeessa akka tulluu Liibaanonii fi akka muka gaattiraa isa bundumaa caaluu ti;
- ¹⁶ afaan isaa dhungannaatti baay'ec miyaa'aa dha, inni karaa bundaa nama in marara; yaa intaloota Yerusaaalem, kunoo isa kana michuun koo, isa kana firri koo" jette.

- 6** ¹ Hiriyoanni ishee, "Yaa ishee dubartoota hundumaa keessaa baay'ee miidhagduu! Michuun kee eessa dhaq? Karaa kam irras ba'e? Mee ka'i, nuyis sii wajjin dhaqnee isa in barbaannaa!" jedhan.

Isheen durbaa,

- ² "Michuun koo gara iddoo dhaabaa isaatiitti gad bu'e,

- gara madabii biqiltuun urgooftuu irratti guddifamuu dhaq; inni horii isaa achi in tiksa, daraaraas in cirata.
- ³ Michuun koo kan koo ti, anis kan michuu kootii ti; inni daraaraa keessa horii isaa in tiksa" jette*.

*3 2:16

Dargaggeessichi,

- ⁴ "Yaa hiriyeec ko, ati akka Tiirzaa miidhagduu dha, akka mandara Yerusaaalem nama in mararta, akka loltoota faajjii baatanis nama in sodaachifta*;
- ⁵ akka inni ana hin hawwannetti, ija kee ana irraa buqqisi! Rifeensi mataa kee re'oota tulluu Giil'aad irraa gad yaa'an fakkaata;
- ⁶ ilkaan kees akka hoolota dhagni isaanii dhiqamee bishaan keessaa ba'anii ti; hoolonni kun hundinuu lakkuu dhalu malee, isaan keessa maseenni tokko illee hin jiru;
- ⁷ maddiin kee rumaanii baqaqfame fakkaata, innis shaashii ati haguuggattu keessaan in mul'ata*.
- ⁸ Mootuuwwan jaatamni, saajjatooni saddeettamni, durboonni lakkoobsi isaanii dhuma hin qabne yoo jiraatan illee,
- ⁹ gugeen koo isheen mudaa hin qabne, isheen haadha isheetiif tokkittii, isbeen deesse ishee marartu, anaaf tokkittii koo ti; durboonni ishee arganii 'Eebbifamtuu' jedhaniin; mootuuwwanii fi saajjatoonni ishee in jajan" jedhe.

*4 6:10

*5-7 4:1-3

Hiriyoanni ishee,

- ¹⁰ "Isheen akka boruu ganamaa ol baatu,

- akka ji'aa miidhagdu, akka aduu iftu, akka loltoota faajjii baatanii nama sodaachiftu kun eenyu?" jedhan*.
- ¹¹ Inni immoo, "Ija mukkeetii dabbaa sana keessa jiranii ilaaluudhaaf, mukti waynii daraaree, rumaaniinis hudheera yoo ta'e hubachuudhaaf, gara dachaa dbaabaa muka meexxii nan dhaq*."
- ¹² Utuma ani hin beekin yaadni koo na butee, konkolaataa gurguddoota saba kootii irra na kaa'e" jedhe.

*10 6:4

*11 7:13

- 7** ¹ Hiriyoanni ishee, "Deebi'i, deebi'i yaa Shulaamittii! Nuyi akka si ilaalluuf deebi'!" jedhan.

Dargaggeessichi immoo,

- "Akka waan isheen kutata lama gidduu sirbituutti Shulaamittii kana irraa maal ilaaltu?
- ² Yaa intala guddaa biyyaa, miilli kee kophee balasee keessaan maal maal miidhaga! Mudhiin kee callee gati-jabeessa isa namni barka-toleessi tolche fakkaata;
- ³ handhuurri kee qadaada isa yeroo hundumaa daadhii waynii baatu in fakkaata; gudeedi kee tuullaa qamadii isa daraaraan itti naanna'ee jiru in fakkaata;
- ⁴ harmi kee lachanu ilmaolee kuruphee, warra lakkuu dhalatan in fakkaata*;
- ⁵ mormi kee riqaa ilka arbaa irraa hojjetame, iji kee lachanu duuchaa bishaan qurxummii isa karra Bataabiimitti dhi'oo Heshboon keessa jiru in fakkaata; funyaan kees riqaa Liibaanon

isa gara Damaasqootti
garagalee jiru in fakkaata.

*4 4:5

6 "Mataan kee tulluu Qarmelos,
rifeensi mataa kees fo'aa
haarrii dhiilgee fakkaata;
isa kanaanis mootiin in
booji'ama.

7 Yaa ishee jaallatamtuu
nama gammachiiftuu,
ati attam miidhagduu dha,
attamis nama mararta!

8 Hojjaan kee akka muka meexxi ti,
harmi kees akka hurbuu waynii ti;

9 ani, 'Muka meexxi sana nan
yaabbadha,
damee isa ija godhatus
nan qabadha' nan jedhe;
harmi kee akka hurbuu waynii ti,
fooliin hafuura funyaan kee

keessaa ba'us
akka ija muka hudhaa ti.

10 Dhungaanaan michuu kootii
akka daadhii waynii
isa hundumaa caaluu,
isa hidhii fi ilkaan keessa darbee
suuta jedhee gad bu'uu ti" jedhe.

Isheen durbaa,

11 "Ani kan michuu kootii ti,
inni ana in kajeela;

12 yaa michuu ko, kottu
mandara keessaa gad in baanaa,
gandeen keessas in bullaa!

13 Obboroodhaan in kaana,
gara iddoo dhaabaa wayniis in
dhaqna,
mukti waynii hudhee daraaree,
rumaaniinis daraarcera yoo ta'e
in ilaalla!

Anis achitti
jaalala koo kenna godhee siif
nan kenna*;

14 iji muka hawwa jaalalaa kaasu in
urgaa'a,
balbala keenya duras
iji mukaa gaggaariin,
warri ammaa fi warri durii jiru;
yaa michuu ko, isaan kana
siifan kaa'e" jette.

*13 6:11

Isheen durbaa,

8 ¹ "Utuu ati obboleessa koo
isa harma haadha kootii

hodhee guddate taatee,
karaa irratti yommuun si argu sin
dhungadhan ture;
kanaafis namni
ana hin tuffatu ture;

2 ani si dura bu'ee gara mana
haadha kootii
ishee na guddifteetti sin geessa;
daadhii waynii isa ba'eesa siifan
kenna,

cuunfaa rumaaniis sin obaasa*.

3 Harki isaa inni hitaa mataa koo
jala jira,

harki isaa iuni mirgaa immoo
na ammata*.

4 Yaa intaloota Yerusaalem,
jaalalleen koo hamma inni
ofiin ka'utti,
akka hin dammaqsine,
isin nan kaksiiisa" jette.

*2 3:4

*3 2:6

5 Hiriyoonna ishee, "Isheen lafa
onaa keessaa
michuu ishee harka qabatee ol
baatu kun eenyu?" jedhan.

Inni, "Ani muka hudhaa
jalaan si kaase,
iddoon sun immoo lafa itti
haati kee si ciniinsifate,
lafa isheen itti si deesses ture*.

6 Akka mallattootti garaa keettii fi
irree keetti na mallateeffadhu!
Jaalalli jabaa akka du'aa ti,
hinaaffaan gara-jabeessa akka
awwaalaa ti;

arrabni isaas akka arraba
ibiddaa ti,

akka giimii ibiddaa
isa xaph godhuu ti.

7 Bishaan baay'een iyyuu
ibidda jaalalaa bin dhaamsu,
lolaanis haree isa hin balleessu;
namni qabeenya qe'ee isaa jiru
hundumaan
jaalala bitachuu barbaaduun
gowwummaa dha" jedhe.

*5 3:6

8 Hiriyoonna ishee,
"Obboleettiin keenya xinnoo
dha,
hin guntunne iyyuu dha;
namni yommuu ishee
haasa'achuudhaaf dhufu,

maal isheedhaaf goonu ree?
9 Yoo isheen masaraa taate,
nuyi immoo riqaa meetii
irratti in ijaarra;
yoo isheen balhala taate,
nuyi immoo danqaraa muka
gaattiraatiin
in cufna" jedhan.

Isheen durbaa,

10 "Ani masaraa dha,
harmi koos riqaa fakkaata,
kanaafan fuula isaa duratti
jaallatame.

11 Solomoon iddoo dhaabaa waynii
tokko

Ba'aal-Hamoonii qaha ture;
iddoo dhaabaa waynichaa
eegdotatti dugda in gurgurate;
tokkon tokkon eegdotaa sanaas
gatii ija waynichaa
meetii kuma tokko tokko
in baasu turan;

12 iddoo dhaabaa waynii
inni kan kootii na dura jira,
yaa Solomoon, ati kuma
fudhadhu,
warri ija isaa eegan immoo
dhibba lama haa fudhatan!"
jette.

Dargaggeessichi,

13 "Yaa ishee iddoo dhaabaa keessa
jiraattuu,
hiriyoonna kee sagalee kee
dhaggeeffatu,
mee na dhageessisi!" jedhe.

Isheen durbaa immoo,

14 "Yaa michuu ko, daffi na hira kottu!
Akka kuruphee fi akka ilmoo
borofaa,
tulluu iddoo dhaabaa urgooftuu
irraa utaalii kottu!" jette*.

*14 2:17